


李詩補註


十五之二十



漢書門		三八一四	類
六冊	四架	九八函	號

漢書		三八一四	類
三二函	一三架	六冊	號

內閣文庫		番號	漢 3816
冊數	6	(5)
函號	312	127	



糊などで貼り付けられている部分がめくれない箇所あり

分類補註李太白詩卷之十五

淺草文庫

留別

明長洲許自昌玄祐甫校

秋日魯郡堯祠亭上宴別杜補闕范侍御

魯中

我覺秋興逸誰云秋興悲山將落日去水與晴空宜

魯酒白玉壺送行駐金羈歇鞍甜苦木解帶挂橫枝

歌鼓川上亭曲度神飈吹

波忽淡蕩白雪紛逶迤一本無此兩句却添入南隔

時相失各萬里茫然空爾思齊賢曰潘岳秋興賦曰善平宋玉之言曰裴哉雲歸碧海夕瀉沒青天

秋之為氣也莊子魯酒薄而邯鄲圖鮑照詩清如玉
壺水曹植詩白馬飾金羈易曰或鼓或罷或泣或歌
西京賦度曲未終雲起雪飛應邵曰自隱度作新曲
師古曰度大各切十洲記碧海在東海中詩豈不爾
思士贊曰沈約詩解帶來清風古詩相去各萬里漢
元帝紀自度曲波歌聲臣瓚曰度曲謂歌終更授其
次謂之度曲列子曰子貢茫然自失世說謂洗馬初
度江云見此茫然不覺百端交集苟未免有情亦復
誰能遣此王粲
詩惜哉空爾為

別魯頌

誰道泰山高下却魯連節誰云秦軍眾摧却魯連舌
獨立天地間清風洒蘭雪夫子還個儻攻文繼前烈
錯落石上松無為秋霜折贈言鏤寶刀千歲庶不滅

士贊曰魯仲連事見前揚雄河東賦參天地而獨立
兮晉忠義傳序曰激清風於萬古尚書公劉克篤前
烈西都賦隋侯明月錯落其間曹植詩繁華將茂秋
霜瘁之穀梁傳曰孟勞魯之寶刀漢書段會宗傳曰
朋友以言贈行古詩置
書懷袖間三歲字不滅

別中都明府兄

吾兄詩酒繼陶君試宰中都天下聞東樓喜秦連枝
會南陌愁為落葉分城隅淶水明秋日海上青山隔
暮雲取醉不辭留夜月鴈行中斷惜離羣齊賢曰陶

唐中都縣隸鄆州蘇武詩况我連枝樹與子同一身
毛詩俟我於戒隅江淹詩日暮碧雲合禮記兄之齒
鴈行又離羣索居士贊曰史文帝紀大王賢聖仁孝
聞於天下南史四王傳曰悲落葉落葉何時還宿昔

李詩補註 卷十五
共本根無復一相關江淹賦遷客
海上易曰進退無常非離羣也

夢遊天姥吟留別 一作別東魯諸公

海客談瀛洲煙濤微茫信難求越人語天姥雲霓明
滅或可觀天姥連天向天橫勢拔五嶽掩赤城天台
四萬八千丈對此欲倒東南傾我欲因之夢吳越一

夜飛度鏡湖月 齊賢曰瀛洲事見前處州麗水縣有
天姥山與括蒼山相連石壁上有字

高不可識春月則聞簫鼓笳吹聲謝靈運詩暝投剡
中宿明登天姥岑天台賦赤城霞起而建標十道四
蕃志天台山高一萬八千丈周圍八百里任昉記越
州鏡湖世傳軒轅鑄鏡湖邊因得名士贊曰楚辭天
問曰康回憑怒地何故以東南傾列子曰地不滿東南
湖月照我影送我至剡

溪謝公宿處今尚在淶水蕩漾清猿啼脚着謝公屐

身登青雲梯半壁見海日空中聞天雞 齊賢曰謝靈
運移籍會稽

脩營舊業傍山帶江盡幽居之美尋山陟嶺常着木
屐靈運詩共登青雲梯應邵漢官儀泰山東山名曰
日觀雞一鳴時見日欲出三丈士贊曰剡溪即剡中
靈運詩暝投剡中宿處景福殿賦淶水浩浩玄中託
桃都山有大樹曰桃都枝相去三十里上有天雞日
初出照此木天雞即鳴天下雞皆隨之郭璞江賦其
羽族也則有
晨鳴天雞 千巖萬轉路不定迷花倚石忽已暝熊

咆龍吟殷巖泉慄深林兮驚層巔雲青青兮欲雨水

澹澹兮生煙 齊賢曰世說顧長康從會稽還云千巖
競秀萬壑爭流毛詩殷其雷殷音隱士

贊曰鮑照詩千巖盛阻積萬壑勢繁迴劉安招隱士
曰叢薄深林兮人上慄又虎豹闢兮熊羆咆張衡曰

龍吟方澤謝眺詩生煙紛漠漠列缺霹靂丘巒崩摧洞天石扇訔然

中開青冥浩蕩不見底日月照耀金銀臺齊賢曰楊雄校獵賦

霹靂列缺吐火施鞭唐正觀中華陰雲臺觀法師隨長公彌行三二十里援蘿攀葛至一石壁削成高千餘仞下臨無底之谷一徑闊數寸法師隨公彌側足而立公彌乃以指扣石壁中有人問曰為誰對曰某遂劃然開一門中有天地日月法師隨公彌入因闔門則又成石壁矣郭璞詩但見金銀臺士贊曰楚詞據青冥而攄虹又

怨靈脩之浩蕩霓為衣兮風為馬雲之君兮紛紛而來下虎鼓瑟兮鸞回車僊之人兮列如麻忽覩悸

以魄動恍驚起而長嗟惟覺時之枕席失向來之煙

霞齊賢曰屈原東君曰青雲衣兮白霓裳郊祀歌曰靈之下兮若風馬河伯曰與汝遊兮河之渚流漸

紛兮將來下田延年傳曰使我至今病悸說文悸心動也士贊曰莊子尻為輪伸為馬楚詞既亡鸞車之幽藹兮駕八龍之逶迤

世間行樂亦如此古來萬事東流水別

君去時何時還且放白鹿青崖間須行即騎訪名山

安能摧眉折腰事權貴使我不得開心顏齊賢曰楊暉曰人生

行樂耳士贊曰呂氏春秋水泉東流江淹詩遊子何時還神仙傳衛叔卿騎白鹿事見前集仙傳西王母遣使白虎之神乘白鹿集于黃帝之庭陶潛不為五斗米折腰事見前史灌夫等傳論曰武安負貴而好權謝靈運詩

開顏披心曾

留別曹南羣官之江南

我昔釣白龍放龍溪水傍道成本欲去揮手凌蒼蒼

李詩補註

卷十五

四

國立公文書館 National Archives of Japan

時來不關久談笑遊軒皇獻納少成事歸休辭建章

齊賢曰陵陽山竇子明鈞龍得仙事見前謝靈運詩揮手告鄉曲莊子曰天之蒼蒼其正色耶軒皇黃帝

西京賦建章是經士贊曰陶潛詩時來苟宜會范曄

後漢書并丹傳曰自是隱閉不關人事以壽終班固

兩都賦序曰朝夕論思日月獻納莊子云許由曰歸

休乎君予無所用天下為陶潛詩開歲倏五十吾生

行歸十年罷西笑覽鏡如秋霜閉劍琉璃匣鍊丹紫

翠房身佩豁落圖署垂虎盤囊仙人駕綵鳳志在窮

遐荒齊賢曰桓子新論人有聞長安之樂則出門西

冠帶玉佩及虎頭盤囊年二十許張老與妻劉氏赴

蓬萊各騎一鳳餘騎鶴向東而去鄴甲記石虎改虎

頭盤囊為龍頭盤囊班固與弟超書曰遺仲叔虎頭

盤囊金銀鈎士贊曰集仙傳西王母所居宮闕在龜

山有城九層玄室紫翠丹房左帶瑤池右環翠水

落圖事見十卷注又道經太上老君曰凡欲修行大

洞真經三十九章雌一玉檢五老寶經玄母簡十二

上願佩神虎金虎符豁落七元流金火鈴消魔隱

沾制萬靈飛步五星存注七元思真行道上求天仙

合服神丹飛騰靈丸名書玄圃剋戎上仙史孝山出

師頌曰恩戀于四五人徘徊未翱翔東流送白日驟

沾遐荒齊賢曰毛詩將

歌蘭蕙芳僊宮兩無從人間久摧藏齊賢曰毛詩將

風轉蕙泛崇蘭劉越石詩抱膝獨摧藏士贊曰漢息

夫躬傳鷹隼橫厲鸞徘徊宋玉對楚王問曰鳳皇上

激九千里絕雲霓負青范蠡說句踐屈平去懷王飄

天翱翔乎杳冥之上齊賢曰紫霞心流浪憶江鄉愁為萬里別復此一街觴齊賢

日范蠡事句踐滅吳報會稽之耻為書辭句踐乃裝

其輕寶珠玉自與其私徒屬乘舟浮海以行終不反

越句踐表會稽山為魯奉邑屈平去懷王事見前王
贊曰趙景真與嵇茂齊書曰飄飄遠遊之士何敬
詩心虛體自輕飄飄若仙步郭璞詩升降隨雲煙飄
飄戲九垓陸機詩輕舉乘紫霞鮑照詩流浪漸冉經
三齡江淹別賦暫遊萬里少別千年

淮水帝王州金陵繞丹陽樓臺照
海色衣馬搖川光及此北望君相思淚成行朝雲落

夢渚瑤草空高堂帝子隔洞庭青楓滿瀟湘齊賢曰謝眺詩

金陵帝王州金陵漢晉為丹陵郡巫山神女旦為朝

雲事見前夢渚雲夢之渚通典江陵縣有楚省官江

淹詩瑤草正翕絕瀟湘洞庭帝子事見前王贊曰按

秦淮水在上元縣南秦始皇時望氣者言金陵有天

子氣使朱衣鑿山為瀆以斷地脉改金陵為秣陵晉

陵秋云秦開故曰秦淮或云淮水發源屈曲不顯入

工江淹詩相懷君路綿邈覽古情淒涼登岳眺百川

思巫山者

杳然萬恨長知戀峨眉去弄景偶騎羊齊賢曰毛詩豈不願歸

眉縣在嘉州內觀經老君曰騎羊真人金堂玉室十

贊曰何敬祖詩長懷慕仙類眇然心綿邈晉盧諶有

覽古詩

留別于十一兄述裴十三遊塞垣

太公渭川水李斯上蔡門鈞周獵秦安黎元小魚鮒

兔何足言天張雲卷有時節吾徒莫歎抵觸潘干公

白首大梁野使人悵望何可論既知朱亥為壯士且

願束心秋毫裏秦趙虎爭血中原當去抱關救公子

裴生覽千古龍鸞炳文章悲吟雨雪動林木放書輟

裴生覽千古龍鸞炳文章悲吟雨雪動林木放書輟

劍思高堂勸爾一杯酒拂爾裘上霜爾為我楚舞吾

為爾楚歌且探虎穴向沙漠鳴鞭走馬凌黃河耻作

易水別臨岐淚滂沱齊賢曰秦青撫節悲歌聲振林

木世說大元末長星見孝武舉

杯屬星云長星勸爾一杯酒留侯世家云上曰為我

是舞吾為若楚歌呂蒙曰不探虎穴安得虎子謝靈

運詩鳴鞭適大河荆軻入秦太子及賓客送至易水

之上既祖取道高漸離擊筑荆軻和而歌為變徵之

聲士皆垂淚泣涕毛詩涕泗滂沱士贊曰太公李斯

事並見三卷注魏子伯且倫二切狡兔也又鬼子易

抵羊觸藩羸其角大梁夷門監者侯羸薦朱亥與魏

公子無忌奪晉鄙兵救趙事見四卷注吳質答魏太

子綦曰擣藻下筆龍鸞之文奮矣班

固兩都賦序曰文章炳然三代同風

留別王司馬嵩

曾連賣談笑豈是顧千金陶朱雖相越本有五湖心

余亦南陽子時為梁甫吟蒼山容偃蹇白日惜頽侵

士賦貞曰魯仲連陶朱公諸葛亮梁甫吟事並見前劉

安曰意士曰桂樹叢生兮山之幽偃蹇連蜷兮枝相

葉王粲詩白日忽已暝願一佐明主功成還舊林西來何所為

孤劍託知音鳥愛碧山遠魚遊滄海深呼鷹過上蔡

賣畚向嵩岑他日閒相訪丘中有素琴齊賢曰陸雲

詩知音信所

稀呼鷹臺在鄧州東南一里劉表所築史李斯謂中

子曰吾欲與若牽黃犬出上蔡東門何可得也見前

王猛家貧賤以鬻畚為生當貨畚於洛陽有一人貴

買其畚無直可隨我取猛從忽至深山見一老鬚髮

皓然據胡床而坐左右十人有一人引猛進拜父老

曰王公何緣拜也乃十倍償畚直遣人送之既出回

李詩補注

卷十五

七

本言不言 卷十五
顧乃嵩高山詩丘中有麻彼留子嗟陶淵明蓄素琴
一張士贇曰老子道德經功成名遂身退天之道也
東方朔十洲三島記滄海在北海中地方三千里海
四面繞島各五十里水皆滄色仙人謂之滄海無風
而洪波
百丈

還山留別金門知己

好古笑流俗素聞賢達風方希佐明主長揖辭成功
白日在青天迴光矚微躬恭承鳳皇詔歛起雲蘿中
清切紫霄迴齊賢曰尚書序好古博雅君子孟子同乎流俗又聞
伯夷之風者頑夫廉左思詩功成不受賞長揖歸田
盧鳳詔見前梁簡文賦升紫霄之丹地劉績詩拘限
清切禁賈山至言人主開道而求諫和顏色而受之

顏延年楮白馬賦聲價隆振士贇曰謝靈運詩賢達
不可紀劉孝標廣絕交論曰斯賢達之素交左思詩
皓天舒白日靈景曜神州曹植求通親親表若葵藿
之傾太陽雖不為之迴光然向之者誠也沈約詩便
欲息微躬風俗通曰張伯坐
養聲價鮑照詩輝石亂煙虹乘輿擁翠蓋扈從金城
東寶馬驟絕景錦衣入新豐倚巖望松雪對酒鳴絲
桐左學揚子雲獻賦甘泉宮天書美片善清芬播無
窮歸來入咸陽談笑皆王公齊賢曰子孟子今乘輿已
駕矣曹子建表從華蓋
侍輦轂上林賦扈從橫行出于四校之中過秦論金
城千里太白應制為樂章明皇嘗賜之錦袍新豐見
前顏延年詩山明望松雪謝宣遠詩中堂起絲桐子
雲獻賦見前鮑明遠詩片善辭草萊秦都咸陽士贇
曰甘泉賦咸翠蓋而鸞旗陸機詩翩翩翠蓋羅史李
斯傳中廡之寶馬臣能御之陸機文賦誦先人之清
李詩甫生 卷十五 六

芬晉書列女傳贊清芬靡不書畢命一朝去金馬飄

落成飛蓬賓友日疎散玉樽亦已空長才猶可倚不

慚世上雄閒來東武吟曲盡情未終壽此謝知已篇

舟尋釣翁齊賢曰金馬門見前毛詩首如飛蓬呂纂

載記盜發張駿冢得琉璃榼白玉樽司馬

相如傳長卿故倦游雖貧其人才足依也鮑照東武

吟注東武太山皆齊之士風絃歌謳吟之曲名也王

贊曰樂府東武吟注疏曰人有少壯征伐年老被棄

游於東武者不敢論功但戀君耳故託遠以言之東

武太山下小山名阮籍詩娛樂未終極漢司馬遷傳

曰士為知己者用東漢橋玄傳曰曹植感其知己偏

舟范蠡

爭兒前

夜別張五

吾多張公子別酌酣高堂聽歌舞銀燭把酒輕羅

橫笛弄秋月琵琶彈陌桑龍泉解錦帶為爾傾千觴

齊賢曰樂書橫吹曲曰下馬吹橫笛釋名曰推手前

日琵琶引手却白琵琶陌上桑古曲名龍泉劍名鮑照詩

錦帶佩吳鉤士贊曰陸機詩置酒高堂悲歌臨網罟

都賦曰吉辰良置酒高堂晉孝武紀史臣論曰肆一

醉於崇朝飛

千觴於長夜

魏郡別蘇明府因北游

魏郡接燕趙美女誇芙蓉淇水流碧玉舟車日奔衝

青樓夾兩岸萬室喧歌鐘天下稱豪貴遊此每相逢

齊賢曰魏地與燕趙相接趙記曰女子盛飾治容習

絲竹長袖傾絕諸侯西京雜記卓文君臉際常若笑

李詩甫注

卷十五

九

蔡唐衛州有清洪縣毛詩衛淇與言淇水之隈也曹
子建詩青樓臨大路齊書世祖於樓上施青漆世謂
之青樓王贊曰左傳歌鍾二肆鮑照詩庭下列歌鐘洛陽蘇季子劍戟森詞鋒

六印雖未佩軒車若飛龍黃金數百鎰白璧有幾雙

散盡空掉臂高歌賦還却落魄乃如此何人不相從

遠別區兩河雲山杳千重何時更杯酒再得論心會

齊賢曰史記蘇秦洛陽人字季子去游燕說燕文侯曰與趙從親於是資秦車馬金帛以行說趙趙肅侯乃飾車百乘黃金百鎰白璧百雙錦綉千純以約諸侯於是說韓宣惠王魏襄王齊宣王楚威王於是六國從合而并力蘇秦為從約長并相六國北報趙行過洛陽車騎輜重擬於王者秦之昆弟妻嫂不敢仰視於是散千金以賜宗族朋友初秦之燕貨百錢為資及得富貴以百金償之徧報諸所嘗見德者歸趙

趙封為武安君乃投從約書於秦秦兵不敢闕函谷關十五年洛陽有中山漢書酈食其家貧落魄晉灼注曰落魄落薄落託義同王贊曰晉食貨志馬若飛龍潘岳閒居賦抗音高歌史司馬遷曰銜杯酒接殷勤之歡鮑照詩何時與爾曹又云握君手執杯酒意氣相傾死何有又篇詩後相憶杯酒今無持謝靈運詩開顏披心會

留別西河劉少府

秋髮已種種所為竟無成閒領魯壺酒笑對劉公榮

謂我是方朔人間落歲星白衣千萬乘何事去天庭

齊賢曰左傳余髮如此種上余馬能為莊子魯酒薄而邯鄲圍王戎詣阮籍時劉公榮在坐阮謂王曰偶有二斗美酒當與君共飲彼公榮者無預焉二人交觴酬酢公榮不得一杯而言笑談論三人無異或問李詩補注

之阮曰勝公榮者不得不與飲不如公榮者不可不與飲唯公榮可不與飲武帝問大伍公知東方朔是歲星事見前漢書方朔初來上書上佳之令待詔公車夏侯湛東方朔贊曰戲萬乘若僚友視儔列如草芥揚子曰仰天庭而知天下之居卑也王贊曰其子其子又以文之綸終終身無成陶淵明詩淹留豈無成君亦不得意高歌羨鴻冥世人若醯雞安可識梅生雖為刀筆吏緬懷在赤城余亦如流萍隨波樂休明自有兩少妾雙騎駿馬行東山春酒綠歸隱謝浮名齊賢曰揚子鴻飛冥上戈人何慕馬莊子曰孔子曰丘之於道其猶醯雞與音義醯雞甕中之蠅蠅梅福為南昌尉後得仙漢書蕭何為刀筆吏赤城山天台范彥龍詩漢道日休明毛詩為此春酒士贊曰漢書田蚡傳曰墨上不得意劉向新序宋玉忠楚上而不見察意氣不得形於顏色潘岳賦抗音高歌李

華海賦或乃萍流而蓬轉陳琳檄吳部曲文曰隨波漂流鮑照詩會得兩少年同是洛陽人

頽陽別元丹丘之淮陽河南

吾將元夫子異姓為天倫本無軒裳契素以煙霞親嘗恨迫世網銘意俱未伸松柏雖寒苦羞逐桃李春悠悠市朝間王顏日緇磷所共重山岳所得輕埃塵

谷高宗書曰臣所謂泉石膏肅煙霞痼疾者陸機詩
 世網嬰我身江章答軍司馬詩羈縻繫世網進退誰
 準繩選古詩齊心同所願含意俱未伸荀子曰桃李
 情榮於一時時至而後殺至於松柏經隆冬而不凋
 蒙霜雪而不變可謂得其真矣鮑照詩悠悠世中人
 司馬遷書曰人固有一死死或重於太山或輕於鴻
 毛用之所趣異也後漢馮衍傳曰德重山岳澤深河
 海左思詩貴者須自貴視之若埃塵賤者雖自賤重
 之若千鈞**精魄漸蕪穢衰老相憑因我有錦囊訣可以持**
君身當餐黃金藥去為紫陽賓萬事難並立百年猶
崇農別爾東南去悠悠多悲辛前志庶不易遠途期
所遵已矣歸去來白雲飛天津
齊賢曰陰長生聞馬
 明生得度世之道乃
 尋見之明生與俱入青城山煮黃上為金以示之乃
 立壇以太清神丹經授之長生歸合之丹成服半劑

不盡即升天周君內傳紫陽真人周義山字季通汝
 陰人常以平旦日出面東嗽日服氣毛詩曾不崇朝
 箋云崇終也魏文帝詩曰吹我東南行陶淵明有歸
 去來辭王贊曰左傳樂祈曰心之精爽是為魂鬼郭
 璞江賦云擬異人乎精鬼江淹詩曰隱淪駐精鬼漢
 楊惲傳曰蕪穢不治漢武帝內傳曰上元夫人命侍
 女宋辟非出紫錦之囊開綠金之笈以三元流珠經
 丹景道精經隱見八術經太極六景經凡四部以授
 三茅君又曰帝以王母所授五真圖靈光經及上元
 天人所授六甲靈飛一十二事自撰集為一卷及諸
 經圖皆承以黃金之凡封以白玉之函以珊瑚為牀
 紫錦為囊安著栢梁臺上史封禪書樂大曰臣之師
 曰黃金可成不死之藥可得仙人可致也謝靈運詩
 云萬事俱零落陶淵明詩鼎鼎百年內鮑照野鶴賦
 云對鍾鼓而悲辛穆天子傳西王母誦曰白雲在天
 謝眺辭隨王箋曰白雲在天龍門不見去德滋永思
 德滋深晉天文志天漢從東方經尾箕之間謂之薄
 津乃分二道至天津下而合南道乃西南行至七星

李詩補註 卷之五 南而

留別廣陵諸公

淮南一作留別邯鄲故人

憶昔作少年結交趙與燕金羈絡駿馬錦帶橫龍泉

寸心無疑事所向非徒然晚節覺此疎獵精草太玄

空名束壯士薄俗棄高賢

齊賢曰曹植結客篇曰緒客少年場行云騶馬金絡頭錦帶佩吳鈞雷煥為豐

城令掘獄屋得雙劍金刻題一曰龍泉二曰太阿揚

雄傳曰時雄草太玄有以自守泊如也士贊曰漢鄒

陽傳曰至其晚節末路田蚡傳曰及孝景晚節師古

曰晚節末時也史黥布傳曰大王提空名以鄉楚謝

靈運詩寸心若不亮又安用空揚名曹植詩名編壯

士籍詩俗風中迴聖明顧揮翰凌雲煙騎虎不敢下

曰天下俗薄攀龍忽墮天還家守清真孤潔勵秋蟬鍊丹費火石

採藥窮山川臥海不關入租稅遼東田乘興忽復起

棹歌溪中船臨醉謝葛強山公欲倒鞭狂歌自此別

垂釣滄浪前齊賢曰聖明顧乃太白供奉翰林時也

南諾言稅遼東田世說王子猷曰乘興而來葛強山

簡愛荆事見前楚辭曰滄浪之水清兮可以濯我纓

士贊曰顏延年詩陪則迴天顧晉書溫嶠謂陶侃曰

今之帝勢義無旋踵騎猛虎安可卒下哉隋獨孤后

當周宣帝崩隋文入居禁中總百揆后使人謂帝曰

騎虎之勢必不得下勉之左思詩自非攀龍客何為

東土人士盡山水之遊又與道士許邁共修服食採

藥石又許邁少恬靜不慕仕進徧遊名山採藥於桐

廬之桓山餌木斷穀後漢井丹傳自是隱閒不關人

事

事東漢馬融廣成頌
日發棹歌縱小謳

廣陵贈別

玉瓶沽美酒數里送君還繫馬垂楊下街杯大道間

天邊看淥水海上見青山興罷各分袂何須別醉顏

齊賢曰酒德頌街杯漱醪士贊曰曹植詩美酒斗十
千江淹別賦曰送君南浦傷如之何劉崑詩繫馬長
松下發鞍高岳頭史自敘曰未嘗銜杯酒按殷勤
之歡江淹賦遷客海上謝惠連詩分袂澄湖陰

感時留別從兄徐王延年從弟延陵

天籟何參差噫然大塊吹玄元包橐籥紫氣何逶迤

七葉運皇化千齡光本支仙風生指樹大雅歌螽斯

諸王若鸞虬肅穆列藩維哲兄錫茅土聖代羅榮滋

九卿領徐方七步繼陳思齊賢曰莊子子綦曰大塊
噫氣其名為風子游曰敢

問天籟子綦曰夫吹萬不同而使其自已也老子曰
天地之間其猶橐籥乎唐至肅宗凡七葉毛詩本支
百世神仙傳老子之母適至李樹下而生老子生而
能言指李樹曰以此為我姓毛詩大雅又螽斯后妃
子孫衆多也注螽斯蝻也草木疏而幽州謂之春
箕蝗類也郭璞注方言云江東呼為蚘蚘音將帛
反蚘音猛虬龍無角者鸞神鳥五采毛詩板曰介人
維藩太師維垣大邦維屏大宗維翰懷德維穿宗子
維城史記三王世家青社注張晏曰王者以五色土
為太社封四方諸侯各以其方色土與之苴以白茅
歸以立社漢以奉常光祿衛尉太僕宗正司農少府
為臚大理為九卿范彥龍詩疑是徐方牧曹植封陳
思王七步成詩云煮豆然豆其豆在釜中泣本是同
根生相煎何太急士贊曰楚辭次參差兮誰思玄元

指老君也按唐史高宗乾封元年丙寅帝封岱嶽駕至亳朝謁老君御製冊文上尊號曰玄元皇帝聖母為先天太后元宗天寶七載戊子老君尊號曰聖祖大道玄元皇帝十三載甲午二月癸酉帝朝宴太清宮加上老君尊號曰大聖祖高上大道金闕玄元天皇大帝列仙傳老子西遊開令尹喜望見紫氣浮關老子果乘青牛而過關尹內傳開令尹喜周大夫也善於天文登樓四望見東極有紫氣喜曰應有聖人過果見老子史蒙恬傳曰逶迤而北李蕭遠運命論曰逶迤勢利之間注曰逶迤行貌爾雅曰穆穆肅肅敬也張衡東都賦曰肅肅之儀盡穆穆之禮殫丘遲詩肅穆恩波被書禹貢厥貢惟土五色注曰王者封五色土為社建諸侯則各割其方色土與之使立社燹以黃土直以白茅茅取其潔黃取王者覆四方

伊昔全盛日雄豪動京師冠劍朝鳳闕樓船侍龍池

鼓鍾出朱邱金翠照丹墀君王一顧盼選色獻蛾眉

魏朝十八年未曾輒遷移大臣小暗鳴謫竄天南垂

長沙不足舞貝錦且成詩齊賢曰漢書建章宮其東

前宣室志唐元宗嘗潛龍于興慶宮及即位興慶池嘗有一小龍出遊宮外御溝水中奇狀蜿蜒後幸蜀前一夕其龍自池中御素雲望西南去環列之上率共觀之及上至嘉陵江乘舟將度見一小龍翼舟而進上謂左右曰此吾與慶池中龍也命以酒沃醑上親自祝之龍乃自水中振鬣而去謝朓詩黃旗映朱邱史記曰諸侯朝天子於天子之所立宅舍曰邸西京賦青瑣丹墀漢官典職曰丹漆地故稱丹墀廣絕交論云顧盼增其倍價毛詩臻首蛾眉韓信傳曰項子暗鳴叱咤千人皆廢漢書長沙定王發以其母微無寵故王卑淫貧國景帝後一年諸王來朝有詔更前稱壽歌舞定王但張袖小舉手左右笑其拙上怪問之曰臣國小地狹不足回旋帝乃以武陵零陵桂陽益焉毛詩萋兮斐兮成是貝錦王贊曰晉書劉琨

與祖逖俱以雄豪著名後漢竇融傳融為安豐侯與
五郡太守奏事京師官屬賓客皆隨駕乘千餘兩牛
羊被野引見就位賞賜恩寵傾動京師枚乘鬼園賦
高冠扁馬長劔開焉范擘宦者傳論若夫長劔高冠
紆朱懷金者布滿宮闈詩云鼓鍾于宮聲聞于外劉
騶駼玄根賦戴金翠珥珠璣列戟見前書東西垂注
垂是遠外之名漢書表周匝三
佐郡浙江西病間絕
垂師古曰三垂謂北東南也

驅馳階軒日苔蘚鳥雀噪簷帷時乘小肩輿出入畏

人知北宅聊偃憩歡愉恤惛發羞言梁苑地烜赫耀

旌旗兄弟八九人吳秦各分離太賢達機兆豈獨慮

安危小子謝麟閣鴈行忝肩隨令弟字延陵鳳毛出

天姿清英神仙骨芬馥茝蘭藜齊賢曰佐郡長史別駕也晉書王獻之乘

平肩輿入顧辟疆園胡威曰臣父清畏人知晉書阮
咸與籍居道南諸阮居道北洪範曰無虐憚獨而畏
高明左傳發不恤其綿而憂宗周梁孝王築東苑得
賜天子旌旗出從千乘萬騎東西馳獵擬於天子事
見前漢宮室疏天祿閣麒麟閣蕭何造以藏秘書賢
才曲禮曰五年以長則有隨之謝靈運子鳳鳳子超
宗有文辭帝嗟賞嘗謂謝莊曰超宗殊有鳳毛離騷
云豈獨紉夫蕙茝士贊曰謝靈運詩空庭來鳥雀莊
子有乎出有乎入八出而無見其形謝靈運擬魏太
子鄴中集序曰建安末余時在鄴官朝遊夕謀究歡
愉之極爾雅赫兮喧兮威儀也註貌光宣晉書傅羅
企生從廢仲堪路經家門弟遵生謂曰作如此分離
何可不執手易繫辭君子安不忘危左傳襄公十一
年書曰居安思危思則有備有備則無患敢以此規
記王制曰父之齒隨行兄之齒
夢得春草句將非惠
鴈行西都賦鮮顯氣之清英

連誰深心紫河車與我特相宜金膏猶罔象玉液尚

磷緇伏枕寄賓館宛同清漳涓藥物多見饋珍羞亦

兼之誰道溟渤深猶言淺恩慈鳴蟬遊子意促織念

歸期齊賢曰謝靈運夢惠連得池塘生春草之句事見前抱朴子曰河車可作銀穆天子傳云河伯

示汝黃金之膏謝靈運詩金膏滅明光莊子黃帝遺其玄珠乃使象罔得之論語磨而不磷涅而不緇左

傳文公館如公寢賓至如歸清漳見前鮑照詩築池類溟渤士贊曰顏延年詩深心託毫素紫河車見二

卷江淹詩方士鍊玉液漢書高祖曰驕陽何火赫海遊子悲故鄉陸機詩紆鬱遊子情

水燂龍龜百川盡凋枯舟楫閣中逵策馬擗涼月通

宵出郊圻泣別日眷眷傷心步遲遲願言保明德王

室佇清夷齊賢曰爾雅九達謂之逵畢命摻袂何所道援毫投此辭

申畫郊圻謝惠連詩眷眷浮客心詩云念彼共人瞻睠懷顧又行道遲遲寸心有違又摻執子之袂考註

摻擊祛袂也士贊曰鮑照集吞吐百川左思詩咄嗟復周拈古詩驅車策駑馬李陵詩努力崇明德仲長

統昌言曰警蹕清夷傳咸詩王度曰清夷南史王僧虔傳曰汝聞老子卷頭五尺許未知輔嗣何所道平

叔何所說而便於塵尾自呼談士此最險享

別儲邕之剡中

借問剡中道東南指越鄉舟從廣陵去水入會稽長

竹色溪下綠荷花鏡裏香辭君向天姥拂石臥秋霜

齊賢曰唐剡縣隸越州會稽郡揚州廣陵郡王羲之曰每行山陰道上如鏡中游天姥山隸處州麗水縣

謝靈運詩暝投剡中宿明登天姥岑

海水昔飛動三龍紛戰爭鍾山危波瀾傾側駭奔鯨

黃旗一掃蕩割壤開吳京六代更霸王遺跡見都城

齊賢曰鍾山見前謝玄暉詩奔鯨自此嘯江表得盡

玄詐誑國人曰黃旗紫蓋見於東南終有天下者荆

揚之君乎吳京金陵也王贊曰三龍魏蜀吳也班固

荅賓戲曰於是七雄虓闕分裂諸夏龍戰而虎爭謝

靈運詩宛郢皆揚蕩晉書唐彬對文帝曰觀

古人之遺跡向秀思舊賦曰踐二子之遺跡 至今秦

淮間禮樂秀羣英地扇鄒魯學詩騰顏謝名五月金

陵西祖余白下亭欲尋廬峯項先逸漢水行香爐紫

煙滅瀑布落太清若鑿星辰去揮手絕含情王贊曰

史中子

曰江東中國之舊也衣冠禮樂之所就也永嘉之後

江東貴馬史貨殖傳鄒魯俗好儒備於禮漢鄒陽傳

鄒魯守以經學顏謝顏廷之謝靈運惠連玄暉宣遠

詩皆入選毛詩仲山甫出祖鄭玄曰祖者將行祖按

之祭也張景陽詩羣公祖二疎園經白下在上元縣

西北廬峯即廬山也香爐峰在城北山南山北皆見

其形圓聳常出雲氣故名劉琨詩揮

手長相謝劉玄休詩揮手從此辭

食出野田美酒臨遠水傾東流若未盡應見別離情

齊賢曰呂氏春秋曰水泉東流日夜不休王贊曰鮑

照詩風急野田空楚辭悲莫悲兮生別離又若在遠

行登山跡

冰送將歸

金陵酒肆留別

風吹一作門柳花滿店香吳姬壓酒使客嘗金陵子弟

來相送欲行不行各盡觴請君試問東流水別意與

之誰短長齊賢曰白下亭在今建康東門外王贊曰

楚辭君不行兮夷猶詩眼云山谷言學者

若不見古人用意處但得其皮毛所以去之更遠如

風吹桃花滿店香若人復能為此句亦未是太白至

子吳姬壓酒勸客嘗壓酒字他人亦難及金陵子弟

來相送欲行不行各盡觴益不同請君試問東流水

別意與之誰短長至此乃真太白妙處當潛心焉故

學者先以識為主禪家所謂正法眼直須具此眼目

方可入道

金陵白下亭留別

驛亭三楊樹正當白下門吳煙暝長條漢水齧古根

向來送行處迴首隕笑言別後若見之為余一攀翻

齊賢曰唐武德九年更金陵縣白曰下縣白下吳之

故都易曰笑言啞舌謝靈運詩桂枝徒攀翻王贊曰

鄭玄毛詩箋曰迴首曰顧

別東林寺僧

東林送客處月出白猿啼笑別廬山遠何煩過虎谿

齊賢曰廬山在江洲南三十里二林寺又在山之南

五里許小嶺可到兩寺相隣晉道永道遠所居規制

廣袤若一大縣水石深怪古跡無窮東林三門內有

小渠名曰虎溪遠師送客未嘗過谿西林即永法師

所居規制稍不及東林

竄夜郎於烏江留別宗十六璟

君家全盛日台鼎何陸離斬鼉翼媧皇鍊石補天維

一迴日月顧三入鳳皇池失勢青門傍種瓜復幾時

猶會眾賓客三千光路岐皇恩雪積懣松栢含榮滋

齊賢曰晉志在天為三台在人為三公漢書三公鼎足承君離騷長余佩之陸離李善曰陸離參差眾貌

許慎云美好貌淮南子曰女媧鍊五色石以補蒼天漢書蕭何贊曰依日月之未光荀勗為中書令罷云

奪我鳳皇池青門乃長安霸城門漢書邵平故秦東陵侯秦破為布衣貧種瓜於長安城東瓜美故世俗

謂之東陵瓜從邵平以為名也史記春申君客三千餘人士贇曰詩箋云迴首曰顧陸機詩人生當幾時

論語歲寒然後知我非東林人令姊忝齊眉浪跡未

松栢之後凋也出世空名動京師適遭雲羅解翻譴夜郎悲拙妻莫

邪劔及北卷一龍隨慙君滿波苦千里遠從之白帝曉

猿斷黃牛過客遲遙瞻明月峽西去益相思齊賢曰太白上

安州裴長史書云楚有七澤遂來觀焉而許相公家見招妻以孫女便憇跡于此至移三霜則題中所謂

別宗十六者疑誤也晉太尉郗鑒使門生求女壻於王導令就東廂遍覽子弟門生歸謂鑒曰王氏諸少

並佳然聞信至成自矜持惟一人在東林垣腹食獨若不聞鑒曰此正佳壻訪之乃羲之遂以女妻之後

漢梁鴻娶孟光字德曜每具食不敢於鴻前仰視舉箸齊眉揚于谷口鄭子真耕於巖石之下名震京師

帝城隸夔州黃牛峽隸峽州白崖間有石如人形如帝形皆黃色余上黃牛廂閱其碑或云土星見形也

明月峽隸渝州至夔西陵峽四千里士贇曰江淹詩曠哉宇宙間雲羅更四陳又浪跡無妍蚩然後君子

道前漢五行志下曰空名得進謝靈運詩曰安用空

李詩補註

卷之五

下

揚名

留別龔處士

龔子棲閒地都無人世喧柳深陶令宅竹暗辟疆園
我去黃牛峽遙愁白帝猿贈君卷施草心斷竟何言

齊賢曰陶潛詩結廬在人境而無車馬喧南史陶潛宅近有五柳嘗為彭澤令吳郡顧辟疆有名園雜騷云資蒙菴以盈室考判獨離而不施泉耳詩人謂之卷耳爾雅謂之苓耳士贊曰詩語天何言哉

贈別鄭判官

竄逐勿復哀慙君問寒灰浮雲本無意吹落章華臺
遠別淚空盡長愁心已摧二年吟望澤畔顛顛幾時迴

齊賢曰左傳楚子成章華之臺臺在今江陵楚詞屈原原既放遊於江潭行吟澤畔顏色顛顛形容枯槁上曰魏志劉廙疏謝曰臣罪應傾宗禍應覆族遭此坤之靈起煙於寒灰之上生華於已枯之木物不吝施於天地子不謝生於父母可以死效難用筆陳魏文帝詩西北有浮雲適與飄風會吹我東南行南行至吳會論語子曰富賢於我如浮雲古歌曰大憂摧人肺肝心歎場建詩痛人摧心肝

黃鶴樓送孟浩然之廣陵

故人西辭黃鶴樓煙花三月下揚州孤帆遠影碧空盡唯見長江天際流

齊賢曰黃鶴樓以黃鶴山而多在鄂州謝眺詩曰天際識歸舟

將遊衡嶽過漢陽雙松亭留別族弟浮屠談皓

秦欺趙氏璧却入邯鄲宮本是楚家玉還來荆山中

丹青瀉滄溟清輝凌白虹青蠅一相點流落此時同

齊賢曰：藺相如全壁歸趙事見三卷光武紀邯鄲縣名屬趙國蔡邕琴操曰：楚昭王得和氏璧欲以貢於趙王於是遣大夫楚明光奉璧之趙盧子諒詩：趙氏有和璧天下無不傳秦人來求而厥價徒空言又云連城既偽往荆王亦真還禮記聘義云氣如白虹天也。王贊曰：阮籍詩：明月耀清輝。顏延年詩：清暉在天。青蠅詩云：營營青蠅止于樊。豈弟君子無信讒言。箋云：蠅之為蟲汀白使黑汙黑使白喻佞人能變亂善也。卓絕道門秀談玄乃支公延蘿結幽居翦竹繞芳

叢涼花拂戶牖天籟鳴虛空憶我初來時蒲萄開景

風今茲大火落秋葉黃梧桐水色夢沅湘長沙去何

窮寄書訪衡嶠但與南飛鴻齊賢曰：高逸沙門傳支遁居會稽晉哀帝欽其

風乘遣中使至東迎之通達辭立壑高步天色漸清道林世說曰支道林殷淵源俱在相王許簡文相王謂二人可試一交言文初作改輒遠之數四交不覺入其玄中相王拍肩笑曰此自是其勝場安可爭鋒天籟見前風土記夏至景風至大火落七月也衡嶠衡嶽也士贊曰范彥龍詩寄書雲間鴈為我西北飛

留別賈舍人至二首

大梁白雲起飄飄來南洲徘徊蒼梧野十見羅浮秋

鰲挾山海傾四溟揚洪流意欲託孤鴈從之摩天遊

鳳苦道路難翱翔還崑丘不肯銜我去哀鳴慙不留

齊賢曰：歸藏啓筮曰有白雲起自蒼梧入于大梁禮記舜葬于蒼梧之野張衡賦登蓬萊而容與兮鰲雖抃而不傾事祖出列子見前四溟四海也王仲宣詩鳴鶴上天游古鳥生八九于歌曰黃鵠摩天極高飛



羅浮山及崑丘事見前王贊曰宋玉答楚王問鳳皇
上繫九千里絕雲霓負蒼天翱翔乎杳冥之上詩云
哀鳴答啓遠客謝主人明珠難暗投拂拭倚天劍西登岳

陽樓長嘯萬里風掃清霄中憂誰念劉越石化爲繞

指柔齊賢曰鄒陽曰明月之珠以闇投人於道衆莫
不按劍相助大言賦長劍耿介倚天之外岳陽

樓在岳陽城上正對君山楚辭臨淶水而長嘯左思
詩長嘯激清風劉越石詩何意百鍊剛化爲繞指柔

王贊曰楚辭去鄉離家芳徠遠客成公
綏嘯賦乃慷慨而長嘯集長風兮萬里

其二

秋風吹胡霜凋此簷下芳折芳怨歲晚離別悽以傷

謬攀青瑣賢延我於此堂君爲長沙客我獨之夜郎

勸此一杯酒豈惟道路長割珠兩分贈寸心久不忘

何必見女仁相看淚成行齊賢曰王翁儒傳師古曰
青瑣者刻爲連瑣文而青

塗也晉孝武曰長星勸爾一杯酒王贊曰漢元后傳
赤墀青瑣孟康曰以青畫戶邊鏤中天子制也如淳

曰天子門制也鮑照詩秋風吹飛藿蘇武詩惟念當
離別思情日以新古詩道路阻且長會面安可知沈

休文詩寸心於此足論語父要不忘平生之言曹植詩無乃兒女仁

渡荆門送別

渡遠荆門外來從楚國遊山隨平野盡江入大荒流

月下飛天鏡雲生結海樓仍連故鄉水萬里送行舟

齊賢曰荆門軍有山名荆門蜀之諸山至此不復見
矣樂府破鏡飛上天晉志海旁蜃氣象樓臺諸葛亮

送吳使浣花溪北曰萬里之行始於此今成都有萬里橋士贊曰左思吳都賦出乎大荒之中行乎東極之外史天官書海旁蜃氣象樓臺廣野氣成宮闕然雲氣各象其山川人民所聚積

聞李太尉大舉秦兵百萬出征東南懦夫請纓

半道黃申一割之用半道病還留別金陵崔侍御十

尤韻復至金陵

秦出天下兵蹴踏燕趙傾黃河飲馬竭赤羽連天明

太尉仗旄鉞雲騎繞彭城三軍授號令千里肅雷霆

函谷絕飛鳥武關擁連營意在斬巨鼉何論鱸長鯨

齊賢曰關中皆三秦之地家語赤羽若日白羽若月漢百官公卿表太尉秦官應邵曰自上安下曰尉武

官悉以為稱尚書中候云舜為太尉牧誓云王左在教黃鉞右秉白旄唐徐州彭城郡治彭城縣唐書李光弼加太尉中書令兼侍中河南副元帥知河南淮東西山南東荆南五道節度行營事鎮泗州帝賦詩以錢遂疾驅入徐州朝義走寶應元年進封臨淮郡王函谷在唐陝州靈寶縣本桃林塞羽獵賦鳥不及飛獸不得過武關在商州商洛縣東漢書沛公襲攻武關破之列子帝使巨鯨十五舉首而戴之五山始峙而不動王贊曰趙景真與稽茂齊書曰蹴崑崙使西倒蹋太山令東覆後漢竇憲傳論曰飲馬北隄之曲國語越勾踐棲於會稽之上號令三軍漢書李廣傳曰將軍者目之爪牙也怒形則千里悚威震則萬里伏詩云如雷如霆徐方震驚管子曰嚴如風雨動如雷震三國志劉備連營七百里恨無
略多愧魯連生拂劍照嚴霜彫戈鬢胡纓願雪恥將期報恩榮半道謝病還無因東南征亞夫志

顧劇孟阻先行天奪壯士心長吁別吳京齊賢曰漢書趙王上

餘聞漢且襲之聚兵井陘口李左車說餘絕其轡道

深溝高壘勿與戰餘不聽韓信引兵出井陘口所成

安君泝水上禽趙王歇購生得李左車者千金

縛至信解其縛而師事之魯仲連事見二卷

庶人之劫蓬頭突鬢垂冠曼胡之纓曼音莫于切史

記越王句踐為吳所敗棲於會稽山置膽於坐臥即

仰膽飲食亦嘗膽曰汝忘會稽之恥耶左傳天奪其

魄吳京建康也士贊曰周亞夫得劇孟車見三卷史

范蠡傳范蠡既雪會稽恥金陵遇太守倒屣相逢述羣公咸福餞

四座羅朝英初發臨滄觀醉棲征虜亭舊國見秋月

長江流寒聲帝車信迴轉河漢復縱橫孤鳳向西海

飛鴻歸北溟因之出寥廓揮手謝公卿齊賢曰皇甫規解官歸安

定王符往調規倒屣出迎風俗通曰共工氏子脩好遠游故祀為祖神祖也張景陽詩羣公祖二疎輿地志林陵新亭隴有遠望樓又名勞勞樓後改名臨滄觀丹陽記曰征虜亭太安中征虜將軍謝安立因名晉志斗為帝車取運動之義天漢見前唐志北庭大都護府本庭州有西海縣莊于北溟有魚司馬相如傳鶴鵬已翔乎寥廓之宇謝靈運詩揮手告鄉曲士贊曰蜀費禕傳丞相亮南征還羣僚於數十里逢迎顏延年詩榮會在逢迎古詩河漢清且淺魏文帝詩天漢迴西流三五正縱橫揚子鴻飛冥冥

別韋少府

西出滄龍門南登白鹿原欲尋商山皓猶戀漢皇恩

水國遠行邁仙經深討論洗心向秋月清耳敬亭猿

齊賢曰商山四皓見前易繫辭聖人以築室在入境此洗心士贊曰顏延年詩水國周地險

關無世喧多君枉高駕贈我以微言交乃意氣合

道因風雅存別離有相思瑤瑟與金樽齊賢曰陶潛詩結廬在人

境而無車馬喧師古曰多猶重也徐庶謂先主曰此人可就見不可屈致將軍宜枉駕見之家語子路將

行孔子曰贈汝以言乎毛詩有國風有小雅曹植樂府曰金樽玉杯不能使薄酒更厚世說衛伯玉曰微

言將絕今乃復聞王贊曰列子曰公問孔子曰人可

以微言乎孔子不應白公曰人故不可與微言乎孔

子曰何為不可唯知言之謂者乎夫知言之請者不

以言言也論語崇爵譏曰子夏六十四人共撰仲尼

微言以當素王劉歆移書讓太常博士曰及夫子沒而微言絕七十二子終而大義乖漢書藝文志曰仲尼沒而微言絕師古曰精微要妙之言曹攄詩自我

昭明太子文選序曰風雅之道粲然可觀楚詞非

悲兮生別離古詩上言長相思謝靈運詩清蟾滿金樽顏延年詩劉伶善閉關

南陵別兒童入京

白酒新熟山中歸黃雞啄黍秋正肥呼童烹雞酌白

酒兒女嬉笑牽人衣高歌取醉欲自慰起舞落日爭

光輝游說萬乘苦不蚤着鞭跨馬涉遠道會稽愚婦

輕買朱絲亦辭家西入秦仰天大笑出門去我輩豈

是蓬蒿人齊賢曰詩黃鳥黃鳥無啄我黍蘇秦贊云秦兄弟三人皆游說諸侯以顯名漢刑法

志天子畿方千里提封百萬井定出敗六十四萬井

常恐祖生先吾着鞭朱買臣妻事見前桓子新論曰

人聞言長安樂者出門向西而笑三輔決錄張仲蔚

隱身不仕所居蓬蒿没人王贊曰陶潛詩歸去來山
 中山中酒應熟潘岳閒居賦頓足起舞抗音高歌人
 生行樂孰知其他史屈原傳雖與日月爭光可也古
 詩立身若不早蜀志揚洪門下書佐何祗有才策功
 幹舉郡吏數年為廣漢太守時洪尚在蜀郡每朝會
 祗次洪坐洪謂祗曰君馬何駛祗曰故吏馬不敢駛
 但明府未着鞭爾選詩所思在遠道列晉文公出會欲伐衛公子鉏仰天而笑

別山僧

涇縣作

何處名僧到水西乘舟弄月宿涇溪平明別我上山
 去手携金策踏雲梯騰身轉覺三天近舉足迴看萬
 嶺低謔浪肯居支遁下風流還與遠公齊此度別離
 何日見相思一夜暝猿啼齊賢曰涇溪隸涇縣屬宣

賦贈金策之鈴鈴謝靈運詩共登青雲梯毛詩謔浪
 笑傷支遁字道林于法開始與爭名後情漸歸支意
 甚不平遂遁跡剡下遣弟子出都于時支公正誦小
 品開戒弟子道林講比汝至當在某品中因示語攻
 難數十番弟子如言請支公正值講因述開意往返
 多時林公遂屈厲聲曰君何足復受人寄載來遠法
 師居廬山東林寺王贊曰道書自初一氣而分三氣
 是為三天一氣大羅天三氣青微天馮餘天太赤天
 即王清上清太清之三境也王儉撰褚淵碑文
 曰風流籍甚古詩上言長相思下言久別離

贈別王山人歸布山

王子析道論微言破秋毫還歸布山隱興入天雲高
 爾去安可違瑤草恐衰歇我心亦懷歸屢夢松上衣
 傲然遂獨往長嘯聞巖扉林壑久已蕪石道生薔薇

願言弄笙鶴歲晚來相依

齊賢曰漢食貨志東郭臧陽孔僅桑弘羊三人言利

事析秋毫矣山海經姑瑤之山帝女死焉化為瑤草服之者媚於人江淹詩瑤草正翕絕毛詩豈不懷歸楚詞臨深水而去士贇曰南史隱逸論曰獨往之人巖壑間遠水石清華淮南王莊子要略曰江海之士山谷之人輕天下細萬物而獨往謝靈運詩林壑歛暝色左傳輔車相依

江夏別宋之悌

楚水清若空遙將碧海通不分千里外興在一杯中

谷鳥吟晴日江猿嘯晚風平生不下淚於此泣無窮

齊賢曰陸羽曰楚水第一晉水最下十洲記碧海在東海中王贇曰謝莊月賦隔千里兮共明月阮籍詩

平生少年時沈約詩真由意無窮

分類補註李太白詩卷之十五

分類補註李太白詩卷之十六

後學許自昌玄祐甫校

送

南陽送客

斗酒勿為薄寸心貴不^情怠坐情^情故人去偏令遊子傷

離顏怨芳草春思結垂楊揮手再三別臨岐空斷腸

齊賢曰晉陸納出守吳興之姑熟辭桓温曰方守遠郡欲與公一醉以展下情温欣然納之及受禮唯酒一斗鹿肉一伴坐客愕然納曰明公近云飲酒一升今有一斗以備杯酌餘瀝温笑其率更敕中厨設精饌佳酌謝靈運詩寸心若不亮列子文摯謂叔龍曰吾見子之心矣方寸之地虛矣李少卿詩遊子暮何

李詩補註

卷十六

之劉越石歌曰揮手長相謝士贇曰陶潛詩斗酒聚
比鄰沈休文詩所願從之遊寸心於此足論語久要
不忘平生之言謝朓詩坐惜紅妝
變曹植詩子好芳草豈忘爾貽

送張舍人之江東

張翰江東去正值秋風時天清下鴈遠海闊孤帆遲
白日行欲暮滄波香難期吳洲如見月千里幸相思
齊賢曰張翰吳人齊王罔辟為司馬東曹掾罔執權
因見秋風起乃思吳中菰米蓴羹鱸魚膾曰人生貴
得適志何能羈宦數千里以要名爵遂命駕歸古樂
府白日薄西山曹子建詩白日忽西匿謝莊月賦隔
千里兮共明月士贇曰楊雄羽獵賦曰天清日晏
等書呂安服嵇康高致每一相思輒千里命駕

送王屋山人魏萬還王屋

王屋山人魏萬云自嵩宋沿吳相訪數千里

不遇乘興遊台越經永嘉觀謝公石門後於

廣陵相見美而愛文好古浪跡方外因述其

行而贈是詩一作見王屋山人魏萬云自嵩

訪不遇因下江東尋諸名山往復百越後於
廣陵一而遂乘興共過金陵此公愛奇好古
獨徃物表因述其
行李遂有比作

僊人東方生浩蕩弄雲海沛然乘天遊獨往失所在

魏侯繼大名本家聊攝城卷舒入元化跡與古賢并

齊賢曰東方朔暫之紫泥之海見二卷莊子乘天地
之王而御六氣之轡以遊無窮左傳魏大名也又曰

聊攝以夷姑尤以西杜預曰聊攝齊西界平原聊縣東北有攝城淮南子至道無為盈縮卷舒與時變化士贊曰楚詞心飛揚兮浩蕩孟子沛然莫之能禦也莊子心有天遊室無空虚則婦姑勃磈心無天遊則六盤十三弄文史揮筆如振綺辯折田巴生心齊魯相攘

連于西涉清洛源頗驚人世喧采秀臥王屋因窺洞天門竭來遊嵩峰羽客何雙雙朝携月光子暮宿玉

女總鬼谷上窈窕龍潭下奔深齊賢曰東方朔書曰年十二學書三冬文

史足用歸田賦揮翰墨以振藻易曰明辯哲曰虞本一作折唐王屋縣隸河南府有王屋山嵩山唐隸河南登封縣鬼谷先生晉平公時人隱居鬼谷因以為號先生姓王名訓蘇秦張儀從之學學成別先生與一隻履化為大以引二子即日到秦徐廣曰穎川陽城有鬼谷嵩山嵩陽觀西有龍湫士贊曰陸機詩揮

手如振素魯連子曰齊王辨者曰田巴辯於沮丘議於稷下張五帝罪三王一日而服十人有徐劫弟子曰魯連謂劫曰臣願當出子使不敢復說於是往見而謂曰今楚軍南趙伐高唐亡在朝夕今臣將罷南陽之師還高唐之兵所貴談說此之謂也如先生之言有似臬音人皆惡之田巴於是杜口易業終身不談楚詞采三秀兮山間張載詩竭來戒不虞曹子建詩窈窕山道深淥音叢毛詩鳧鷖在梁箋云水會也說文小東浮汴河水訪我三千里逸興滿吳雲飄水入大水
飄浙江汜揮手杭越間章亭望潮還濤卷海門石雲橫天際山白雪走素車雷奔駭心顏齊賢曰陸士衡翻飛浙江汜杭今之臨安浙之西越州今紹興府浙之東章亭在焉枚乘七發曰擘以八月之望觀濤平廣陵之曲江浩浩澄澄如素車白馬帷蓋之張又曰混混鹿鹿徒本切聲如雷鼓海門潮所起處望之有

蓬隨本根飄飄隨長風
三山士贊曰曹植詩轉
遙聞會稽美且度耶溪水萬

壑與千巖崢嶸鏡湖裏秀色不可名
清輝滿江城人

遊月邊去舟在空中行此中久延佇入剡尋王許笑

讀曹娥碑沈吟黃絹語天台連四明日入向國清五

峯轉月色百里行松聲靈溪沿越華頂殊超忽石

梁橫青天側足履半月
齊賢曰唐越州會稽郡史太史公自序曰上會稽探禹穴

若耶溪徐浩改為五雲溪世說顧長康從會稽還人

問山川之美頃云千巖競秀萬壑爭流鏡湖世傳軒

轅氏鑿鏡湖邊因得名古樂府秀色若可餐謝玄暉

詩山水含清暉楚辭結幽蘭而延佇陸機詩延佇望

城郭剡溪見前王羲之許邁移入臨安西山改名玄

羲之造之相與為世外交曹娥上虞人父則迎神沂

漚而上為水所淹不得尸娥年十四乃投瓜于江

父有此瓜當沉旬有七日瓜沈娥遂投江而死縣令

度尚為改葬命其弟子邯鄲子禮為作碑蔡邕過吳

讀碑文以為詩人之作因刻石傍作八字云黃絹幼

婦外孫蓋曰曹操與楊脩共讀之脩先悟操行三十

甲方悟為絕妙好辭四字天台賦序登陸則四明天

台賦云過靈溪而一躍僧惠虛姓陳居天台國清寺

與同似遊山戲過石橋水峻若滑懸流萬仞下不見

底眾皆股慄不行惠虛獨超然而過徑上石壁外微

有小徑遂見宮闕連亘十里許其門題曰會真府左

曰金庭宮右曰桐栢宮皆金樓玉牕高百餘尺孔靈

符會稽記曰赤城山有石橋懸度士贊曰曹孟德歌

云沈吟至今玉簡栖頭陀

寺碑東望平阜千里超忽
眷然思永嘉不憚海路賒

掛席歷海嶠迴瞻赤城霞赤城漸微沒孤嶼前曉元

水續萬古流亭空千霜月
齊賢曰唐温州永嘉郡謝靈運出為永嘉守郡有名

山水肆意遊遨徧歷諸縣所至輒為詩詠以致其意故有登臨海嶠初發強中作又有遊赤石進帆海詩曰揚帆采石華掛席拾海月遊天台賦赤城霞起而建標會稽記曰赤城山名色皆赤狀似雲霞

雲川谷難石門最可觀瀑布掛北斗莫窮此水端噴

壁洒素雪空濛生晝寒却思惡溪去寧懼惡溪咆

哮七十灘水石相噴薄路創李北海巖開謝康樂松

風和猿聲搜索連洞壑徑出梅花橋雙溪納歸潮落

帆金華岸赤松若可招齊賢曰唐處州縉雲縣謝靈運有登石門最高頂詩又靈

連遊名山志曰石門澗六處石門迴水上入兩山口兩邊石壁右邊石巖下臨澗水南史褚伯玉錢塘人往剡居瀑布山麗水縣東十里有惡溪多水怪太白

自注李邕昔為括州開此嶺路又曰惡溪有謝康樂

題詩處婺州金華縣有金華山金華有赤松澗人見赤松子安期先生於此沈約八詠樓

城西孤岩堯岩堯四荒外曠望群川會雲卷天池開

波連浙西大亂流新安口北指嚴光瀨釣臺碧雲中

邈與蒼嶺對稍稍來吳都徘徊上孤蘇煙綿橫九疑

滌蕩見五湖日極心更遠悲歌但長吁齊賢曰南史沈約字休文

吳郡人為東陽太守郡有沈約八詠樓又有新安江水至清淺詩嚴光瀨隸嚴州曰七里瀨憑江有石山

其上平號釣臺蘇州吳郡治吳縣外紀云闔閭起臺於姑蘇山去國三十五里春夏遊馬五湖即震澤見

前王贊曰選景福殿賦曰岩堯岑立漢文帝紀四荒之外師古曰戎狄荒服故曰四荒言其荒忽去來無

常也離騷將往觀乎四荒選江賦徹如地裂豁天開海賦波則洪連跋蹠又波如連山古樂府公無度可

序曰白首狂夫披髮携壺亂流而渡江淹詩日暮碧雲合蒼嶺在台州仙居縣西北五十里高五千丈漢禮樂志稍稍增輯漢高后傳徘徊往來楚辭迴繞楚日極千里兮傷春心列子秦青撫節悲歌

江濱揮策揚子津身著日本裘裘則朝卿所贈日本布為之昂藏

出風塵五月造我語知非俗儂人相逢樂無限水石

日在眼徒干五諸侯不致百金產吾友揚子雲絃歌

播清芬雖為江寧宰好與山公羣乘興但一行且知

我愛君君來幾何時仙臺應有期東牕綠玉樹定長

三五枝至今天壇人當笑爾歸遲我苦惜遠別茫然

使心悲黃河若不斷白首長相思齊賢曰揚子津隸揚子縣唐書日本

古倭奴也去京師萬四千里有新羅東南在海中島而東西五月行南北三月行國無城郭聯水為柵落左右小島五十餘皆自名國而臣附之王姓阿每氏咸亨元年遣使賀平高麗後稍習華音惡倭名更號日本使者自言國近日所出以為名長安元年遣使臣真人栗田貢方物朝臣真人猶唐尚書也好學能屬文進止有容請從諸儒授經品四門助教趙玄默即鴻臚寺為師獻大幅布為贄漢文帝曰百金中人十家之產論語子之武城聞絃歌之聲上元縣江寧縣上元二年更名天壇在王屋山士贇曰北史高昂字敖曹幼時便有壯氣以其昂藏故曹故以名字之史司馬相如大人賦曰佺以佺佺注佺不前也韻釋曰佺佺固帶貌佺音熾謝靈運詩想見山阿人薜蘿若在眼陸機文賦誦先人之清芬晉列女傳贊曰清芬靡忒晉王子猷訪戴逵曰乘興而來揚雄甘泉賦翠玉樹之青葱莊子子貢茫然自失晉衛洗馬曰見此葦然不覺百端交集曹植詩咄嗟令心悲潘岳詩白首同所歸蘇武詩生當復來歸死當長相思

送當塗趙少府赴長蘆

我來揚都市送客回輕舸因誇楚太子便覩廣陵濤
仙尉趙家玉英風凌四豪雜舟至長蘆目送煙雲高
搖扇對酒樓持袂把蟹螯前途儻相思登嶽一長謔

齊賢曰揚都揚州舸都高切小船也詩河廣曰誰謂河廣曾不容刀注作舸枚乘七發楚太子有疾而吳客往問之曰將以八月之望與諸侯遠方交遊兄弟並往觀濤于廣陵之曲江梅福為南昌尉棄官去人傳以為得仙石崇贊曰超四豪而取富北山移文張英風於海甸阮籍詩英風截雲霓真州六合縣有長蘆寺達磨遺跡世說畢卓云一手持蟹螯一手持酒杯拍浮酒船中便足了一生王贊曰漢書游俠傳信陵平原孟嘗春中游諸侯者以四豪為稱首又晉石崇王齊羊琇何曾時謂四豪漢周亞夫傳上目送之

西都賦煙雲相連顏延年詩遲遲前途盡劉琨詩引領長謔

送友人尋越中山水

聞道稽山去偏宜謝客才千巖泉灑落萬壑樹縈迴
東海橫秦望西陵遶越臺湖清雙鏡曉濤白雪山來
八月枚乘筆三吳張翰杯此中多逸興早晚向天台

齊賢曰越絕書禹治水到越上茅山大會更名茅山曰會稽南史謝靈運出為永嘉太守郡有各山水肆意遊遨徧歷諸縣動經旬朔所至輒為詩詠以致其意世說顧愷之從會稽還人問山川之美顧云千巖競秀萬壑爭流會稽記秦望山在州城正南史記始皇登之望南海西陵與浙江亭相對乃錢塘會稽津渡處枚乘七發曰將以八月之望觀濤于廣陵之曲江晉張翰字季鷹吳郡人任心自適不求當世或謂

李詩補註 卷之六
之曰卿乃可縱適一時獨不為身後名邪荅曰使我
有身後名不如即時一杯酒天台山在台州上贊曰
越臺即越王臺舊圖經云在種山今在臥
龍之西鮑照詩千巖盛阻積萬壑勢迴縈

送族弟凝之淞求婚崔氏

與爾情不淺忘筌已得魚玉臺掛寶鏡持此意何如
坦腹東牀下由來志氣疎遙知向前路擲果定盈車

齊賢曰莊子筌者所以在魚也得魚而忘筌何敬祖
詩忘筌在得魚說苑溫嶠喪妻從姑劉氏家有女甚
美姑屬嶠覓婿嶠曰佳婿難得但以嶠比何如姑曰
何敢比汝數日下玉鏡臺一枚姑大喜交禮劉氏笑
曰我疑是老奴果如小太尉却鑒使門生求女婿於
王導導令就東牀徧觀子弟門生歸謂鑒曰王氏諸
少並佳然聞信至咸自矜持惟一人在東牀坦腹獨
若不聞鑒曰此真佳婿邪訪之乃羲之也以女妻之

送友人遊梅湖

潘安仁至美每行老嫗以果擲之滿車張孟陽每
每行小兒以瓦石投之亦滿車王贊曰論語惟我與
爾有是夫世說庾亮曰老子於此興復不淺謝靈運
詩節往感不淺樂府書中竟何如易其所由來漸矣
左思詩由來自古昔禮記清明在躬志氣如神
又志氣塞乎天地嵇康書志氣所託不可奪也

遊梅湖應見梅花發有使寄我來無令紅芳歇
暫行新林浦定醉金陵月莫惜一鴈書音塵坐胡越

齊賢曰越使諸發執一枝梅遺梁主韓君謂左右曰
惡有以一枝梅以遺列國之君者乎請為二三行慙
之謝玄暉有之宣州出新林浦向板橋詩漢書帝思
蘇武使謂單于天子射上林中得鴈足繫帛書范產
龍詩寄書雲間鴈為我西北飛王贊曰陸凱與范曄
相善自江南寄梅花一枝詣長安與曄詩曰折梅逢

驛使寄與隴頭人江南無所有聊贈一枝春陸機思歸賦曰絕音塵於江介託影響於洛涓謝莊月賦長人邁兮音塵闕隔千里兮共明月漢書季布傳此不北走胡南走越耳鄒陽傳曰意合則胡越為兄弟

送崔十二遊天竺寺

還聞天竺寺夢想懷東越每年海樹霜桂子落秋菊

送君遊此地已屬流芳歇待我來歲行相隨滄溟渤

齊賢曰錢塘諸寺天竺最盛山有一門南北相望而上下兩天竺寺輿地志云晉咸和元年西天僧惠理歎曰此是中天竺國士贊曰左思詩夢想騁良圖古詩夢想見容輝浦岳詩流芳未及歇江淹賦送君南浦傷如之何古詩何能待來茲高誘曰茲年也

送楊山人歸天台

客有思天台東行路超忽濤落浙江秋沙明浦陽月

今遊方厭楚昨夢先歸越且盡秉燭歡無辭凌晨發

我家小阮賢剖竹赤城邊詩人多見重官燭未曾然

興引登山屐情催泛海船石橋如可度攜手弄雲煙

齊賢曰浙江見前鄞長善水經註云浦陽江水導源烏陽縣而經上虞縣右詩何不秉燭遊小阮乃籍兄熙子咸也謝靈運詩剖竹守滄海漢書初與郡守為竹使符見前天台山賦赤城霞舉而建標謝承漢書巴襖為揚州刺史在官不迎妻子夜與士對坐暗中不然官燭謝靈運尋山涉嶺必造幽峻巖嶂數十里莫不備盡登躡嘗着木屐上山則去其前齒下山則去其後齒有遊赤石進帆海詩謝安與孫興公諸人汎海戲風起浪湧安吟嘯自若顧愷之啓蒙記曰天台台山石橋路徑不盈尺長數十步至滑下臨絕冥毛

詩携手同行士贊曰王簡栖頭陀寺碑云東望平臯千里超忽曹植詩清晨發皇邑揚子曰詩人之賦麗以則通曆曰詩人所詠其間甚美韋元成傳曰詩人美而頌之

送溫處士歸黃山白鵝峰舊居

黃山四千仞三十二蓮峰丹崖夾石柱齒昔金芙蓉
伊昔昇絕頂下窺天目松仙人鍊玉處羽化留餘蹤

齊賢曰黃山隸宣州圖經云黃帝與浮丘仙人鍊丹於此爾雅荷芙蓉其華齒蒼其實蓮其根藕天目山在臨安西五十里高三千九百丈周迴八百里乃神仙所居有三十六洞太平寰宇記云山有兩湖若在右目故名天目士贊曰圖經黃山舊名黟山在歙縣西一百二十八里高千一百八十仞郡志其山有摩天長日之高宣歙池饒江等州山並是此山之支脈諸峰有如削成煙嵐無際雷雨存下其霞城洞室巖

竇瀑泉則無峯不有信靈山之窟澤西北類太華山有峯三十六其水源亦二十六溪二十四洞十有二巖入水流而下合揚之水為浙江之源第四峯有泉沸如湯嘗湧朱砂世傳黃帝嘗命駕與容成子浮丘公同遊合丹于此其後又有仙人曹阮之屬晉書宋織傳酒泉太守馬岌銘詩于石壁曰丹崖百丈青壁萬尋鮑照詩至哉鍊玉人處此長自畢晉書許邁徧遊名山採藥莫測所終好道者皆謂之羽化矣南史王僧虔傳曰若同歸九泉皆羽化也蕭岳誅曰覽餘跡芳未夷亦聞溫伯雪獨往今

相逢採秀辭五嶽餐巖歷萬重歸休白鵝嶺渴飲丹

砂井鳳吹我詩來雲車爾當整去去陵陽東行行芳

桂叢迴溪十六度碧嶂盡晴空他日還相訪乘橋躡

綠虹齊賢曰莊子溫伯雪子舍於魯仲尼見之而不

采三秀兮於山間王逸曰三秀芝草也白鵝嶺在黃
山丘希範詩馳道聞鳳吹漢武帝時忽一人乘雲車
駕白鹿從天而下問之曰我中山衛叔卿也宣川志
陵陽山在涇縣西南百里乃陵陽竇子明釣得白龍
放之之處王贊曰淮南王莊子要略曰河海之士山
谷之人輕天下細萬物而獨往司馬彪曰獨往任自
然不復顧世江淹詩凝神任獨往莊子曰歸休乎君
子無所用大下為陶潛詩吾生行歸休丹砂并即前
段注黃山事迹謝惠連詩行行道轉遠去去情彌遲
淮南招隱賦桂樹叢生芳山之幽楚辭建綵虹以招
指沈約詩標
峰綵虹外

送方士趙叟之東平

長桑晚洞視五藏無全牛趙叟得秘訣還從方士遊

西過獲麟臺為我弔孔丘念別復懷古潛然空淚留

齊賢曰莊子庖丁曰始吾之解牛之時所見無非牛
者三年之後未嘗見全牛也方今之時臣以神遇而
不以目視又孔子曰彼游方之外者而丘游方之內
者淮南子序天下方術之士獲麟臺在魯國西左傳
哀公十四年西狩獲麟左丘明傳曰西狩於大野叔
孫氏之車子鉏商獲麟以為不祥仲尼觀之曰麟也
然後取之杜預注麟仁獸聖王之嘉瑞時無明主出
而遇獲仲尼傷周道之不興感嘉瑞之無應故因魯
春秋而脩中興之教絕筆於獲麟之一句毛詩潛然
出涕王贊曰史記曰扁鵲老勃海鄆人也姓秦氏名
越人少時為人舍長舍客長桑君過扁鵲獨奇之常
謹遇之長桑君亦知扁鵲非常人出入十餘年乃呼
扁鵲私坐間與語曰我有禁方年老欲傳與公公毋
泄扁鵲曰敬諾乃出其懷中藥與扁鵲飲是以上池
之水三十日當知物矣乃悉取其禁方書盡與扁鵲
忽然不見死非人也扁鵲以其言飲藥三十日視坦
藏癥結特以診脈為名耳

送韓準裴政孔巢父還山

獵客張兔置不能掛龍虎所以青雲人高歌在巖戶

韓生信英彥裴子含清真孔侯復秀出俱與雲霞親

峻節凌遠松同衾臥盤石斧冰嗽寒泉三子同一履

齊賢曰毛詩肅肅兔置註兔置也伯夷傳青雲之士顏延年陶徵士誄曰夷皓之峻節易并列寒泉食士

贊曰晉書王羲之清真有鑒裁顏延年詩峻節凌秋霜曹植詩何必同衾憫然後展慇懃聲類曰盤大石也選若寒行曰

斧冰持作糜時時或乘興往往雲無心出山揖牧

伯長嘯輕衣簪昨宵夢裏還云弄竹溪月今辰魯東

門帳飲與君別雪崖滑去馬蘿徑迷歸人相思若煙

草歷亂無冬春齊賢曰乘興字見前陶潛詞雲無心而出岫尚書周官曰外有州牧侯伯

左思詩曰長嘯激清風疏廣傳曰公卿大夫故人邑子設祖道供帳東都門外士贊曰陶潛詩時時見廢墟漢書吳王傳曰往往而有江淹別賦曰帳飲東都

送客金谷陶潛詩荒塗無歸人鮑照詩歷亂不可治陸機演連珠曰頓網探淵不能招龍振網羅雲不必

招鳳是以巢箕之叟不助丘園之弊洗耳之民不發傳巖之夢此詩首

四句意出於此

送楊少府赴選

大國置衡鏡準平天地心羣賢無邪人朗鑒窮情深

吾君詠南風袞冕彈鳴琴時泰多美士京國會纓簪

山苗落礪底幽松出高岑齊賢曰禮記舜作五絃之琴以歌南風左太冲詩鬱

琴以歌南風左太冲詩鬱

鬱澗底松離離山上苗士贊曰易曰易與天地準故能彌綸天地之道又曰復其見天地之心乎禮春官司服享先王則衮冕鄭註云衮冕龍衣也衮其衣五章裳四章凡九也三禮圖衮冕垂白珠十有二旒以組為纓色如綬璜纁充耳玉簪導板黃金飾周制冕有紐詩文王殷士膚敏箋云殷之士壯美而敏江淹詩辨詩夫子有盛才主司得球琳流水非鄭曲前行測京國

遇知音衣工剪綺繡一悞傷千金何惜刀尺餘不裁

寒女衾我非彈冠者感別但問襟空谷無白駒賢人

豈悲吟大道安棄物時來或招尋爾見山吏部當應

無陸沈齊賢曰禹貢惟球琳琅玕列子伯牙善鼓琴鍾子期善聽伯牙鼓琴志在登高山鍾子期曰善哉峨峨乎若泰山志在流水鍾子期曰善哉洋洋乎若江河樂記子夏曰鄭音好濫淫志謝惠連詩

裁用筒中刀縫為萬里衣漢書王吉與貢無友世稱王陽在位貢公彈冠言其取舍同也師古彈冠者言入仕也毛詩皎皎白駒在彼空谷山濤為吏部所甄拔人物各為題曰時稱山公啓事莊子曰足陸沈者也郭象註人中隱者譬如無水而沈士贊曰禮樂記唯君為能知樂是故審聲以知音郭泰機詩皎皎白紵絲織為寒女衣衣上秉刀尺棄我忽如遺左思詩灌木自悲吟陶潛詩時來苟冥會

對雪奉餞任城六父秩滿歸京

龍虎謝鞭策鷁鷺不司晨君看海上鶴何似籠中鶉

獨用天地心浮雲乃吾身雖將簪組狎若與煙霞親

齊賢曰易曰復其見天地之心孟子序仲尼抗浮雲之志簪組見前士贊曰莊子有擷飾之患而後有鞭策之威策初革反或作策三輔決錄注太史令蔡衡曰凡象鳳者有五多赤色者鳳多青色者鸞多黃色

若鷓多紫色者鷺多白色者鷓此鳥多青乃鷺非鳳也蜀楊顯傳曰雞司晨鮑照遊思賦乃江南之斷山信海上之飛鶴指煙霞而問卿窺林嶼而訪泊論語不義而富且貴於我如浮雲 季父有英

風白眉超常倫一官即夢寐脫屣歸西秦寶公啟華

筵墨客盡來臻燕歌落胡鴈郢曲迴陽春征馬百度

嘶遊車動行塵躊躇未忍去戀此四座人餞離駐高

駕惜別空慙慙何時竹林下更與步兵鄰齊賢曰史記項籍傳

其季父項梁又項伯者項羽季父也馬良眉間有白毫於兄弟中最良者時人語曰白眉最良孝武紀曰吾誠得如黃帝吾視去妻子如脫躡耳揚雄長楊賦因筆墨成文章故籍翰亦以為主人子墨客卿以風

陽春白雪事見二卷嵇康所與神交者阮籍山濤向秀劉伶籍兄子咸王戎為竹林之遊世所謂竹林七

賢籍聞步兵厨營人善釀有貯酒三百斛乃求為共

兵校尉遺落世事士贇曰北山移文張英風於滌旬

阮籍詩英風截雲舉子知效一官燕歌行古樂府名

歌錄曰燕地名猶楚苑之類始於魏文帝後為晉樂

奏江淹別賦驅征馬而不顧見行塵之時起陶潛詩為我少躊躇又四座列羣英史樂書曰得以接歡喜

魯郡堯祠送吳五之瑯琊

堯沒三千歲青松古廟存送行奠桂酒拜舞清心魂

日色促歸人連歌倒芳樽馬嘶俱醉起分手更何言

齊賢曰唐兗州魯郡有堯廟屈原九歌奠桂酒兮椒

漿漢樂歌奠桂酒酌椒漿士贇曰左傳心之精爽是謂魂魄江淹詩何用苦心魂晉光逸傳曰劉畢芳樽之友江淹別賦遠分手而銜涕謝宣遠詩分手東城

魯郡堯祠送竇明府薄華還西京

時久病初起作

朝策犁眉騮舉鞭力不堪強扶愁疾向何處角巾微

服堯祠南長楊掃地不見日石門噴作金沙潭笑誇

故人指絕境山光水色青於藍

齊賢曰爾雅白馬黑鬣曰騮土導曰元規若來君便角巾還第孔子微服而過宋子路宿於石門王贊曰荀子青出於藍而青於藍

廟中往往來擊鼓堯本無心爾何苦門前長跪雙石

人有女如花日歌舞銀鞍繡轂往復迴簸林蹶石鳴

風雷遠煙空翠時明滅白鷗歷亂長飛雪紅泥亭子

赤闌干碧流環轉青錦濤深沈百丈洞海底那知不

有蛟龍蟠

齊賢曰毛詩擊鼓其鐘古詩長跪問故夫西京雜記晉靈公冢甚瑰壯四角皆以石

為攬大奉燭石人男女四十餘皆立侍徐敬業詩汗馬躍銀鞍士贊曰范曄詩黃屋非堯心詩云有女同車又式歌且舞宋玉賦云曄乎

如花蜀都賦濟龍蟠於沮澤君不見綠珠潭水流

東海綠珠紅粉沈光彩綠珠樓下花滿園今日曾無

一枝在昨夜秋聲聞闔來洞庭水落騷人哀遂將三

五少年輩登高遠望形神開生前一笑輕九鼎魏武

何悲銅雀臺

齊賢曰石崇有別館在河陽之金谷一名梓澤有妓曰綠珠善吹笛孫秀使人

求之崇不許秀怒勸趙王倫誅崇倫矯詔收崇崇正

宴樓上謂綠珠曰我今為爾得罪綠珠泣口當效死

於官前因自投樓下而死文選古詩娥娥紅粉妝離騷倚閭闔而望予注閭闔天門也淮南子排閭闔淪天門注閭闔始升夫之門楚辭洞庭彼兮木葉下魏志注建安十五年冬作銅雀臺陸士衡弔魏武文曰吾婕妤妓人皆着銅雀臺於臺上施八尺牀總帳朝脯上脯脯之屬月朝十五輒向帳作技汝等時時登銅雀臺望吾西陵墓田又云餘香可分與諸夫人諸舍人無所為學作履組賣也士贇曰曹植詩顧盼遺光彩選王褒四子講德論商歌下注曰商秋聲也左傳舞所以節八音流行入風注云西方曰閭闔風淮南子天文訓曰涼風至四十五日閭闔風至注云兌卦之風也地形訓曰臯陶閭闔風之所生也宋玉賦曰登高遠望使人心瘁莊子其寐也魂交其覺也形開又廣成子曰汝神將守形形乃長生太史公論六家指要曰神者生之本也形者生之具也晉書王忱末年嗜酒每歎三日不飲便覺形神不相親史平原君傳毛遂至楚定從而歸平原君曰毛先生我歌白之至楚而使趙重於九鼎大呂遂以為上客

雲倚牕牖爾聞其聲但揮手長風吹月度海來遙勸

僊人一杯酒酒中樂酣宵向分舉觴酌堯堯可聞何

不令羣繇擁篲橫八極直上青天揮浮雲高陽小飲

真瑣瑣山公酪酏何如我竹林七子去道除蘭亭雄

筆安足誇堯祠笑殺五湖水至今憔悴空倚花爾向

西秦我東越暫向瀛洲訪金闕藍田太白若可期為

余掃灑石上月齊賢曰列子西王母為王謚註徒詩曰謚詩名白雲徐陵有白雲出嶠篇

謝靈運詩揮手告鄉曲宗慈願乘長風破萬里浪孝武云長星勸汝一杯酒騶衍如燕昭王擁篲先驅漢紀太公擁篲師古曰篲所以掃也列子曰至人者揮斥八極神氣不變山簡鎮襄陽習氏有大池簡時出

六

醉其上名曰高陽池兒童歌曰山公出何許往至高
 陽池日夕倒載歸酩酊無所知竹林七賢事見前王
 羲之蘭亭序曰永和九年歲在癸丑暮春之初會于
 會稽山陰之蘭亭法書要錄云僧智永弟子辯才嘗
 於寢堂伏梁上鑿暗檻以貯之後隨入昭陵五湖太
 湖也一作鏡湖東越會稽也漢志三神山上黃金銀
 為宮闕唐京兆府藍田縣范子計然曰玉英出藍田
 太白山在武功縣南去長安三百里士贇曰孔德璋
 北山移文曰千青霄而直上爾雅
 曰此侃瓚瑣小也論語洒掃應對

金鄉送韋八之西京

客自長安來還歸長安去狂風吹我心西掛咸陽樹

此情不可道此別何時遇望不見君連山起煙霧

齊賢曰漢志長安縣高帝五年置惠帝元年初城六年成戶八萬八百士贇曰七詩凱凱風自南次彼棘心

木華海賦波如連山太白此詩因別友而動懷君之思可謂身在江海心存魏闕者矣或者謂白詩全無關於人倫風教其厚誣太白哉

送薛九被讒去魯

宋人不辨玉曾賤東家丘我笑薛夫子胡為兩地遊

黃金消眾口白璧竟難投梧桐生疾藜綠竹乏佳實

鳳凰宿誰家遂與羣雞匹

齊賢曰關子曰宋人得燕石以為寶事見前曾人不
 知孔子以為是東家丘鄰陽傳眾口銷金師古曰美
 金見毀眾共疑之數被燒煉以至銷鑠又曰夜光之
 璧以闇投人於道莫不按劍相斫詩箋云鳳凰之性
 非梧桐不栖非竹實不食說苑趙鞅謂陽虎曰樹蒺
 藜者夏不得休息秋得其刺焉田家養老馬窮士歸
 屈原卜居曰將與雞鶩爭食乎

其門蛾眉笑蹙者賓客去平原却斬美人首三千還

駿奔齊賢曰田子方見老馬於道問其御者曰公家

棄其身仁者不為也以求帛贖之史記平原君家樓

臨民家民家有蹙者槃散行汲平原君美人居樓上

臨見大笑之明日蹙者至門請曰臣不幸有疲癯之

疾而君之後宮笑臣願得笑者頭平原君笑應曰

諾蹙者去君笑曰此豎子乃欲以一笑之故殺吾美

人不亦甚乎居歲餘賓客稍稍引去平原君怪之門

下一人前曰以君之不殺笑蹙者以君為愛色而賤

上即去耳於是君乃殺笑蹙者美人頭自造門謝焉

門下乃復稍稍來王賢曰毛公一挺劍楚趙兩相存

書武成邦甸侯衛一奔走齊賢曰史秦圍邯鄲趙使平原君求救合從於楚約

與食客文武備者二十人偕得十九人餘無可取者

有毛遂自贊曰願備員而行平原君與楚合從言其

利害曰出而言之日中不決毛遂按劍歷階而上曰

白起小豎子耳率數萬之眾與楚國戰一戰而舉鄢

郢再戰而燒夷陵三戰而辱王之先人此百世之怨

而趙之所羞而王不知惡合從者為楚非為趙也楚

王曰唯唯謹奉社稷以從遂謂楚王之左右曰取雞

狗馬之血來遂奉銅盤而跪進之楚王曰王嘗

悅狡兔三窟賴馮諼

長驅到齊孟嘗君見之曰責畢收乎曰收畢矣以何

市而反諛曰君云視吾家所寡有者臣竊計君所寡

者義耳竊以為君市義君不說暮年孟嘗君就國於

薛民扶老攜幼迎君道中君顧馮諼曰先生所為文

而義者乃今日見之諛曰狡兔有三窟僅得免其死

今君有一窟未得高枕而臥也請為君復鑿二窟乃

西遊梁謂惠王曰齊放孟嘗君諸侯先迎之國富而

兵強於是惠王遣使聘孟嘗君梁使三反齊王聞之

遣太傅謝君曰寡人不祥沉於諂諛之臣聞罪於君

諛戒君曰願請先生之祭器立宗廟於薛廟成還報

君曰三窟已就君始高枕為樂矣君為相數十年無

織芥之禍信陵奪兵符為用侯生言士贊曰史記魏

諛之計也生計矯晉鄙兵春申一何愚勿首為李園齊賢曰史

收趙事見三卷園進弟於春申君君即幸之知其有身園與其女

弟謀使說君曰今妾有身而人莫知誠以在之重進

妾於楚王王必幸妾賴天有子男則是君之子為王

也楚國盡可得君大然之乃出園女弟謹舍而言之

楚王王召入幸之遂主子男立為太子以園女弟為

王后楚王貴李園園用事恐春申君語泄欲殺君以

滅口而國人無有知者後楚考烈王卒李園果先入

伏死於棘門之內春申君入棘門死士刺君斬其

頭投之棘門外使吏盡滅君之家而賢哉四公子撫

李園女弟所生子者遂立為幽王

掌黃泉裏借問笑何人笑人不好士爾去且勿諠桃

李竟何言沙丘無漂母誰肯飯王孫齊賢曰史記沙

丘當在魯韓信釣於城下諸母漂有一母見信飢飯

信竟漂數十日信喜謂漂母曰吾必有以重報母

怒曰吾哀王孫而進食豈望報乎士贊曰按此四句

乃是總上之意蓋取平原孟嘗信陵得士而酬其言

故卒能自保護春申君不能用朱英之言而卒受李

園之禍故詩中有春申一何愚之語也國策曰李園

既入其女弟為王后子為太子恐春申君語泄而益

驕陰養死士欲殺春申君以滅口而國人頗有知之

者春申君相楚二十五年考烈王病朱英謂春申君

曰世有無妄之福又有無妄之禍今君處無妄之世

以事無妄之主安不有無妄之人乎春申君曰何謂

無妄之福曰君相楚二十餘年矣雖名為相國實楚

王也五子皆相諸侯今王疾甚旦暮且崩太子衰弱

疾而不起而君相少主因而代立當國如伊尹周公

王長而反政不即遂南面稱孤因而有楚國此所謂

無妄之福也春申君曰何謂無妄之禍曰李園不治

李詩補注

卷十六

七

國王之舅也不為將兵而陰養死士之日久矣楚王崩李園必先入據本議制斷君命乘權而殺君以滅口此所謂無妄之禍也春申君曰何謂無妄之人曰君先仕臣為郎中君王崩李園先入臣請為君割其胃殺之此所為無妄之人也春申君曰先生置之勿復言已李園軟弱人也僕又善之又何至此朱英恐乃亡去後十七日考烈王崩李園果先入置死士止於棘門之內春申君後入止棘門闕死上夾刺春申君斬其頭投之棘門外於是使吏盡滅春申君之家漢書李廣傳曰桃李不言下自成蹊易曰天何言哉

單父東樓秋夜送族弟沈之秦

一作西京時疑弟在席

爾從咸陽來問我何勞苦沐猴而冠不足言身騎士

牛滯東魯沈弟欲行疑弟留孤飛一鴈秦雲秋坐來

黃葉落四五北斗已掛西城樓絲桐感人絃亦絕

堂送君皆惜別卷簾見月清興來疑是山陰夜中震

齊賢曰史記說者曰人言楚人沐猴而冠耳周秦對

鍾繇曰君明公子守吏職彌猴騎士牛何遲也禮記

曰兄之齒鴈行謝宣遠詩四筵沽芳醴中堂起絲桐

王子猷居山陰夜雪初霽月色開朗四望皓然士贊

曰記樂記樂也者聖人之所樂也而可以善民心其

感人深列子曰鍾子期死伯牙絕絃楚辭滿堂兮美

人明日斗酒別惆悵清路鹿蓬望長安日不見長安

人長安宮闕九天上此地曾經為近臣一朝復一朝

髮白心不改屈原憔悴滯江潭亭伯流離放遼海折

翮翻飛隨轉蓬聞弦虛墜下霜空聖朝久棄青雲士

他日誰憐張長公

齊賢曰陸納斗酒事兒本卷首篇曹植詩君為清路塵晉元帝曰不

聞人從口邊來又曰舉目則見日不見長安見前天
問云九天之際安放安屬詳見前太白嘗供奉翰林
故曰近臣楚詞曰屈原既放遊於江潭行吟澤畔顏
色顛顛王仲宣詩苟非鳴鵠孰能飛翻淮南子觀蓬
轉而為車蓋戰國策更羸引弓虛發下鴈事見前王
贊曰徐敬業詩迴首見長安崔駰字季伯忤竇憲出
為長岑事見十卷曹植詩轉蓬離本根飄飄隨
長風青雲士見前白此詩瞻顧宗國之意深矣

送族弟凝至晏迥單父三十里

雪滿原野白戎裝出盤遊揮鞭布獵騎四顧登高丘
免起馬足間蒼鷹下平疇喧呼相馳逐取樂銷人憂
捨此戒禽荒微聲烈齊謳鳴雞發晏迥別鴈驚汶溝
西行有東音寄與長河流齊賢曰書盤遊無度又曰外作禽荒曹植詩齊瑟陽

東謳說文謳齊歌也孟嘗君傳云關法雞鳴而出客
涑曰開切水出代郡東南入河士贊曰陸雲九愍悲
節曰登高丘以遐望兮思游處之淹留詩小序曰哀
公好畋獵從禽獸而無厭國人化之遂成風俗習於
田獵謂之賢閒於馳逐謂之好焉漢書傳東方朔曰
銷憂者莫若酒班婕妤曰酌羽觴兮銷憂曹植詩絃
歌蕩思誰與銷憂

魯城北郭曲罾桑下送張子還高陽

送別枯桑下凋葉落半空我行情道遠爾獨知天風
誰念張仲蔚還依蒿與蓬何時一杯酒更與李膺同

齊賢曰古樂府云枯桑知天風三輔決錄張仲蔚平
陵人所居蓬蒿没人李膺字元禮潁州襄城人荀爽
貽膺書曰知以直道不容於時悅山樂水家于陽城
漢志襄城陽城嵩高山並潁川郡李膺云者取其在此

李詩補註 卷二十六
高陽也王贊曰太白以仲蔚
比張子而以李膺自比耳

分類補註李太白詩卷之十七

明長洲許自昌元祐甫校

送

送魯郡劉長史遷弘農長史

魯國一杯水難容橫海鱗仲尼且不敬況乃尋常人

白玉換斗粟黃金買尺薪閉門木葉下始覺秋非春

齊賢曰孟子以一杯水救一車薪之火海賦魚則橫海之鯨魚人以仲尼為東家丘周禮考工記注八尺曰尋倍尋曰常楚詞洞庭波兮木葉下王贊曰莊子覆杯水于坳堂之上則芥為之舟置杯焉則膠賈誼賦彼尋常之汗瀆兮豈能容吞舟之魚橫江湖之鯨鯢兮固將制于螻蟻亦取夫子之道至大天下莫能

李詩補註

卷十七

容之義此用其意戰國策蘇秦曰楚國食貴于玉薪
貴于桂張協詩尺燼重尋桂紅粒貴瓊瑤良曰燼薪
也紅粒米也一尺之薪價重于一尋之桂而米
亦重于玉也淮南子曰一葉落而天下知秋 聞君

向西遷地即鼎湖鄰寶鏡匣蒼薛丹經理素塵軒后

上天時攀龍遺小臣及此留惠愛庶幾風化淳齊賢曰鼎

湖小臣攀龍髯事見前士贊曰尚書注惠愛也愛則民歸之前漢刑法志曰庶幾可及詩大序曰上以風

化下曾縞如白煙五縑不成東臨行贈貧交一尺重山

岳相國齊晏子贈行不及言託陰當樹李忘憂當樹

萱他日見張祿綈袍懷舊恩齊賢曰孔安國曰縞白

不能穿曾縞易之貴曰束帛戔戔子夏傳云五匹為束三玄三縑象陰陽家語孔子去周老子送之曰富

貴者送人以財仁者送人以言晉趙鞅謂陽虎曰樹

杲李者夏得其休息秋得其實焉毛詩焉得諼草言

樹之背注萱草令人忘憂張祿范睢也綈袍戀戀事

見前注士贊曰後漢馮衍傳曰德重山岳澤深河海

選短歌行 思念舊恩

送族弟單父主簿凝攝宋城主簿至郭南月橋

却迴棲霞山留飲贈之

吾家青萍劍操割有餘閑往來糾二邑此去何時還

鞍馬月橋南光輝歧路間賢豪相追餞却到棲霞山

羣花散芳園斗酒開離顏樂酣相顧起征馬無由攀

齊賢曰青萍劍名左傳曰未能操刀而使割也曹植詩採桑坂路間潘岳詩驅役宰二邑士贊曰鮑照詩

李詩補註 卷二
鞍馬光照地又宗黨生光輝酈食其傳縣中賢豪不敢役陶潛詩斗酒聚北隣又綠酒開芳顏江淹別賦云驅征馬而不顧

魯郡東石門送杜二甫

醉別復幾日登臨徧池臺何時石門路重有金樽開
秋波落泗水海色明徂徠飛蓬各自遠且盡手中杯

齊賢曰宋玉九辯僚慄兮若在遠行登山臨水兮送將歸論語子路宿于石門江淹詩金樽坐含霜魯郡有泗水縣毛詩徂徠之松注山名又道如飛蓬士贊曰杜工部嘗有詩贈太白曰何時一樽酒重與細論文今觀此篇豈一時酬答之詩耶

魯郡堯祠送張十四遊河北

猛虎伏尺草雖藏難蔽身有如張公子翫髀在風塵

豈無橫腰劍屈彼淮陰人擊筑向北燕燕歌易水濱

歸來太山上當與爾為鄰

齊賢曰後漢趙壹詩伊優髀高亢婞直之貌淮陰少年侮韓信高漸離擊筑而歌送荆卿易水上事見前王贊曰後漢竇融傳論拔起風塵之中孫皓詩曰昔與爾為鄰今與爾為臣

杭州送裴大澤時赴廬州長史

吳中

西江天柱遠東越海門深去割慈親戀行憂報國心

好風吹落日流水引長吟五月披裘者應知不取金

齊賢曰漢書武帝登瀛天柱山文穎曰天柱山在瀛縣南杭州望海門三山隱隱可見嵇康高士傳披裘李詩甫生

公者吳人延陵季子出遊見道中有遺金時當五月見披裘負薪顧令取彼金公投鏃嗔曰五月披裘而負薪豈取金者哉季子大驚問其姓名公曰吾子皮相之士安足語姓名南史甄彬中山人嘗以一束苧就長沙寺質錢後贖苧中得五兩金送還寺道人以半酬彬彬不受謂曰五月披羊裘而負薪豈拾遺金者耶士贇曰李陵書曰故欲如前書之言報恩于國主耳陶潛詩好風與之俱曹植詩驚風飄白日忽然歸西山魏武帝詩短歌微吟不能長

灞陵行送別

送君灞陵亭灞水流浩浩上有無花之古樹下有傷心之春草我向秦人問路歧云是王粲南登之古道古道連綿走西京紫闕落日浮雲生正當今夕斷腸

處黃鸝愁絕不忍聽

齊賢曰灞陵見前管子曰浩浩者水育育者魚江淹別賦春草

碧色春水綠波送君南浦傷如之何王粲山陽人獻帝西遷從至長安以西京擾亂乃之荆州依劉表登荆州縣城樓作賦以寄意士贇曰景福殿賦淶水浩浩鮑照詩羈馬停路歧顏延年詩城闕烟塵生江淹詩日落長沙渚曾陰萬里生選燕歌行念君客遊思斷腸王粲詩不忍聽此言

送賀監歸四明應制

久辭榮祿遂初衣曾向長生說息機真訣自從茅氏得恩波應阻洞庭歸瑤臺含霧星辰滿仙嶠浮空島嶼微借問欲棲珠樹鶴何年却向帝城飛

齊賢曰賀知章遷秘

書監天寶中病夢遊帝居乃請為道士還鄉里詔許之以宅為千秋觀而居又求周宮胡數頃為放生池

賜鏡湖剡溪一曲既行帝賜詩皇太子百宮錢送晉
孫綽嘗作遂初賦洞仙傳茅濛字初成師鬼谷先生
受長生之術神丹之方入草山修道合藥乘雲駕龍
白日昇天離騷望瑤臺之偃蹇兮見有娥之逸女淮
南子崑崙中有增城九重珠樹玉樹漢陳咸數賂
遺陳湯子書曰即蒙子公力得入帝城死不恨

送竇司馬貶宜春

大馬白銀鞍親承明主歡鬪雞金宮裏射鴈碧雲端
掌上羅中貴歌鐘清夜闌何年謫南國拂劍坐長歎

趙璧為誰點隨珠枉被彈聖朝多雨露莫厭此行難

齊賢曰漢志渥洼水出天馬徐敬業詩汗馬躍銀鞍
曹植詩鬪雞東郊道史秦既得趙璧無意與城蘭枻
如回之曰此璧有瑕以歸呂氏春秋隨侯之珠彈干
刃之雀世必笑之說苑隨侯之珠用之彈雀不如泥

丸士贊曰漢李膺傳曰使中貴人從廣服皮曰內之
貴幸者鬪雞事見三卷鮑照詩庭下列歌鐘曹植詩
清夜遊西園聖朝多雨露即唐書制曰朕以恩澤者
帝于之雨露之意記孔子問居曰天有風雨霜露無
非教也

送羽林陶將軍

將軍出使擁樓船江上旌旗拂紫煙萬里橫戈探虎

穴三杯拔劍舞龍泉莫道詞人無膽氣臨行將贈繞

朝鞭齊賢曰唐志左右羽林軍大將軍各一人正三
品將軍各三人從三品掌統北衙禁兵督攝左
右廂飛騎儀仗大朝會則周衛階陛巡幸則夾馳道
為內仗通典樓船船上建樓三重列女櫓戰格樹幡
幟開弩懸矛穴狀如城壘周禮熊虎為旗析羽為旌
漢書班超曰不入虎穴不得虎子史記項莊拔劍起

李詩不言 卷一 五
舞龍泉劍名左傳士會辭秦歸繞朝贈之以策士贊
曰班固東都賦旌旗拂天鮑照詩揚芬紫烟上詞人
太白自稱也揚子曰
詞人之賦麗以淫

送程劉二侍郎兼獨孤判官赴安西幕府

安西幕府多材雄喧喧惟道三數公繡衣貂裘明積

雪飛書走檄如飄明朝辭明主出紫宮銀鞍送別金

城空齊賢曰唐志安西都護府治四州後徙治高昌

故地又徙治龜茲都督府而故府復為西州李

廣傳幕府省約文書師古曰幕府以軍幕為義軍旅

無常居止故以帳幕言之漢百官公卿表侍御史有

繡衣直指蘇秦黑貂之裘弊說文檄尺二書也師古

曰為檄文馳以示遠所西都賦煥若列宿紫宮是環

徐敬業詩汗馬躍銀鞍過秦論曰金城千里士贊曰

謝靈運詩積雪明遠峰荀子議兵曰楚人輕利僂

謝靈運詩積雪明遠峰荀子議兵曰楚人輕利僂

謝靈運詩積雪明遠峰荀子議兵曰楚人輕利僂

謝靈運詩積雪明遠峰荀子議兵曰楚人輕利僂

謝靈運詩積雪明遠峰荀子議兵曰楚人輕利僂

謝靈運詩積雪明遠峰荀子議兵曰楚人輕利僂

謝靈運詩積雪明遠峰荀子議兵曰楚人輕利僂

飄風天外飛霜下葱海火旌雲馬生光彩胡塞清塵

幾日歸漢家草綠遙相待齊賢曰漢書西則限以葱

嶺其山高大大上悉生葱故以名考工記龍旂九旂以

象大火鳥旗七旂以象鶉火大火蒼龍宿之心鶉火

朱鳥宿之柳士贊曰張景陽七命飛霜迎節高風送

秋禮冬官考工記輈人龍旂九旂以象大火也注曰

交龍為旂諸侯之所建也大火蒼龍宿之心其屬有

尾尾九星魏文帝詩上天垂光彩曹植詩顧盼遺光

彩

彩

送姪良携二妓赴會稽戲有此贈

携妓東山去春光半道催遙看若桃李雙入鏡中開

齊賢曰王羲之云每行山陰道上如鏡中游士贊曰

謝安携妓東山事見前曹植詩曰南國有佳人容華

李詩補注

李詩補注

李勝奕

送賀賓客歸越

鏡湖流水漾清波，狂客歸舟逸興多。山陰道士如相

見，應寫黃庭換白鵝。齊賢曰：賀知章自號四明狂客。事見前詩。羲之傳：山陰道士養

好鵝，羲之往觀，意甚悅，道士云：為寫道德經，當舉羣相贈。羲之欣然，寫畢，籠鵝而歸。

送張遙之壽陽幕府

壽陽信天險，天險橫荆關。苻堅百萬衆，遙阻八公山。

不假築長城，大賢在其間。戰夫若熊虎，破敵有餘閑。

張子勇且英，少輕衛霍屏。投軀紫髯將，千里望風顛。

勛爾效才略，功成衣錦還。齊賢曰：壽春縣屬九江。東晉以鄭皇后諱改壽陽為壽陽。

曰：天險不可升，八公山一名肥陵山，在壽春縣北四里。李勣傳：治并州十六年，以威肅聞。帝嘗曰：楊帝不擇人守邊，勞中國築長城以備虜。今我用勣守并，突厥不敢南，賢長城遠矣。獻帝春秋張遼問吳降人，何有紫髯將軍，上長下短，便馬善射，是誰？曰：孫會稽。朱買臣拜會稽太守，上曰：富貴不歸故鄉，如衣錦夜行。士贇曰：苻堅兵敗，見八公山草木，見晉師事，見前卷。注：爾雅釋名：熊虎為旗，將軍所建，象其猛如熊虎也。衛霍，衛青、霍去病也。二人皆漢名將，屏字義，出漢書。張耳傳云：吾王屏王也。孟康曰：冀州人謂懦弱為屏。漢田延年傳云：以才略給事幕府。

送裴十八圖南歸高山二首

何處可為別，長安青綺門。胡姬招素手，延客醉金樽。

李詩補注

卷七

七

臨當上馬時我獨與君言風吹芳蘭折日沒鳥雀喧
舉手指飛鴻此情難具論同歸無早晚潁川有清源
齊賢曰長安霸城門曰青門古詩纖纖出素手曹植樂府金樽玉杯不能使薄酒更厚高士傳許由隱而去耕于中岳潁水之陽士贇曰嵇康詩目送飛鴻謝靈運詩客遊倦水宿風潮難具論手詩與子同歸

其二

君思潁水綠忽復歸嵩岑歸時莫洗耳爲我洗其心
洗心得真情洗耳徒買名謝公終一起相與濟蒼生

齊賢曰巢父洗耳事見前繫辭聖人以此洗心江淹書云進不買名聲于天下晉書曰安石不起當如蒼生

同王昌齡送族弟襄歸桂陽二首

秦地見碧草楚謠對清樽把酒爾何思鷓鴣啼南園
余欲羅浮隱猶懷明主恩躊躇紫宮戀孤負滄洲言
終然無心雲海上同飛翻相期乃不淺幽桂有芳根

齊賢曰江淹賦春草碧色南越志鷓鴣雖東西迴翔然開翅之始必先南翥其鳴自呼社薄州羅浮山在增城博羅二縣之境西京賦正紫宮于未央揚雄機靈賦世有黃公者起于滄洲謝朓詩復協滄洲趣謝靈運詩終然謝天伐陶潛辭雲無心而出岫王粲詩苟非鴻鵠孰能飛翻士贇曰周易何思何慮張協詩胡蝶飛南園鮑照詩投軀報明主晉劉琨傳曰其意氣相期如此唐書高祖謂尉遲敬德曰丈夫當以意氣相期細味此詩非一飯不忘君者乎議者何厚誣太白之不如社也

其二

爾家何在瀟湘川青莎白石長江邊昨夢江花照江
國幾枝正發東牕前覺來欲往心悠然魂隨越鳥飛
南天秦雲連山海相接桂水橫煙不可涉送君此去
令人愁風帆茫茫隔河洲春潭瓊草綠可折西寄長

安明月樓

齊賢曰楚詞青莎雜樹繁草霍靡古詩越鳥巢南枝謝靈運詩且帆桂水潮詩云在

河之洲王贊曰張衡詩欲往從之巔坂長晉謝安嘗與王羲之登冶城悠然遐想有高世之志晉天文志秦雲如行入江淹別賦送君南浦傷如之何繁欽述行賦茫茫河濱謝靈運詩河洲多沙塵十洲記方丈洲有瓊田芝草

送外甥鄭灌從軍二首

六博爭雄好彩來金盤一擲萬人開丈夫賭命報天

子當斬胡頭衣錦回

王贊曰楚詞篋箠象床有六博晉書劉毅一擲百萬南史張讓

百口一擲出手得盧北史高琳侍宴賦詩曰何以報服天子沙漠淨妖氛爭雄金盤衣錦三事並見前

其二

丈人蛇矛出隴西彎弧拂箭白猿啼破胡必用龍韜

策積甲應將熊耳齊

齊賢曰晉載記陳安敗死隴上

十決無當前淮南子楚王有白猿使養由基射之矯矢未發而猿擁柱號矣太公六韜有龍韜光武降赤眉于宜陽積兵甲宜陽城西與熊耳山齊王贊曰鮑照詩彎弧不解張

其三

月蝕西方破敵時及瓜歸日未應遲斬胡血變黃河

水臬首當懸白鵠旗齊賢曰酉陽雜俎李太白聞祿

敵可摧後祿山死日果見太白蝕月左傳瓜時而往及瓜而代崔鴻十六國春秋伏都攻冉閔為閔所殺橫尸相枕血流成渠史記武王斬紂縣之白旗

送于十八應四子舉落第還嵩山

吾祖吹索籥天人信森羅歸根復太素羣動熙元和

炎炎四真人摛辨若濤波交流無時寂楊墨日成科

本于聞洛誦誇才才故多為金好踊躍久客方蹉跎

道可束賣之五寶溢山河勸君還嵩丘開酌盼庭柯

三花如未落乘興一來過齊賢曰吾祖老子也老子云天地之間其猶索籥乎

又云萬物芸芸各復其根歸根曰靜列子曰太素者質之始也莊子云何謂真人古之真人登高不慄入

水不濡入火不熱孟子曰楊朱墨翟之言盈天下莊子曰副墨之子洛誦之孫又曰大冶鑄金金踊躍曰

我必為鏹錒大冶必以為不祥之金阮嗣宗詩白日忽蹉跎淵明歸去來詞眴庭柯以怡顏王子猷云乘

興而來士贇曰莊子曰皆稟于二不離于宗謂之天人謝靈運詩窈窕究天人陶潛詩日入羣動息三花

聚頂五氣朝元道家修養法也三花落則死矣三花未落乘興來過言有生之年未死之日猶有再會之

也期

送別

尋陽五溪水沿洞直入巫山裏勝境由來人共傳君到南中自稱美送君別有八月秋颯颯蘆花復益愁

雲帆望遠不相見日暮長江空自流齊賢曰酈道元注水經曰武陵

有五溪謂雄溪楠溪酉溪無溪辰溪土俗雄作熊楠作明濼作武悉是蠻夷所居故謂之五溪蠻皆槃瓠子孫在今辰州界江賦泝洞沿流注逆流而上曰泝洞順流而下曰沿巫山見前土贊曰尋陽五溪水沿洞直入巫山裏者詩意蓋謂由尋陽上五溪而入巫山也巫山介乎夔峽二州之間峽有青溪赤溪綠蘿溪澹茫溪姜詩溪為峽之五溪必知別者由九江徑之二岐而入巫山也今子見直指為武陵五溪恐失詩意按此五溪由元合相緒于洞庭至岳陽而後入江與巫峽地勢不相聯屬借曰此水亦經尋陽太白豈肯遺乎沅湘洞庭之大而獨舉夫武陵五溪之細乎所引非武陵五溪甚明當是峽之五溪也易曰其

所由來者漸矣楚詞風颯颯兮木蕭蕭江淹別賦送君南浦傷如之何馬融廣成頌方餘漚連舫舟張雲帆施帆疇王勃詩檻外長江空自流孟子有字音又此有字同

送族弟綰從軍安西

漢家兵馬乘北風鼓行而西破大戎爾隨漢將出門

去剪虜若草收奇功君王按劍望邊色旄頭已落胡

天空匈奴繫頸數應盡明年應入蒲萄宮齊賢曰張良世家曰

使布聞之則鼓行而西耳穆王西征犬戎得四白鹿四白狼陸機詩天子按劍怒說苑秦帝按劍而坐晉天文志昴七星為旄頭胡星見前賈誼曰請必係單于之頸漢元壽三年單于來朝舍之上林苑蒲萄宮

送梁公昌從信安北征

入幕推英選捐書事遠戎高談百戰術鬱作萬夫雄

起舞蓮花劍行歌明月宮將飛天地陣兵出塞垣通

祖席留丹景征麾拂彩虹旋應獻凱入麟閣佇深功

齊賢曰孫子曰百戰百勝非善之善者也漢高紀項

莊曰軍中無以為樂請以劍舞晉灼曰古長劍首以

玉作并鹿盧形上刻木作山形如蓮花初生未敷時

虎韜武王問太公曰先用兵為天陣地陣人陣柰何

太公曰日月星辰斗杓一左一右一向一背此謂天

陣丘陵水泉亦有前後左右之利此謂地陣用車用

馬用文用武此謂人陣古今注塞者所以擁塞夷狄

風俗通云共工氏子好遠遊故祀以為祖神祖徂也

古今注麾所以指麾武王秉白旄以麾是也丹景日

也沈休文詩標峰綵虹外楚詞建綵虹以招指周官

大司樂王軍大獻則鼓其愷樂愷歌大司馬若師有

功則愷樂獻于社漢蘇建傳其露三年上思股肱之

美乃圖畫其人干麒麟閣士贊曰晉謝安謂郗超曰

郗生可謂入幕之賓矣陸機詩高談一何綺史記魏

外黃徐子謂太子申曰臣有百戰百勝之術書曰萬

夫之長北史高昂傳論曰昂昂膽力氣冠萬夫王粲

詩生為百夫雄死為壯

士規莊子行歌而去之

送白利從金吾董將軍西征

西羌延國討白起佐軍威劍決浮雲氣弓彎明月輝

馬行邊草綠旌卷曙霜飛抗手凜相顧寒風生鐵衣

齊賢曰漢有東羌西羌西羌本出三苗羌姓之別其國近南岳及舜流之三危河關之西南羌地是也濱於賜支至乎河首綿地千里賜支禹貢析支也南接蜀漢徼外蠻夷西北鄯善車師諸國所居無常依隨水草地少五穀以產牧為業史記白起鄢人善用兵事秦昭王為武安君士贊曰莊子曰天子之劍上決

李詩甫注

卷十七

七

浮雲下絕地紀此劍一用匡諸侯貢下服矣孔叢子曰子高游趙還有鄒文李節者送別流涕交頤于高

送張秀才從軍

六駮食猛虎耻從駑馬羣一朝長鳴去矯若龍行雲壯士懷遠略志存解世紛周粟猶不顧齊珪安肯分抱劍辭高堂將投崔冠軍長策掃河洛寧親歸汝墳

當令千古後麟閣著奇勳齊賢曰毛詩隰有六駮毛

屈原十居云將隨駑馬之跡乎樊噲入項王曰壯士願延年陶徵士誄曰解體世紛結志區外史記武王平殷伯夷叔夷不食周粟隱于首陽山左思詩吾慕魯仲連談笑却秦軍當世貴不羈遭難能解紛功成

不受賞高節卓不羣臨組不肯綵對峙不肯分項羽傳諸將皆屬宋義號為卿十冠軍張宴曰若霍去病功冠三軍因封為冠軍侯師古曰冠軍言其在諸軍之上過秦論曰奮長策而御宇內時祿山思明據洛陽揚子孝莫太于寧親毛詩汝墳箋云墳注也虞羲詩當今麟閣上千載有雄名士贊曰前漢西域傳張騫懷致遠之略按猛武當作猛虎昔唐國諱虎故以武易之異代不諱因校正焉

送崔度還吳度故人禮部員外輔國之子

幽燕沙雪地萬里盡黃雲朝吹歸秋鴈南飛日幾羣中有孤鳳雛哀鳴九天聞我乃重此鳥綠章五色分胡為籬凡禽雞鶩輕賤君舉手捧爾足疾心若火焚拂羽淚滿面送之吳江濱去影忽不見躊躇日將曛

齊賢曰唐幽州范陽郡幽都縣武德元年為燕州謝
靈運詩風悲黃雲起淮南子曰黃泉之埃上有黃雲
東觀記鳳高八尺五彩易林曰鳳生五雛屈原十居
云將與雞鶩爭食乎月令云鳴鳩拂其羽左思詩躡
蹠足力煩士贇曰江淹詩黃雲蔽千里詩云哀鳴嗷
嗷又如惓如焚憂心如熏絲章五色見前周禮水涯
口漬鮑照詩
向風起江濱

送祝八之江東賦得浣紗石

西施越溪女明艷光雲海未入吳王宮殿時浣紗古
石今猶在桃李新開映古查菖蒲猶短出平沙昔時
紅粉照流水今日青苔覆落花君去西秦適東越碧
山青江幾超忽若到天涯思故人浣紗石上窺明月

齊賢曰寰宇記勾踐索美女獻吳王得諸暨賣薪女
鄭曰西施先習禮于上城山山邊有石是西施浣紗
石士贇曰王簡栖頭陀寺
碑東望平阜千里超忽

送侯十一

梁宋

朱亥已擊晉侯羸尚隱身時無魏公子豈貴抱關人
余亦不火食遊梁同在陳空餘湛盧劍贈爾託交親

齊賢曰禮記有不火食者矣論語孔子在陳絕糧越
絕書闔閭無道湛盧之劍去之入水士贇曰侯羸進
朱亥于公子無忌事見前曹植詩親
交義不薄漢司馬相如傳曰薄遊梁

曾中送二從弟赴舉之西京

再至曾中一
作送族弟鏗

曾客向西笑君門若夢中霜凋逐臣髮日憶明光宮

復羨二龍去才華冠世雄平衢騁高足逸翰凌長風
舞袖拂秋月歌筵聞早鴻送君日千里良會何由同

齊賢曰桓子新論云人聞長安樂則出門向西而笑
三輔舊事云桂宮內有明光殿吳陶丘洪薦劉繇字
正禮刺史曰前年舉山公奈何復舉正禮洪曰若使
君用山公于前擢正禮干後所謂御二龍于長途爾
雅四達謂之衢宗慤乘長風破萬里浪史記長袖善
舞王贊曰鮑照詩逐臣對撫心漢元后弟成都侯王
尚嘗病暑從上借明光宮後漢許劭字子將與兄處
並知名汝南人稱平壤別有二龍齊柳惔與兄悅王
儉謂柳氏二龍盧湛詩智勇
冠當世江淹詩送君如昨日

秦錢高尊師如貴道士傳道錄畢歸北海

道隱不可見靈書藏洞天吾師四萬劫歷世遞相傳

別杖留青竹行歌躡紫烟離心無遠近長在玉京懸

齊賢曰神仙傳壺公謂費長房曰我某日去卿能去
乎曰欲親眷不知其去有何計公乃取一青竹杖與
長房曰卿以竹杖歸家便可稱病以此竹杖置臥處
默然便來房如公言去後家人見房死尸在床哭葬
之及歸公又與竹杖曰但騎此得到家房騎竹杖辭
去忽如睡覺已到家具述視之乃青龍也古白鴻頌
茲亦耿介矯翮紫烟士贊曰老子云道隱無名記禮
運曰今大道既隱天下為家莊子曰夫道可傳而不
可受可得而不可見又曰道不可聞聞而非也道不
可見見而非也道經有靈書二十四事乃老君授青
童天君者又莊子齧缺問道被衣被衣言未卒
齧缺睡被衣大悅行歌而去之玉京見十四卷

金陵送張十一再遊東吳

張翰黃花句風流五百年誰人今繼作夫子世稱賢

再動遊吳棹還浮入海船春光白門柳霞色赤城天去國難為別思歸各未旋空餘賈生淚相顧共悽然

齊賢曰張翰字季鷹吳人詩曰青條若總翠黃花如散金金陵有白下門會稽記赤城山色赤狀似雲霞曲禮丈夫士去國祭器不踰境史記賈生為梁懷王太傅數年王墮馬死無後生自賜為傳無狀哭泣歲餘亦死士贊曰漢書漢王心悽然憐薄姬

送紀秀才遊越

海水不滿眼觀濤難稱心即知蓬萊石却是巨鰲簪送爾遊華頂余發鳥吟仙人居射的道士住山陰禹穴尋溪入雲門隔嶺深綠蘿秋月夜相憶在鳴琴

齊賢曰枚乘七發曰將以八月之望觀濤于廣陵之曲江孔靈符會稽記射的山南有白鶴山此鶴為仙人取箭王羲之傳山陰有道士養好鵝羲之往觀焉太史公自序云上會稽探禹穴張晏曰禹巡狩至會稽而崩因葬焉上有孔穴民間云禹入此穴若耶溪雲門寺在越州會稽縣南齊何胤嘗遊焉郭璞詩綠蘿結高林北山移文秋蘿罷月左思詩巖穴無結構丘中有鳴琴士贊曰巨鰲戴山及莊鳥越吟並見前陶潛文孤遺滿眼

送長沙陳太守二首

長沙陳太守逸氣凌青松英主賜五馬本是天池龍湘水迴九曲衡山望五峰榮君按節去不及遠相從

齊賢曰漢儀太守五馬周禮馬八尺以上為龍士贊曰魏文帝與吳質書曰公幹有逸氣但未適耳晉書

桓温傳史臣曰桓温挺雄豪之逸氣江淹詩青松換
秀萼銑曰青松喻真性也莊子曰南溟者天池也子
虛賦案節未舒師古
曰案節猶弭節也

其二

七郡長沙國南連湘水瀘定王垂舞袖地窄不迴身

莫小二千石富安遠俗人洞庭鄉路遠遙羨錦衣春

齊賢曰唐志潭州長沙郡衡州衡陽郡永州零陵郡
道州江華郡郴州桂陽郡邵州邵陽郡止六郡湘水
見前注漢書長沙定王發母唐姬故程姬侍者景帝
召程姬程姬有所避不願進而節侍者唐兒使夜進
上醉不知以為程姬而幸之生子因名發以母微而
無寵故王卑濕貧國應邵曰景帝後二年諸王來朝
有詔更前稱壽歌舞定王但張袖小舉手左右笑其
拙上怪問之對曰臣國小地狹不足回旋帝乃以武

送楊燕之東魯

關西楊伯起漢日舊稱賢四代三公族清風播人天

夫子華陰居開門對玉蓮何事歷衡霍雲帆今始還

齊賢曰楊震字伯起號關西夫子延光二年為太尉
震子秉延熹五年代劉矩為太尉子賜字伯獻熹平
二年代唐珍為司空後拜太尉子彪字文先光和六
年代董卓為司空其冬代黃琬為司徒彪傳云自震
至彪四世太尉德業相繼則五公當為三公今釐正
之華山記山頂有池生于葉蓮花服之羽化因名華

李詩補注

卷七

七

送蕭三十一之魯中兼問稚子伯禽

六月南風吹白沙，吳牛喘月氣成霞。水國鬱蒸不可

處，時炎道遠無行車。夫子如何涉江路，雲帆嫋嫋金

陵去，高堂倚門望伯魚。魯中正是趨庭處，我家寄在

沙丘，傍三年不歸空斷腸。君行既識伯禽子，應駕小

車騎，白羊。齊賢曰：世說滿奮對晉武曰：臣猶吳牛見月而喘，注今之水牛生江淮間，謂之吳牛。

南土多暑，而此牛畏熱，見月疑是日，所以見月則喘戰。國策：齊王孫賈之母謂賈曰：汝朝出而晚來，則吾倚門而望。孔鯉字伯魚，論語他日又獨立，鯉趨而過庭。十贊曰：顏延年詩：水國周地險，范彦龍詩：水國富

英奇，古詩：涉江采芙蓉，馬融廣成頌：張雲帆施蜺，楚詞：嫋嫋兮秋風，史匈奴傳曰：兒能騎羊射鳥鼠。

送楊山人歸嵩山

我有萬古宅，嵩陽玉女峰。長留一片月，挂在東溪松。

爾去掇仙草，萑蒲花紫茸。一作君行到此，歲晚或相

訪，青天騎白龍。齊賢曰：嵩山有玉女峰，抱朴子曰：萑

善，神仙傳：王興城陽人居壺谷中，凡民也。漢武帝嵩

山登大愚石起道，宮使董仲舒東方朔等齋潔，思神

至夜忽見仙人，長二丈耳，出頭巔下至肩，武帝禮而

問之，仙人曰：吾九疑之人，聞中岳石上萑蒲一寸九

節可以服之，長生故來采耳。忽失神人所在，帝顧侍

臣曰：彼非學道服食者，必中岳之神，以喻朕耳。為之

送殷淑三首

海水不可解連江夜為潮俄然浦嶼闊岸去酒船遙
惜別耐取醉鳴榔且長謠天明爾當去應便有風飄

齊賢曰柳漁人所擊板也士贊曰劉琨詩引頌長謠

其二

白鷺洲前月天明送客回青龍山後日早出海雲來
流水無情去征帆逐吹開相看不忍別更進手中杯

齊賢曰史正志碑秦淮與外江夾一洲曰白鷺士贊曰鮑照詩云徘徊留連不忍散陶潛詩云且進杯中物

其三

痛飲龍筇下燈青月復寒醉歌驚白鷺半夜起沙灘

送岑徵君歸鳴皋山

岑公相門子雅望歸安石奕世皆夔龍中台竟一作有

三折至人達機兆高揖九州伯奈何天地間而作隱

淪客貴道能一作皆金真潛輝臥幽鄰探元入窅默觀

化游無垠齊賢曰孟嘗君曰將門必有將相門必有相晉謝安字安石少有重名奕世累世也

張華為開府儀同三司少子驥以中台星拆勸華遜位不從曰天道玄遠唯修德耳卒見誅列子曰至人潛行虛空蹈火不熱行乎萬物之上而不慄晉桓玄曰父為九州伯桓譚新論曰天下神人五一曰神仙

二曰隱淪謝靈運詩既往隱淪客莊子廣成子曰至道之精窈窕冥冥至道之極昏昏默默滑介叔曰吾與子觀化而化及我我又何惡焉士贊曰謝靈運詩高揖七州外記聘義曰天下莫不貴者道也莊子孔子曰子之道非可以全真者也嵇康詩志在守撲養素全真賈誼賦曰塊北無垠

光武有天

下嚴陵為故人雖登洛陽殿不屈巢由身余亦謝明

主今稱偃蹇臣登高覽萬古思與廣成鄰蹈海寧受

管還山非問津西來一搖扇共拂元規塵齊賢曰莊子黃帝聞廣成子在空同之上往見之論語使子路問津王導傳庾亮據上流擁強兵導內不能平嘗遇西風塵起舉扇自蔽徐曰元規塵汚人士贊曰江淹詩偃蹇尋青雲阮籍詩登高望九州盧諶詩登高眺望荒顏延之詩萬古陳徃還嚴子陵及魯連蹈海事並見二卷

送范山人歸太山

曾客抱白鶴一作雜別余往太山初行若片雲一作雪杳

在青嶂間高高至天門日觀一作海日近可攀雲山望不

及此去何時還齊賢曰漢官儀曰太山東名曰日觀雞一鳴時見日始出長三丈所王贊

曰太山記云泰山盤道屈曲而上凡五十餘盤經小天門大天門西岩為仙人石門東岩為介丘東南岩名曰日觀詩云瞻望不及江淹詩曰黃雲蔽千里遊子何時還

分類補註李太白詩卷之十七

分類補註李太白詩卷之十八

長洲後學許自昌元祐甫校

送

送韓侍御之廣德

昔日繡衣何足榮今宵貫酒與君傾暫就東山除月

色醉歌一夜送泉明士贇曰繡衣相如貫酒謝安東山事見前

白雲歌送友人

楚山泰山多白雲白雲處處長隨君君今還入楚山
裏雲亦隨君渡湘水水上女蘿衣白雲早臥早行君

早起士贊曰此詩已見第六卷特首尾數語不同而此則尾語差拙恐是初本未經改定者今兩存之

送通禪師還南陵隱靜寺

我聞隱靜寺山水多奇蹤巖種明公橋門深杯渡松道人制猛虎振錫還孤峰他日南陵下相期谷口逢

齊賢曰傳燈錄婺州有木陳從朗禪師劉宋時杯渡者不知姓名常乘木杯渡水惠忠禪師居禪祚寺有供僧穀兩廩盜若窺虎即守之縣令張遜至山頂謁問師有何徒弟師曰有三五人遜曰如何得見師敲禪牀有虎虎哮吼而出遜驚怖而退永嘉真覺禪師初至曹溪參六祖遠繩牀三匝振錫而立唐南陵縣隸宣州士贊曰真祥記沙門康法朗晉永嘉中人也

送友人

青山橫北郭白水遶東城此地一為別孤蓬萬里征

浮雲遊子意落日故人情揮手自茲去蕭蕭班馬鳴

齊賢曰曹植詩轉蓬離本根飄颻隨長風類此客遊子捐軀從遠戎毛詩蕭蕭馬鳴左傳有班馬之聲士贊曰鮑照蕪城賦孤蓬自振驚沙坐飛向日孤蓬草也無根而隨風飄轉者自喻客遊也江淹詩眇然萬里遊古詩浮雲蔽白日遊子不顧返史范睢曰綈袍戀戀有故人之意任昉詩一朝萬化盡猶我故人情劉玄休詩揮手從此辭

送別

斗酒渭城邊壚頭醉不眠梨花千樹雪楊葉萬條烟

惜別傾壺醕臨分贈馬鞍看君賴上去新月到應圓

齊賢曰選古詩斗酒相娛樂漢書注師古口賣酒之處累土為壚以居酒瓮四邊隆起其人面高形如鑿壚故名壚耳左傳士會自秦歸晉繞朝贈之以策唐穎上縣隸穎州汝陰郡王贊曰楚詞思不眠以至曙陶潛詩曰斗酒聚比鄰又傾壺絕餘瀝毛詩云有酒醕我

江上送女道士褚三清遊南嶽

吳江女道士頭戴蓮花巾霓衣不濕雨特異陽臺雲足下遠遊履凌波生素塵倦尋向南嶽應見魏夫人

齊賢曰太霄經曰人行大道謂之道士周穆王因尹軌制樓觀遂召幽逸之人為道上楚詞青雲衣芳白霓裳陽臺雲見前洛神賦踐遠遊之文履又凌波微步羅襪生塵集仙錄魏夫人者任城人晉魏舒女名

華存字賢安好道適南陽劉文字幼彥生二子曰英曰遐二子粗立乃齋丁別寢將逾三月太極真人等來降授神真之道存世八十三年以晉成帝咸和九年清虛真人王褒與東華青童與夫人成藥兩劑服之白日上昇領上真司命南嶽夫八比秩仙公使治天台大霍仙洞臺中

送友人入蜀

見說蠶叢路崎嶇不易行山從人面起雲傍馬頭生芳樹籠秦棧春流遶蜀城升沉應已定不必問君平

士贊曰蠶叢棧道又嚴君平賣卜于成都市並見前阮籍詩芳樹垂綠葉謝眺詩雲行芳樹低江朝請錄水曲春流豈難越

送趙雲卿

白玉一杯酒綠楊三月時春風餘幾日兩鬢各成絲
秉燭唯須飲投竿也未遲如逢渭川獵猶可帝王師

士贇曰古詩晝短苦夜長何不秉燭遊莊子曰任公
子投竿東海旦旦而釣周西伯出獵得呂尚于渭川
迎以為師
事見二卷

送李青歸南葉陽川

伯陽僊家子容色如青春日月秘靈洞雲霞辭世人
化心養精魄隱几窅天真莫作千年別歸來城郭新

齊賢曰神仙傳老子名耳字伯陽楚國苦縣曲仁里
人其母感大流星而有娠雖受氣天然見于李家猶
以李為姓或云老子先天地生或云天之精魄盡神
靈之屬或云母懷之七十二年乃生生時剖母左腋

而出生而白首故謂之老子或云其母無夫老子是
丹家之姓或云老子之生適至李樹下而生老子生
而能言指李樹曰以此為我姓或曰上三皇時為玄
中法師下三皇時為金闕帝君伏羲時為鬱華子神
農時為九靈老子祝融時為廣壽子黃帝時為廣成
子顓頊時為赤精子禹時為真行子湯時為錫則子文
子舜時為支邑先生一為守藏史皆見于墓書不出于
王時為支邑先生一為守藏史皆見于墓書不出于
神仙正傳未可據也葛稚川云按西昇中胎及復命
胞及珠韜玉机全篇內經云老子黃白色美鬚廣額
長耳大目疎齒方口原脣額有三五達理日角月懸
鼻純骨雙柱耳有三漏門足暗三五手把十文以周
文王時為守藏史武王時為柱下史時俗見其久壽
故號老子遼東華表柱上有鶴云有鳥有鳥丁零威
去家千年今始歸城郭猶是人民非士贇曰江淹詩
雲霞肅川漲郭璞江賦納隱淪之列真挺異人之精
魄江淹詩偃蹇尋青雲隱淪駐精魄道人讀丹經方
上煉玉液左傳心之精爽是為魂魄孟子隱几而臥

李詩補註 卷之八
莊子南郭子綦隱几而臥
仰天而嘯嗒焉似喪其偶

送舍弟

吾家白額一作馬駒遠別臨東道他日相思一夢君應

得池塘生春草齊賢曰謝靈運嘗于永嘉西堂思詩竟日不就忽夢見惠連即得池塘生

春草大以為工士贊曰吾家白額駒是用涼武昭王

事也按晉史武昭王高字玄盛姓李氏前漢將軍李

廣之十六世孫玄盛少好學長習武藝爽呂光太史

令郭馨及其同母弟宗繇同宿馨起謂繇曰君當位

極人臣李君有國士之分家有駒黃馬生白額駒此

其時也呂光未京兆段業自稱涼州牧署玄盛效穀

令會燉煌太守孟敏卒于是護軍郭謙等以玄盛温

毅有惠政推為燉煌太守玄盛初難之會宋繇仕于

鄴告歸燉煌言于玄盛曰凡忘郭馨之言耶白額駒

今生矣玄盛乃從之自是霸有秦涼遷都酒泉及堯

國人上謚曰武昭王至唐朝尊上謚號曰興聖皇帝

此言語家白額駒者亦謂同所自出云爾亦老杜詩

龍準自與常人殊之意也楊修書曰吾家

送別得書字

水色南天遠舟行若在虛遷人發佳興吾子訪閒居

日落看歸鳥潭澄羨一作躍魚聖朝思賈誼應降紫

泥書齊賢曰詩云于物魚躍史記賈誼在長沙歲餘

徵見龍右記階州武都郡紫水有泥其色赤紫

而粘貢之用封璽書士贊曰鮑照詩臨歌不知調發

興誰與歡陶潛詩閒居三十載又日入羣動息歸鳥

送麴十少府

李詩補註

卷之八

五

試發清秋興因為吳會吟碧雲斂海色流水折江心

我有延陵劍君無陸賈金艱難此為別惆悵一何深

齊賢曰潘安仁秋興賦序云于時秋也故以秋興命篇魏文帝詩南行至吳會江海詩日暮碧雲合陸賈孝惠時呂后用事賈自度不能爭之乃病免有五男乃出所使越橐中裝賣千金分其子子二百金令為生產楚詞惆悵兮私自憐士贊曰延陵季子掛劍徐君墓事見前曹植詩離思一何深

送張秀才謁高中丞

并序夔陽

余時繫潯陽獄中正讀留侯傳秀才張孟熊蘊滅

胡之策將之廣陵謁高中丞余喜子房之風感激

于斯人因作是詩以送之

秦帝淪玉鏡

一作六雄滅金虎

留侯降氣氲感激黃石老

過滄海君壯士揮金槌報讐六國聞智勇冠終古蕭

陳難與羣

齊賢曰雜書曰秦失金鏡喻明道也漢張良傳秦滅韓良遂以家財求客刺秦王為

韓報仇東見滄海君得力士為鐵槌重百二十斤狙擊秦皇帝博浪沙中誤中副車秦帝大怒大索天下求賊甚急良乃逃匿下邳嘗縱步遊下邳圯上有一老父衣褐至良所直隨其履圯下曰孺子下取履良愕然下取履因長跪進之父以足受笑曰孺子可教後五日平明與我會此出一編書曰讀此則為王者師後十年陳涉起沛公略地下邳張良遂屬焉漢書替張良之智勇士贊曰沈約芳樹詩氛氲此一香雪賦氛氲蕭索盧諶詩智勇冠當世兩龍爭閭時天地莊子終古不忒蕭陳蕭何陳平也
動風雲酒酣一作縱橫舞長劍倉卒解漢紛宇宙初倒懸

鴻溝勢將分英謀信奇絕夫子揚清芬一作夫子稱

芬胡月入紫微三光亂天文高公鎮淮海談笑却妖

氛採爾幕中畫戡難光殊勳我無燕霜感玉石俱燒

焚但灑一行淚臨岐竟何云齊賢曰光武紀赤伏符

書叙傳曰解厄鴻門詳見史記留侯世家及漢書本

傳魯仲連曰所貴于天下之士為人排患難解紛亂

而無取也孟子曰猶解倒懸也史記項王乃與漢約

中分天下割鴻溝以西為漢東為楚胡祿山也祿山

死日太白食月其氏星經紫微宮二十四星在北斗

北東垣七西垣七主大帝坐天子常居漢郊祀志祀

天則天文從祭墜則墜理從日月星為三光禹貢淮

海維揚州左思詩談笑却秦軍鄒衍盡忠于燕燕王

疎之衍仰天而歎六月為之降霜尚書火炎崑岡玉

石俱焚士贇曰韓信傳兩龍方鬪易雲從龍風從虎

聖人作而萬物觀班固答賓戲彼皆躡風雲之會

漢二十八將論曰威能感會風雲奮其智勇史漢高

紀酒酣高祖擊筑自為歌詩應劭曰不醒不醉曰酣

一曰酣洽也前漢王嘉傳臨事倉卒乃求荀彧傳論

曰自帝遷西京山東騰沸天下之命倒懸矣荀君間

開以從當此期紆民于倉卒也賈誼治安策曰天下

之勢方倒懸足反居上首頓居下倒懸如此莫之能

潯陽送弟昌峒鄱陽司馬作

桑落洲渚連滄江無雲烟潯陽非剡水惚見子猷船

飄然欲相近來遲杳若仙人乘海上月帆落湖中天

一觀無二諾朝歡更勝昨爾則吾惠連吾非爾康樂

朱紱白銀章上官佐鄱陽松門拂中道石鏡迴清光
 搖扇及干越水亭風氣涼與爾期此亭期在秋月滿
 時過或未來兩鄉心已斷吳山對楚岫彭蠡當中州
 相思定如此有窮盡年愁齊賢曰彭澤地今為都昌有桑落洲九域志隸江州
潯陽郡王子猷雪夜訪戴安道于剡中見前後漢郭林宗與李膺同舟而濟衆賓望之以為神仙論語子路無宿諾謝惠連靈運族弟靈運襲封康樂公禮大夫綬色皆黃朱師古曰漢儀銀印在龜紐其文口章謂刻曰某官之章司馬郡之佐也謝靈運詩攀崖照石鏡率葉入松門顧野王輿地志自入湖三百三十里窮于松門東西四十里青松徧于兩峰張僧鑒潯陽記石鏡山東有一圓石懸岬明淨照人見形嚴助傳淮南王安書曰越人欲為變必先由餘干界中章昭曰越邑今鄱陽餘干縣是也學記時過然後學則勤苦而難成江淹詩日暮碧石雲合佳人歎未來又素心正如此曹植詩相思無終極

餞校書叔雲

少年費白日歌笑矜朱顏不知忽已老喜見春風還
 惜別且為歡徘徊弄李間看花飲美酒聽鳥臨晴山
 向晚竹林寂無人空閉關齊賢曰文選古詩思君令人老感月忽已晚嵇康所與交者阮籍山濤向秀劉伶籍兄子咸王戎為竹林之遊世謂竹林七賢類延年詩劉伶善閉關士贇曰阮籍詩平生少年時輕薄好弦歌王粲詩白日忽已瞑古詩攬衣起徘徊江淹賦攀弄李兮不忍別古詩不如飲美酒

送王孝廉覲省 盧江

彭蠡將天合姑蘇在日邊寧親候海色欲動孝廉船

窈窕晴江轉參差遠岫連相思無晝夜東泣似長川

齊賢曰姑蘇臺隸唐蘇州吳郡以其近東海日所出之地故云日邊楊子孝莫大乎寧親劉恢為丹陽尹

張憑詣恢恢留宿明日乃還船須臾恢出傳教求張

孝廉船召同載時人榮之士贊曰鮑照登大雷岫與

妹書曰西則回江永指長波天合曹攄詩窈窕由道深子虛賦岑峯參差曹植詩相思無終極

同吳王送杜秀才舉入京

秀才何翩翩王許回也賢暫別廬江守將遊京兆天

秋山宜落日秀木出寒烟欲折一枝桂還來雁沼前

齊賢曰古有秀才一利故永明九年策秀才文曰問秀才高第明經平原君翩翩濁世之佳公子也唐吳

王祗元宗時為陳留太守持節河南道節度採訪使

子燭嗣王論語賢哉回也唐廬州廬江郡京兆府京

兆郡運命論曰木秀于林風必摧之士贊曰後漢左

雄等傳論曰漢初訪舉賢良方正州郡舉孝廉秀才

亦貢士之方也唐選舉志其科之目有秀才自後士

人通稱謂之秀才類延年詩陰谷曳寒烟晉郗詵對

武帝曰臣舉賢良對策為天下第一

猶桂林之一枝崑山之片玉

洞庭醉後送絳州呂使君果流澧州 江夏

昔別若夢中天涯忽相逢洞庭破秋月縱酒開愁容

贈劍刻玉字延平兩蛟龍送君不盡意書及鴈迴峰

齊賢曰繫辭言不盡意士贊曰古詩各在天一涯漢

田儋傳縱酒注師古曰縱放也放意而飲酒劍至延

平津躍水化龍及迴鴈峰事見前

江淹別賦送君南浦傷如之何

李詩甫生

卷八

九

與諸公送陳郎將歸衡陽 并序

件尼旅人文王明夷苟非其時聖賢低眉况僕之不肖者而遷逐枯槁固非其宜朝心不開暮髮盡白而登高送遠使人增愁陳郎將義風凜然英思逸發來下曹城之榻去邀才子之詩動清興於中流泛素波而徑去諸公仰望不及連章祖之序慚起予輒冠名賢之首作者嗤我乃為撫掌之資乎
 衡山蒼蒼入紫冥下看南極老人星迴颼吹散五峰雲往往飛花落洞庭氣清嶽秀有如此郎將一家拖

金紫門前食客亂浮雲世人皆比孟嘗君江上送行無白壁臨岐惆悵若為分

齊賢曰禹貢岷山之陽至正色耶其氏星經老人一星在弧南為南極星主壽常以秋分日見去參三丈出丙入丁丑時候之出三十日却沒見則大赦天下安王者壽五峰謂祝融紫蓋天柱石廩芙蓉峰也洞庭及南嶽見前傷雄解朝紆青拖紫拖吐賀反史靖郭君曰嬰子名又為孟嘗君待客坐語而屏風後常有侍史主記君所與客語問親戚居處客去孟嘗君已使使存問獻遺士以此多歸孟嘗君曹植詩惆悵盈懷抱士贊曰江淹詩太谷晦蒼蒼曹植詩何意迴颼舉漢書吳王傳寡人金錢在天下者往往而有禮記有如此者後漢馮衍傳口經歷顯位懷金垂紫史記孟嘗君名又姓田氏卒謚為孟嘗君相齊時封萬戶薛其食客三千人史記虞卿說趙成王一見賜黃金百謚白壁一雙

送趙判官赴黔府中丞叔幕

廓落青雲心，結交黃金盡。富貴翻相忘，令人忽自哂。

贈蹬鬢毛斑，盛時難再還。巨源咄石生，何事馬蹄閒。

綠蘿長不厭，却欲還東山。齊賢曰：楚詞廓落兮羈旅，而無友生戰國策蘇秦說

秦王書十上而說不行，黑貂之裘弊，黃金百斤盡，去時烹伏雌，炊粳飯，今日富貴忘我為海賦，踏蹬窮波

注失勢，貌山濤字巨源，辟河南從事，與石鑒共宿濤

夜起，蹴鑒曰：今為何等時而眠耶？知太傅以何意鑒

曰：宰相三不朝，與尺一令歸第，卿何慮也？濤曰：咄石

生無事，馬蹄閒耶？投傳而去，未二年，果有曹爽事。郭璞詩：綠蘿結高林，謝靈運詩：久欲還東山。注：東山會稽始寧也。士贇曰：史范睢傳：不意君能自致于青雲之上。蘇武詩：結交亦相因。後魏李冲年：四十鬢髮盡。

君為曾曾子，拜揖高堂裏。叔繼趙平原，偏承明主

思。風霜摧獨坐，旌節鎮雄藩。虎士秉金鉞，蛾眉開玉

樽。才高幕下去，義重林中言。水宿五溪月，霜啼三峽

猿。東風春草綠，江上候歸軒。齊賢曰：史記曾參南武城人，字子與，孔子以為

能通孝道，故授之業。作孝經，史記趙勝喜賓客，食客至數千人，是為平原君。後漢官乘拜中丞，光武特詔

中丞與司隸尚書令會同，並專席而坐。京師語曰：三獨坐，唐制節度使辭日賜雙旌，雙節詩云：四國于蕃

四方，于宣離騷，衆女嫉余之蛾眉，嵇康與阮籍向秀劉伶籍，兄子咸，王戎為竹林之遊，世謂竹林七賢。五

溪三峽，見前注。士贇曰：荆州記古歌曰：巴東三峽巫峽長，猿啼三聲斷人腸。陸機詩：置酒高堂，謝靈運詩

水宿淹晨暮。

送陸判官往琵琶峽

水國秋風夜殊非還別時長安如夢裏何日是歸期

王贊曰顏延年詩水國周地險蘓武詩良人遠別離各在天一方

送梁四歸東平

玉壺挈美酒送別強為歡大火南星月長郊北路難

殷王期負鼎汶水起垂竿莫學東山臥參差老謝安

齊賢曰秦子曰玉壺必求其所以盛于將必求其所以用鮑明遠白頭吟清如玉壺冰堯典曰日永星火以正仲夏孔安國云火蒼龍之中星史記伊尹名阿衡欲于湯無由乃為有莘氏媵臣負鼎俎以滋味說湯大公望呂尚東海上人以漁釣于西伯西伯出獵遇于渭之陽漢志泰山郡汝水出萊蕪西南入齊晉

善謝安初高臥東山諸人每相與言安石不起將如蒼生何

江夏送友人

雪點翠雲裘送君黃鶴樓黃鶴振玉羽西飛帝王州

鳳無琅玕實何以贈遠遊徘徊相顧影淚下漢江流

齊賢曰黃鶴樓在鄂州圖經云費文偉得仙駕黃鶴憇此謝眺詩金陵帝王州離騷注傳曰南方有鳥其名曰鳳天為生樹曰瓊枝高百二十仞大三十圍以琅玕為實楚詞云願輕舉而遠遊列子顧若影則知之王贊曰宋玉賦主人之女上翠雲之裘禮記子路去魯謂顏淵曰何以贈我鮑照詩留連徘徊不忍散魏志文帝紀注曰顧影憐形

送郝昂謫巴中

本詩前注

瑤草寒不死移植滄江濱東風灑雨露會入天地春

予若洞庭葉隨波送逐臣思歸未可得書此謝情人

齊賢曰江淹別賦惜瑤草之徒芳楚詞洞庭波兮木

葉下傳殺七激曰閻君逐臣王贊曰謝朓詩迴瞰蒼

江流陳琳檄曰隨波漂流鮑照詩逐

臣對撫心漢書曰願從思歸之士

江夏送張丞

欲別心不忍臨行情更親酒傾無限月客醉幾重春

藉草依流水攀花贈遠人送君從此去迴首泣迷津

齊賢曰天台山賦藉萋萋之芳草蔭落落之長松別

賦送君南浦傷如之何王贊曰潘岳詩欲去復不忍

任昉詩時非不忍別欲以遣離情鮑照詩惆悵憶情

親楚詞臨流水而歎息蘇武詩我有一樽酒欲以贈

遠人毛詩箋曰迴首曰顧

賦得白鷺鷥送宋少府入三峽

白鷺拳一足月明秋水寒人驚遠飛去直向使君灘

齊賢曰使君

漢在峽州

送二季之江東

初發強中作題詩與惠連多慚下日長不及一龍賢

西塞當中路南風欲進船雲峰出遠海帆影挂清川

禹穴藏書地匡山種杏田此行俱有適遲爾早歸旋

齊賢曰謝靈運有登臨海嶠初發強中作與從弟惠

連見羊何共種之謝靈運遊名山記云桂林頂遠則

李詩補註

卷六

三

嶮天疆中論語以吾一日長乎爾謝覽弟與覽齊名
江淹一見並相欽挹白所謂馭二龍于長途者也西
塞山在鄂州袁宏東征賦沿西塞之峻崿陶潛詩夏
雲多奇峰禹穴見前廬山記匡續結廬于山故號匡
廬山董奉居廬山治疾病重者種杏五株輕者一株
號曰董仙杏林謝靈運詩登樓為誰師臨江遲來客
注遲猶思也士贇曰家語顏回問于孔子滅文仲武
仲孰賢孔子曰武仲賢哉曰曰夫文仲其身沒而言
不朽惡未有見孔子曰身沒而言立所以為文仲也
然猶有不仁者三不智者三是不則不及武仲也劉琨
詩中路阻隔謝靈運詩滅迹入雲峰
又三載期歸旋毛詩云言旋言歸

江西送友人之羅浮

桂水分五嶺衡山朝九疑鄉關渺安西流浪將何之
素色愁明湖秋渚晦寒姿疇昔紫芳意已過黃髮期

齊賢曰楚詞桂水芳潺湲登德南康記云大庾嶺一
桂陽中嶺嶺二九真都龍嶺三臨賀嶺嶺四始安
越嶺五裴氏廣州記云大庾始安臨賀桂陽揭陽是
五嶺衡山一名响嘯山宿當軫翼應枕衡故曰衡山
九疑山見三卷唐安西大都護府初治西州後徙治
前昌故地又徙治龜茲而故府復為西州交河郡謝
靈運詩願以黃髮期養生念將老士贇曰鮑照詩流
浪漸冉經三齡忽有白髮素髭生陶潛祭從弟敬遠
文云余嘗學仕纏綿人事流浪無成俱負素志歛策
歸來爾知我意張載詩疇昔懷微志江淹詩終覲紫
芳心李善曰紫芳紫芝也曹植詩曰王其
愛玉體俱享黃髮期尚書云詢茲蕃髮
君王縱疎
散雲壑借巢夷爾去之羅浮我還憇峨眉中闊道萬
里霞月遙相思如尋楚狂子瓊樹有芳枝
齊賢曰太
林道不合辭去詔賜金還山北山移文欺我雲壑巢
父伯夷羅浮峨眉並見前論語楚狂接輿張揖註騷

李言補註 卷之六
曰瓊樹生崑崙西李陵贈蘇武詩思復瓊樹枝以解
長飢渴王贊曰謝眺詩疎散謝公卿蕭條依掾史陸
雲詩永路隔萬里江淹詩
願一見顏色不異瓊樹枝

宣州謝眺樓餞別校書叔雲

一作倍侍御
叔華登樓歌

棄我去者昨日之日不可留亂我心者今日之日多
煩憂長風萬里送秋雁對此可以酣高樓蓬萊文章
建安骨中間小謝又清發俱懷逸興壯思飛欲上青
天覽日月抽刀斷水水更流舉杯銷愁愁更愁
人生一作男兒在世不稱意明朝散髮弄扁舟一作舉棹
還滄州齊
賢曰孔安國曰樂酒曰酣蓬萊指校書也後漢學者
稱東觀為老氏藏室道家蓬萊山建安未鄴中有魏

太子王粲陳琳徐幹劉楨應瑒阮瑀平原族植等詩
文皆入文選故曰建安骨也謝靈運子鳳字超宗作
殷叔儀誅帝大差賞曰超宗殊有鳳毛族弟惠連十
歲能屬文靈運嘉賞之云每有篇章對惠連輒得佳
語謝眺字玄暉緯之子少學有美名善草隸長五言
詩沈約嘗云二百年來無此詩也王贊曰成公綏嘯
賦集長風乎萬里陸機詩長風萬里舉五臣選曹植
詩絃歌蕩思誰與銷愁古詩齊心同所願含意俱未
仲人生寄一世奄忽若飄塵鮑照詩男兒生世間輒
軻欲何道范曄後漢書曰袁宏散髮絕世鍾會遺榮
賦散髮抽簪
永絕一作合

宣城送劉副使入秦

君即劉越石雄豪冠當時淒清橫吹曲慷慨扶風詞
虎嘯俟騰躍雞鳴遭亂離千金市駿馬萬里逐王師

結交樓煩將侍從羽林兒統兵捍吳越豺虎不敢窺

大勲竟莫叙已過秋風吹齊賢曰晉書劉琨字越石少得雋朗之目與范陽祖

約俱以雄豪著名元嘉元年為并州刺史在晉陽嘗為胡騎所圍數重城中窘迫無計琨乃乘月登樓清

嘯賊聞之皆憐然長歎中夜奏胡笳賦又流涕歔歔向曉復吹之賊並棄圍而走橫吹見三卷劉琨有扶

風歌祖逖與琨俱為司州主簿共被同寢中夜聞荒雞鳴蹴琨覺曰此非惡聲也因起舞戰國策郭隗謂

燕昭王曰古之君人有以千金求千里馬者三年不能得滄人請求之君遣之三月得千里馬已死買

其首五百金反以報君不期年千里之馬至者三史項羽絕漢有善射者樓煩楚挑戰三合樓煩輒射殺

之應劭曰樓煩胡也今樓煩縣漢百官公卿表武帝太初元年初置建章營騎後更名羽林騎又取從軍

死事之子孫養羽林官教以五兵號曰羽林孤兒士贊曰劉越石扶風歌曰去家日已遠安知存與亡懷

慨窮林中抱膝自摧藏張衡思玄賦超踰騰躍絕俗王褒頌曰故世必有聖智之君然後有賢明之臣

虎嘯而生谷風龍興而致雲氣雞鳴雖本傳事然對偶則祖陸機詩云虎嘯深谷底雞鳴高樹巔淮南子

曰人主有伐國之志邑大羣隼衆雞夜鳴晉載記曰雞夜鳴者不利干行師毛詩亂離瘼矣王粲詩西京

亂無象豺虎方構患秉鉞有季公凜然負英姿寄深且戎幕望

重必台司感激一然諾縱橫兩無疑伏奏歸北闕鳴

騶忽西馳列將咸出祖英寮惜分離斗酒滿四筵歌

嘯宛溪湄君攜東山妓我詠北門詩貴賤交不易恐

傷中園葵齊賢曰書左杖黃鉞右秉白旄戎幕將幕也羊祐表云恩詔拔臣使同台司注台司

三公也曹植詩季布重然諾漢書貫高趙國立各義不侵為然諾者也史記太史公曰夫言縱衡強秦者

李詩補注

大抵皆三晉之人蕭何立東關北關北山移文鳴騶
 入俗如淳漢書注騶馬以給騶使乘之崔寔四民月
 令曰祖道神也黃帝之子好遠遊死于道路故祀以
 為道神以求道路之福毛詩仲山甫出祖陸納以斗
 酒與桓温別事見前宛溪隸宣州晉書謝安寓居會
 稽雖放情丘壑然每遊賞必以妓女從毛詩北門刺
 仕不得志也言衛之忠臣不得其志爾古詩採葵莫
 傷根結交莫羞貧傷根葵不生羞貧交不成士贊曰
 詩曰其嘯也歌左思詩何事待嘯歌灌木自昔贈紫
 悲吟漢鄭當時傳曰一貴一賤交情乃見

騶駒今傾白玉卮同歡萬斛酒未足解相思此別又

千里一作此外秦吳渺天涯月明關山苦水劇隴頭

悲借問幾時還春風入黃池無令長相思折斷綠楊

枝齊賢曰毛詩有駟有駘注赤身黑鬣曰駟韓非子云棠谿公見昭侯曰人有白玉卮而無當有瓦卮

而有當君將何以飲曰以瓦卮棠谿公曰白玉卮美而君不以飲以其無當即為人主而漏泄其羣臣之語譬王卮之無當王褒燕歌行無復漢地關山月惟
 有漠北薊城雲史記吳泰伯世家云吳王北會諸侯于黃池古詩上言長相思下言久離別
 蘇武詩曰生當復來歸死當長相思

涇川送族弟錡

涇川三百里若耶羞見之錦石照碧山兩邊白鷺鷥

佳境千萬曲客行無歇時上有琴高水下有陵陽祠

仙人不見我明月空相知問我何事來盧敖結幽期

齊賢曰涇縣在宣州西一百五里若耶溪隸越州徐浩遊之曰曾子不居勝毋之門吾豈遊若耶之溪改為五雲溪顧愷之啖蔗自尾至頭曰漸入佳境宣州有琴高山琴溪即琴高控鯉之地陵陽山竇子明得

仙及盧敖蓬山振雄筆繡服揮清詞江湖發秀色草

木含榮滋置酒送惠連吾家稱白眉愧無海嶠作敢

闕河梁詩見爾復幾朝俄然告將離齊賢曰後漢學

山謝惠連靈運族弟馬良眉有白毫于兄弟中最良

靈運登臨海嶠與族弟惠連詩與子別山阿含駿赴

修軫中流袂就判欲去情不忍又云欲折一生歡并

奔千里遊李少卿與蘇武詩攜手上河梁遊子暮何

之徘徊蹊路側惆悵不得辭士贇曰後漢竇章傳草

少好學有文章是時學者稱東觀為老氏藏室道家

蓬萊山太僕鄧康遂薦章入東觀為校書郎中流漾

陸機詩秀色若何餐張景陽詩秋草含綠滋

綠鷁列岍叢金羈歎息蒼梧鳳分棲瓊樹枝清農各

飛去飄落天南垂望極落日盡秋深暝猿悲寄情與

流水但有長相思齊賢曰鷁水鳥午的及畫船頭

鳳皇之性非梧桐不棲廣記曰南海人以刺桐為蒼

梧因以名郡梧州惟城外有三四株憔悴不榮未嘗

開花瓊樹枝見前垂邊也漢書表周匝三垂顏

師古曰三垂謂非東南也沈約詩清晨戲伊水

五松山送殷淑

秀色發江左風流奈若何仲文了不還獨立揚清波

載酒五松山積然白雲歌中天度落月萬里遙相遇

撫酒惜此月流光畏蹉跎明日別離去連峰鬱嵯峨

齊賢曰張衡七辯曰淑性窈窕秀色美艷樂府詩秀色若可餐史記項王曰為詩曰虞兮虞兮奈若何殺仲文少有才藻美容貌謝靈運嘗曰若殷仲文讀書半素豹則文才不減班固五松山在宣州南陵楊雄

李詩補註 卷十八
贊曰雄家素貧嗜酒人希至其門時有好事者載酒
肴從遊學仙傳拾遺曰王毋謠曰白雲在天道里悠
遠山川問之將子無死尚能復來楚詞驥垂兩耳中
坂蹉跎王贊曰晉王湛傳論曰朝野挹其風流淮南
子曰卓然獨立魏文帝詩明月照高樓流光正徘徊
阮籍詩娛樂未終極白日忽蹉跎晉衛恒論書曰山
嶽嗟峨而連岡

送崔氏昆季之金陵

放一作吳歌倚東樓行子期曉發秋風渡江來吹落山
上月主人出美酒滅燭延清光一崔向金陵安得不
盡觴水客弄歸棹雲帆卷輕霜扁舟敬亭下五兩先
飄揚峽石入冰花碧流日更長思君無歲月西笑阻

河梁

齊賢曰金陵敬亭並見前郭璞江賦覘五兩之
旗取羽繫其顛立軍營中許慎淮南子注曰隗候風
也隗音柏楚人謂之五兩李陵詩携手上河梁土贊
曰鮑照詩行子心腸斷謝眺詩開軒滅華燭月露皓
已盈沈約詩清光信悠哉後漢馬融廣成頌曰然後
方餘艦連舳舟張雲帆
施蛻蟻西笑事見前

登黃山凌鼓臺送族弟溧陽尉濟充泛舟赴華

陰當余主

鸞乃鳳之族翱翔紫雲霓文章輝五色雙在瓊樹棲
一朝各飛去鳳與鸞俱啼炎赫五月中朱曦爍河堤
爾從泛舟役使我心魂悽齊賢曰山海經女牀之上
有鳥狀如翟五彩畢備聲

似雉而尾長名為鸞瑞應圖鸞者鳳凰之佐離騷云
飄風屯其相離兮帥雲霓而來御左傳秦婦晉粟自
雍及絳命曰汎舟之後士贊曰楚詞衆鳥皆有行列
兮鳳獨翱翔而無所薄郭璞詩朱曦將由白江文通
詩何用秦地無草木南雲喧鼓鼙君王減玉膳早起
苦心魂

思鳴雞漕引救關輔疲人免塗泥宰相作霖雨農夫

得耕犁靜者伏草間羣才滿金閨空乎無壯士窮居

使人低齊賢曰左傳野無青草毛詩雞既鳴矣朝既

京師飢帝將幸東都召問所以救人者耀卿曰陛下

既東巡百司畢從則太倉三輔可遣重臣分道賑給

事茂不濟且國家大木在京師但秦地狹水旱易匱

度寢廣漕運數倍且不支臣願廣夾運道使京師常

有三年食雖水旱不足憂天子然之拜黃門侍郎

中書門下平奇事充轉運使于是置河陰集津三門

倉引天下租由孟津汧河而西三年積七百萬石省

運費三十萬緡左傳絳縣老人辱在塗泥說命則汝

作霖雨江淹別賦金閨之諸彦金閨金馬門也謝朓

詩既通金閨籍士贊曰南史沈文秀傳曰逃命草間

陶潛詩念送君登黃山長蕭倚上一作天梯小卅若鳥

彼窮居士

鴈木舟若鯨鯢開帆散長風舒卷與雲齊日入牛渚

晦蒼然夕烟迷相思在何許一作杳在洛陽西齊賢

白自注時在當塗即今之太平也黃山在城北凌波

李詩補註

送儲邕人之武昌

黃鶴西樓月長江萬里情春風三十度空憶武昌城
送爾難為別銜杯惜未傾湖連張樂地山逐泛舟行
諾謂楚人重詩傳謝眺清滄浪吾有曲寄入棹歌聲

齊賢曰黃鶴樓見前孫權破關羽自公安徙都鄂改名武昌今鄂州之東百二十里武昌縣即權故宮與黃州相對劉伶酒德頌銜杯刺膠莊子北門成問于黃帝曰帝張咸池之樂于洞庭之野吾聞之俱復聞之急謝朓詩洞庭張樂地瀟湘帝子遊季布傳曹丘生口楚人諺曰得黃金百斤不如季布一諾屈原漁父歌曰滄浪之水清兮可以濯我纓士贊曰史記未嘗銜杯酒接慙慙之歡郭璞漢江賦歎漁父之擢歌

分類補註李太白詩卷之十九

明長洲許自昌玄祐甫校

酬答

酬談少府 襄漢

一尉居條忽梅生有仙骨三事或可羞匈奴哂千秋

壯心屈黃綬浪跡寄滄洲昨觀荆峴作如從雲漢遊

老夫當暮矣蹀足懼驩駟 齊賢曰漢書東南一尉西

仙事見前毛詩三車大夫注謂三公漢田千秋為高寢郎衛太子為江充所譖敗久之千秋訟太子寃上大感懼立拜為大鴻臚數月代劉屈氂為丞相後漢使壘匈奴單于問曰聞漢新拜丞相何用得之使者

自以上書言事故單于曰苟如是漢置丞相非用賢也妄一男子上書即得之矣後漢輿服志四百石三百二百石黃綬唐襄州襄陽郡襄陽縣有峴山南漳縣本荆山縣有荆山左傳老夫耄矣淮南子足蹠陽阿之舞士贊曰楚詞倏而來兮忽而逝詩云倬彼雲漢曹顏遠圍碁賦良馬蹠足顏延年赭白馬賦望朔雲而蹠足

訓宇文少府見贈桃竹書筒

桃竹書筒綺繡文良工巧妙稱絕群靈心圓映三江月彩質疊成五色雲中藏寶訣峨眉去千里提携長

憶君

齊賢曰梁簡文書云五離九折出桃枝之翠笋即桃枝竹也出巴俞間三江及峨眉山事見前

五色器具而不用其下有賢人隱矣魏文帝詩曰上天垂光彩五色一何鮮禮記長者與之提携

五月東魯行答汶上君

五月梅始

一作黃蠶周桑柘空魯人重織作機杼鳴

簾櫳顧余不及仕學劍來山東舉鞭訪前途獲笑汶

上翁下愚忽壯士未足論窮通

齊賢曰史記項籍少時學書不成去學劍

山簡傳輿鞭向葛疆漢志太山郡汶水出萊蕪入濟論語如有復我者則吾必在汶上矣士贊曰東漢書班超曰小子安知壯士之志哉古詩軋軋弄機杼易曰窮則變變則通通則久我以一箭書能取聊城功終然不受賞羞與時人同西歸去直道落日昏陰虹此一作去爾勿言其心如轉蓬齊賢曰

田單攻聊城歲餘不下魯仲連乃為書矢以射城中遺燕將燕將見書泣三日乃自殺聊城亂田單遂屠聊城歸而言仲連欲爵之魯仲連逃隱於海上曰吾與富貴而詘於人寧貧賤而輕世肆志馬左思詩功成不受賞說文霓屈虹青赤或白色陰氣也白意指林甫國忠輩昏蔽其君士贊曰論語直道而行曹植詩轉蓬離本根飄颻隨長風

早秋單父南樓酬竇公衡

白露見日滅紅顏隨霜凋別君若俯仰春芳辭秋條泰山嵯峨夏雲在疑是白波漲東海散為飛雨川上來遙帷却卷清浮埃知君獨坐青軒下此時結念同所懷我閉南樓看道書幽簾清寂在仙居曾無好事

來相訪賴爾高文一起予

齊賢曰王康琚詩疑玉霜朱頰列子鍾子期曰峩峩

兮若泰山揚雄傳贊時有好事者載酒肴從游學江淹詩高文一何綺論語起予者商也士贊曰古樂府朝露待日晞張協詩白露中夜結木落柯條森南史王儉傳曰秋葉辭條陶潛詩夏雲多奇峰莊子白波

山中問答

問余何意

一作事

栖碧山笑而不答心自閑桃花流水

窅然去別有天地非人間

齊賢曰蜀志人問諸葛亮之志亮抱膝笑而不答陶

潛桃源記太康中武陵人捕魚溪行忽逢桃花林夾岸數百步林盡水源見山山有小口舍舟而入屋舍連接人見漁者大驚為設酒食曰吾先世避秦遂與外隔士贊曰列子曰仲尼笑而不答莊子知北遊適

遭無為謂而問焉三問而無為謂不答也
非不答也不知答也又窅然喪其天下焉

答友人贈烏紗帽

領得烏紗帽全勝白接羅山人不照鏡稚子道相宜

王贊曰楚詞山中人兮芳杜若

陶潛詩大歡止稚子接離見前

訓張司馬贈墨

上黨碧松煙夷陵丹砂末蘭麝凝珍墨精光乃堪掇

黃頭奴子雙鴉鬟錦囊養之懷袖間今日贈余蘭亭

去興來灑筆會稽山齊賢曰唐潞州上黨郡貢墨峽

拾也錦囊事見前越州會稽郡山陰縣有蘭渚渚有亭王羲之被襖處士贊曰漢書枚乘傳曰追羽林黃

頭樂武帝酒中之水歌珊瑚掛鏡爛生光
平頭奴子擎履箱班婕妤詩出入君懷袖

答湖州迦葉司馬問自是何人

青蓮居士謫仙人酒肆藏名三十春湖州司馬何須

問金粟如來是後身齊賢曰青蓮居士太白自號也
唐志上州別駕長史司馬各一

人發迹經曰淨名大士是古金粟如來
頭陀寺碑辭曰金粟來儀文殊戾止

答長安崔少府叔封遊終南翠微寺太宗皇帝

金沙泉見寄

河伯見海若傲然誇秋水小物昧遠圖寧知通方士

多君紫霄意獨往蒼山裏地古寒雲深巖高長風起

齊賢曰莊子秋水時至百川灌河涇流之大兩涘渚
涯之闊不辨牛馬於是馬河伯欣然自喜以天下之
美為盡在已順流而東行至於北海東面而視不見
水端於是馬河伯始旋其面目望洋向若而歎曰野
語有之曰聞道百以為莫已若者我之謂也吾長見
笑於大方之家北海若曰井蛙不可以語於海者拘
於虛也夏蟲不可以語於冰者篤於時也曲士不可
以語於道者束於教也今爾出於涯涘觀於大海乃
知爾醜梁簡文賦升紫霄之丹地排玉殿之金扉士
贊曰晉何曾傳武帝每延羣臣多說平生事未嘗及
經國遠圖袁淑詩嗟此務遠圖淮南王莊子要略
曰江海之士山谷之人輕天下細萬物而獨往 初

登翠微嶺復憇金沙泉踐苔朝霜滑弄波夕月圓飲

彼石下流結蘿宿溪煙鼎湖夢淥水龍駕空一作何茫

然早行子午關一作作間卻登山路遠一作作却嘆山路

遠拂琴聽霜猿滅燭乃星飯人煙無明異鳥道絕往

返齊賢曰貞觀十二年終南大淨改為翠微宮金

運詩乘月弄潺湲鼎湖夢指太宇也事見三卷漢書

王莽開子午道因置子午關王贊曰長安志載翠微

宮在萬年縣外終南山上謝瞻詩開軒滅華燭攀厓

沈約愍塗賦云依雲邊以知國極鳥道以瞻家攀厓

倒青天一作下視白日晚既過一作石門隱還唱一作石

潭歌涉雪塞紫芳一作採濯纓想一作清波此人不可

可見此地君自過為余謝風泉其如幽意何齊賢曰

二子路宿于石門在魯謝靈運登石門在越王逸注

楚詞搴採取也屈原漁父曰滄浪之水清兮可以濯

我纓士贊曰莊子其下視也亦若是則已矣江淹詩

終覲紫芳心李善曰紫蘭也晉書宋纖傳各可聞而

李詩集注 卷九 五

身不可見

贈李十二左司郎中崔宗之

涼秋八月白露空園亭耿耿意不暢一作風

葉聲思見雄俊士共話今古情李侯忽來儀把袂苦

不早清論既抵掌玄談又絕倒分明楚漢事歷歷王

霸道齊賢曰梢所交切書鳳皇來儀戰國策蘇秦說趙王抵掌而言晉王澄聞衛玠言輒嘆息絕倒

人曰衛玠談道平子絕倒士贇曰詩云白露為霜鮑照詩秋風八月清露潤綺羅毛詩耿耿不寐謝朓詩梢梢枝早勁爾雅梢梢擢也郭璞曰謂木無枝柯梢擢長而殺也漢書表云總帥雄俊列子五情好惡

古猶今也後漢書孔公緒清談高論噓枯吹生左思蜀都賦曰劇談戲論扼腕抵掌晉書云裴遐善言玄

理嘗與河南郭象談論一座嘆服前漢元帝紀宣帝曰漢家自有制度本以霸王道雜之荀子王伯篇道

王者之法與王者之人為之則王道道伯者之法與伯者之人為之則伯道

擔囊無俗物

訪古千里餘袖有七首劍懷中茂陵書雙眸光照入

詞賦凌子虛酌酒絃素琴霜氣正凝潔平生心中事

今日為君說我家有別業寄在嵩之陽明月出高岑

清溪澄素光雲散牕戶靜風吹松桂香子若同斯遊

千載不相忘齊賢曰蘇秦而歸負書檐橐注橐橐也

夫人七首司馬相如既病免家居茂陵天子曰相如病甚可往從悉取其書使所忠往而相如已死妻曰

長卿時時著書人又取去長卿未死時為一卷書有使來求書奏之其遺札書言封禪事初上讀子虛賦

李詩集卷九

又結汗漫期九垓遠相待舉身懸蓬壺濯足

弄滄海從此凌倒景一去無時還朝遊明光宮暮入

閶闔關但得長把袂何必嵩丘山齊賢曰淮南子若

汗漫期於九垓之外孟子曰濁斯濯足漢武帝起明

光宮元后傳王商嘗病暑從上借明光宮淮南子排

閶闔關天門注云閶闔始升天之門上帝所居紫微

宮門也列仙傳王子喬好吹笙浮丘公接以上嵩山

士贊曰左思詩被褐出閶闔高步追許由振衣千仞

岡濯足萬里流滄海見前沈約詩一舉凌倒景無事

適華嵩潘岳懷舊賦不歷

嵩丘之山者九年于茲矣

以詩代書答元丹丘

青鳥一作海上來今朝發何處口銜雲錦字一作與

我忽飛去鳥去凌紫煙書留綺窻前開緘方一作

笑乃是故人傳故人深相勗憶我勞心曲離居在咸

陽三見秦草綠置書雙袂間引領不暫閑長望一作

杳難見浮雲橫遠山齊賢曰相如大人賦云西王母

有三足鳥為之使張揖曰三足鳥三足青鳥為西王

母取食在崑崙之北南史鄧郁隱居衡山三十餘載

魏夫人忽乘雲而至謂郁曰君有仙分故來相尋天

蓋十四年忽見二青鳥如鶴大鼓翼鳴舞移晷方去

謂弟子曰青鳥既來期會至矣無病而終古樂府云

中有尺素書白鴻頌曰茲亦耿介矯翮紫烟後漢書

梁冀第舍牕牖皆有綺疏潘岳詩明月入綺窻尚書

蕩析離君禮記離羣索居唐京兆府咸陽縣秦都也

左傳穆侯謂晉侯曰引領西望曰庶幾乎士贊曰漢

書薛宣傳曰一笑相樂斯亦可矣史范睢曰絺袍繆

懸有故人之意詩云亂我心曲陶潛詩清謠結心曲
古詩同心而離居又引領遙相聯劉琨詩浮雲為我
結

金門答蘇秀才

君還石門日朱火始改木春草如有情山中尚含綠
折芳愧遙憶永路當自最遠見故人心平生以此足

齊賢曰石門見前語鑽燧改火左傳季春出火則改
木張茂先詩朱火青無光楚詞折芳馨兮遺所思士
贊曰陸雲詩永路隔萬里巨海納百川麟閣多才賢

沈休文詩寸心於此足

獻書入金闕酌醴奉瓊筵屢忝白雲唱恭聞黃竹篇
恩光照拙薄雲漢希騰遷銘鼎倘云遂扁舟方渺然

齊賢曰尚書大傳百川趨于海漢宮室疏蕭何造麟
閣以藏祕書賢才謝玄暉詩復酌瓊筵醴袁宏夜
酣賦開金扉坐瓊筵列子穆王賓于西王母鴈于
池之上王母為王謠詩名白雲王和之穆天子傳曰
天子休于回中大寒北風雨雪天子作詩三章以哀
人乃宿于黃竹祭統曰鼎有銘銘者自名也自名以
稱揚先祖之美而明著之後世者也扁舟言功成名
遂身退如范蠡扁舟泛五湖也士贊曰淮南子曰百
川異源皆歸于海江淹上書曰願大王惠以恩光顧
以顏色舊唐書長孫無忌傳詔曰自古皇王褒崇勲
德既銘功于鍾鼎我留在金門君去臥丹壑未果三

又圖形于丹青

山期遙欣一丘樂玄珠寄象罔赤水非寥廓願狎東

海鷗共營西山藥栖巖君寂滅處士余龍蠖良辰不

綠條隔岫窺紅葉

齊賢曰沈休文詩銳意三山上漢書蓬萊方丈瀛洲此三神山者仙

人在焉莊子黃帝遊乎赤水之北還歸遺其玄珠使知索之而不得使離朱索之而不得使契詭索之而不得乃使象罔象罔得之司馬相如大人賦云上寥廓而無天列子海上之人有好鷗鳥者每旦之海上從鷗鳥游鷗鳥之至百住而不上沈休文詩若蒙西山藥頰齡倘能度傳燈錄釋迦無常偈曰生滅滅已寂滅為樂繫辭曰尺蠖之屈以求伸也龍蛇之蟄以存身也謝靈運擬鄴中集詩序云良辰美景賞心樂事士贊曰三輔黃圖金馬門武帝得大宛馬以銅鑄馬立於司馬門因為名東方朔主父偃嚴安徐樂皆待詔金馬門漢書班固叙傳漁釣於一壑則萬物不好其志樞遲於一丘則天下不易其樂毛詩云且以喜樂且採薇行笑歌眷我情何已月出石鏡閣松以永日
鳴風琴裏得心自虛妙外物空頽靡身世如兩忘從

君老煙水

齊賢曰史記伯夷叔齊隱于首陽山作歌曰登彼西山兮採其薇矣石鏡見前鮑明

遠詩身世兩相棄王贊曰莊子波流頽靡又日與其譽堯而非桀也不若兩忘而化其道

訓坊州王司馬與闍正字對雪見贈

陝右


遊子東南來自宛適京國飄然無心雲倏忽復西北

訪戴昔未偶尋粘此相得愁顏發新懽終宴叙前識

齊賢曰陶潛歸去來辭雲無心而出岫王子猷雪夜訪戴安道事見前晉書嵇康會稽上虞人東平呂安服康高致每一相思輒千里命駕士贊曰古詩遊子不顧返魏文帝詩西北有浮雲曹植詩倏忽北徂

闍公漢庭舊沉鬱富才力價重銅龍樓聲高重門側

寧期此相遇華館陪遊息積雪明遠峰寒城鎖春色



主人蒼生望假我青雲翼風水如見資投竿佐皇極

齊賢曰史記上召田叔與詔漢庭臣無能出其右者前漢太子宮有銅龍樓陸厥詩又出銅龍門易曰重門擊柝晉書安石不起將如蒼生何洪範五皇極士贊曰北史袁翻傳曰田叔魏尚聲高于沙漠史范睢傳曰能自致青雲之上莊子曰任公子投竿東海旦旦而釣

訓中都小吏攜斗酒雙魚於逆旅見贈

魯酒若琥珀一作琥珀色汶魚紫錦鱗山東豪吏有俊氣

手攜一作持此物贈遠人意氣相傾兩相顧斗酒雙魚

表情素雙鯢呀呷鱗鬣張躑躅刺銀盤欲飛去呼兒拂

机霜刃揮紅肥花落白雪霏為君下筋一作餐飽

醉著金鞍上馬歸齊賢曰莊子魯酒薄而邯鄲圍漢衣牢國出琥珀注松暗入地千年

為茯苓茯苓千年為琥珀汶水出泰山萊蕪縣海賦猶尚呀呷餘波獨湧又巨鱗插雲鬣刺天晉書何曾曰食萬錢猶曰無下筋處白馬行白馬黃金鞍士贊曰蘇武詩我有一樽酒欲以贈遠人東漢何顯傳贊蘭猶無並銷長相傾古詩斗酒相娛樂鮑照詩執君手把君酒意氣相傾死何有漢書鄒陽傳披心腹見情素韻會徐曰魚跳躑刺躑北末切刺郎達切

訓張卿夜宿南陵見贈

月出魯城東明如天上雪魯女驚莎雞鳴雞應秋節

當君相思夜火落金風高河漢掛戶牖欲濟無輕舠

齊賢曰七月詩莎雞振羽火落大火酉流也說文舠小船也士贊曰毛詩月出之光梁元帝纂要曰秋曰

不以千里遥命駕來相招中逢元丹丘登嶺宴碧霄

對酒忽思我長嘯臨清飈齊賢曰鄂州有黃鶴樓因得仙駕鶴憇此張景陽詩沈憂結心曲毛詩亂我心

得仙駕鶴憇此張景陽詩沈憂結心曲毛詩亂我心曲世說呂安思嵇康千里命駕楚詞云臨深淵而長

嘯士贊曰陸機詩寒予未相知茫茫綠雲垂俄然素

書及解此長渴饑策馬望山月途窮造階墀喜茲一

會面若覩瓊樹枝憶君我遠來我歡方速至開顏酌

美酒樂極忽成醉我情既不淺君意方亦深相知兩

相得一顧輕千金且向山客笑與君論素心齊賢曰離騷書

吾法夫前修兮非世俗之所服注寒難也文選寒作

楚成王夫人成王登臺子晉不顧曰顧與汝千金晉

遂行不顧曹植詩一顧千金重何必珠與璣士贊曰

鮑照詩垂綵綠雲中魏文帝詩策我良馬又會面安

答從弟幼成過西園見贈

一身自瀟灑萬物何囂誼拙薄謝明時棲閑歸故園

二季過舊壑四鄰馳華軒衣劍照松宇賓徒光石門

山童薦珍果野老開芳樽上陳樵漁事下叙農圃言

昨來荷花滿今見蘭苕繁一笑復一歌不知夕景昏

醉罷同所樂此情難具陳齊賢曰鄭玄禮記注曰聞

誼囂則人意動作呂刑曰

伯父伯兄仲叔季弟孔安國曰伯仲叔季順少長也
論語吾不如老農吾不如老圃靈運詩蘭若已屢摘
王贊曰北山移文瀟灑出塵之想尚書睦乃四鄰陶
潛詩餞送傾皇朝華軒盈道路晉先逸傳論曰劉畢
芳樽之友漢薛宣傳一笑
相樂古詩歡樂難具陳

訓王補闕惠翼莊廟宋丞泚贈別

學道三千春自言義和人軒蓋宛若夢雲松長相親

偶將三公合復與三山鄰喜結海上契自為天外賓

鸞翮我先鏃龍性君莫馴齊賢曰孔安國注堯典曰重黎之後義氏和氏世掌

天地四時之官南史陶潛嘗言五六月北窗下卧遇涼風暫至自謂是羲皇上人說苑翟璜乘車戴華蓋田子方怪而問之曰吾祿厚得此軒蓋齊宗測答豫章玉疑曰性同鱗羽愛止山壑眷戀松雲輕迷人路

願延年秘中散詩寫翮有時鏃龍性誰能馴淮南子曰飛鳥鏃羽許慎曰鏃殘羽也左氏傳曰劉累學擾龍于秦龍氏服虔注擾馴也王贊曰史封禪書曰燕齊海上之方士又曰蓬萊方丈瀛洲此三神山者其傳在渤海中去人不遠諸仙人及不死之藥皆在焉沈約詩氣與三山壯朴散不向古時

訛皆失真勿踏荒溪波竭來浩然津薛帶何辭楚桃

源堪避秦世迫且離別心在期隱淪訓贈非烟誠永

言銘佩紳齊賢曰文中子賈瓊曰淳漓朴散其可歸乎楚詞被薜荔兮帶女蘿陶潛桃花源記

事見二卷桓譚新論天下神人五一曰神仙二曰隱淪鮑照詩孤賤長隱論語子張書諸紳士贊曰楞嚴經曰云何汝今以動為身以動為境從始汨終念念生滅遺失真性顛倒行事性心失真認物為已輪迴是中自取流轉張載詩竭來戒不虞陳子昂集曰世議迫阨不容其高書舜典曰歌永言何敬祖詩永言



訓表侍御對雨感時見贈 金陵

雨色秋來寒風嚴清江爽孤高繡衣人瀟灑青霞賞
平生多感激忠義非外獎禍連積怨生事及徂川往
楚邦有壯士鄢郢翻埽蕩申包哭秦庭泣血將安仰
鞭屍辱已及堂上羅宿莽頗似今之人蠹賊陷忠讜
渺然一水隔何由稅歸鞅日夕聽猿怨懷賢盈夢想

齊賢曰漢書表侍御史有繡衣直指恨賦鬱青霞之
奇意曹毗臨園賦青霞曳于前阿伍子胥傳吳王闔
閭悉興師與唐蔡伐楚將子常敗走奔鄭吳乘勝而
前五戰遂入郢昭王出奔吳師入郢子胥掘楚平王

墓出其尸鞭之三百然後已申包胥求救于秦秦哀
許包胥立於秦廷晝夜哭七日七夜不絕其聲秦哀
公憐之遣車五百乘救楚敗吳于稷昭王復入郢檀
弓曰泰山其頽吾將安仰毛詩去其頽膳及其蝨賊
注食心曰頽食葉曰膳食根曰蝨食節曰賊謝朓詩
行矣倦路長無由稅歸鞅說文鞅頸組又曰柔革左
思詩夢想騁良圖士贊曰孔稚圭北山移文瀟灑出
塵之想江淹詩青霞結桂旗晉祖逖傳遇時屯而感
激因世亂以驅馳曹植詩功名不可為忠義我所安
陸機詩客心非外獎楚詞夕攬洲之宿莽音雖不同
詩人叶音無所不可古詩盈盈一水間脉脉不得語
葛龔與梁相張府君書曰悠悠夢想願飛無翼稅他
活切說文稅或作稅即孟
孟子不稅冕而行之義

贈李十二 士贊曰此詩乃攝監察御史
崔成甫贈太白者附見于此

我是瀟湘放逐臣君辭明主漢江濱天外常求太白



老金陵捉得酒仙人

齊賢曰晉志太白降為壯夫處于林麓士贊曰傳毅七激曰閻

君逐臣頑父放子

訓崔侍御

嚴陵不從萬乘遊歸卧空山釣碧流自是客星辭帝

座元非太白醉揚州

齊賢曰嚴子陵以足加帝腹感

兼瓊領西川嘗令搜訪道術士有一鬻酒者不急于利每有紗帽藜杖四人來飲酒至數斗積至十餘石即併還之其言愛說孫思邈或報章仇公公專令探問忽一日又來公遂潛往從者三四人公至前躍出再拜自稱姓名相顧徐起唯柴燼四枚在座前不復見矣時玄宗好道公奏其事詔召孫問之曰此太白酒星仙仙格絕高每遊人間飲酒處處皆至尤樂蜀中

翫月金陵城西孫楚酒樓達曙歌吹日晚乘醉

著紫綺裘烏紗巾與酒客數人掉歌秦淮往石

頭訪崔四侍御

昨翫西城月青天垂玉鈎朝沽金陵酒歌吹孫楚樓

忽憶繡衣人乘船往石頭草裏烏紗巾倒被紫綺裘

兩岬拍手笑疑是王子猷酒客十數公崩騰醉中流

謔浪棹海客喧呼傲陽侯

齊賢曰鮑照詩玉鈎隔瑣窗孫權治建鄴作石頭城

古詩曰緝綺為下裳紫綺為上襦王子猷雪夜訪戴逵事見前毛詩謔浪笑傲江賦陽侯遜形乎大波高誘淮南子注曰陽國侯溺死于水其神能為大波士贊曰東漢袁紹傳注拍手大笑喜其言之中也晉祖

述中流擊楫淮南子曰武王渡于孟津陽侯之波逆流而擊

半道逢吳姬卷簾出

椰揄我憶君到此不知狂與羞一月一見君三杯便

迴橈捨舟共連袂行上南渡橋興發歌綠水秦客爲

之謳雞鳴復相招清宴逸雲霄贈我數百字字字凌

風颺繫之衣表上相憶每長謠齊賢曰漢書光武令王霸至薊市中募人

將擊王郎市中人皆大笑舉手椰揄之士贊曰毛詩一月三捷周禮三歲一見宋王敬弘傳子孫歲中不過一再見毛詩雞既鳴矣清宴字祖出漢書

劉向傳願賜清燕之間晁詩引領長謠

江上答崔宣城

太華三芙蓉明星玉女峰尋仙下西嶽陶令忽相逢

問我將何事湍波歷幾重貂裘非季子鶴氅似王

謬忝燕臺召而陪郭隗蹤水流知入海雲去或從龍

樹繞蘆洲月山鳴鵲鎮鐘還期如可訪台嶺陰長松

齊賢曰陶潛爲彭澤令晉王恭美姿儀嘗披鶴氅裘涉雪而行孟昶見之曰此真神仙中人也庾仲雍江

圖曰蘆洲至樊口三十里唐志宣州南陵縣有鵲頭鎮天台賦蔭落落之長松士贊曰太華三芙蓉明星

玉女峰蘇季子黑貂之裘弊燕昭王築臺師郭隗事並見前

答族姪僧中孚贈玉泉仙人掌茶

余聞荊州玉泉寺近清溪諸山山洞徃徃有乳窟

窟中多玉泉交流其中有白蝙蝠大如鴉按仙經

蝙蝠一名仙鼠千歲之後體白如雪棲則倒懸蓋
飲乳水而長生也其水邊處處有茗草羅生枝葉
如碧玉唯玉泉真公常來而飲之年八十餘歲顏
色如桃李而此茗清香滑熟異於他者所以能還
童振枯扶入壽也余遊金陵見宋僧中李示余茶
數十片拳然重疊其狀如手號為仙人掌茶蓋新
出乎玉泉之山曠古未覲因持之見遺兼贈詩要
余答之遂有此作後之高僧太隱知仙人掌茶發
乎中李禪子及青蓮居士李白也

常聞玉泉山山洞多乳窟仙鼠如白鴉倒懸清溪月
茗生此中石玉泉流不歇根柯洒芳津採服潤肌骨
叢老卷綠葉枝枝相接連曝成仙人掌似拍洪崖肩
舉世未見之其名定誰傳宗英乃禪伯投贈有佳篇
青鏡燭無鹽顧慙西子妍朝坐有餘興長吟播諸
齊賢曰抱朴子曰千歲蝙蝠色如雪集則倒懸腦重故也郭璞詩左挹浮丘袖右拍洪崖肩新序無鹽濟之醜女王贊曰漢書河間王為漢宗英晉周伯仁曰刻畫無鹽唐突西施

訓裴侍御留岫師彈琴見寄

君同鮑明遠邀彼休上人鼓琴亂白雪秋變江上春

瑤草綠未衰攀翻寄情親相思兩不見流淚空盈巾

齊賢曰鮑照字明遠為宋臨江王參軍沈約宋書曰沙門惠休善屬文徐湛之與之甚厚世祖命使還俗本姓湯位至揚州從事孟子衿衣鼓琴陽春白雪曲名也別賦云惜瑤草之徒芳王贊曰鮑照詩惆悵憶情親蘇武詩生當長相思詩六愛而不見搔首踟躕

張相公出鎮荊州尋除太子詹事余時流夜郎

行至江夏與張公去千里公因太府丞王昔使

車寄羅衣一事及五月五日贈余詩余答以此

詩

張衡妹不樂應有四愁詩慙君錦繡段贈我慰相思

鴻鵠復矯翼鳳凰憶故池榮樂一如此商山老紫芝

齊賢曰張衡四愁詩序曰張衡不樂久處機密陽嘉中出為河間相時天下漸弊鬱鬱不得志為四愁詩其辭曰美人贈我錦繡段何以報之青玉案青書荀公曾為中書令罷去云奪我鳳皇池商山四皓歌曰燁燁紫芝可以療飢

醉後答丁十八以詩譏余搥碎黃鶴樓

黃鶴高樓已搥碎黃鶴仙人無所依黃鶴上天訴玉

帝卻放黃鶴江南歸神明太守再雕飾新圖粉壁還

芳菲一川笑我為狂客少年往來相譏君平簾下

誰家子云是遼東丁令威作詩調我驚逸興白雲遶

筆牕前飛待取明朝酒醒罷與君爛熳尋春暉齊賢鶴樓事見前賀知章自號四明狂客漢書嚴君平賣卜於成都市日閱數人得百錢足自養則閉肆下簾而授老子遼東華表柱上有鶴云有鳥有鳥丁令威去家千年今始歸城郭雖是人民非陸機詩蘋以春暉士贊曰漢書黃霸為潁川太守吏民咸稱神明莊子曰大德不同而性命爛熳矣

答裴侍御先行至石頭驛以書見招期月滿泛

洞庭

君至石頭驛寄書黃鶴樓開緘識遠意速比南行舟
風水無定準湍波或滯留憶昨新月生西簷若瓊鉤
今來何所似破鏡懸清秋恨不三五明平湖泛澄流

此歡竟莫遂狂殺王子猷巴陵定近遠持贈解人憂

齊賢曰石頭驛在金陵王逸注楚辭曰曲瓊玉鉤也吳兢解題何當大刀頭破鏡飛上天言夫出月半缺當還平湖指洞庭士贊曰禮記月今日先定準直古詩三五明月滿四五蟾兔缺狂殺王子猷是用子猷訪戴安道事乘興而來興盡而返

答高山人兼呈權顧二侯

虹霓掩天光哲后起康濟應運生夔龍開元掃氛翳
太微廓金鏡端拱清遐裔輕塵集嵩嶽虛點盛明意
謬揮紫泥詔獻納青雲際齊賢曰虹霓指太平公主輩哲后指元宗書曰康濟

小民晉天文志太微天子之廷五帝之座雜書曰秦失金鏡喻明道也白天寶初供奉翰林潛草詔誥紫

泥詔見前士贊曰蔡伯喈撰陳太丘碑文曰先生含
元精之和應期運之數夔龍唐虞賢臣唐馬周上疏
云天下刺史得人陛下端拱巖廊之上夫復何為西
都賦朝夕論思日月獻納史范曄傳致身青雲之上
讒惑英主心恩疎佞臣計彷徨庭闕下歎息光陰逝
未作仲宣詩先流賈生涕挂帆秋江上不為雲羅制
山海向東傾百川無盡勢我於鴟夷子相去千餘歲
運闊英達稀同風遙執袂齊賢曰黍離詩周大夫行
役至于宗周彷徨不忍去
王粲詩復棄中國去遠身事荆蠻親戚對我悲朋友
相追攀史賈誼拜梁太傅上疏陳政事其畧云竊惟
事勢可為痛哭者一可為流涕者二演連珠振綱羅
雲不必招鳳史范蠡浮海出齊變姓名自謂鴟夷子
皮耕于海畔孟子世之相後也千有餘歲士贊曰漢
朱雲傳願借上方斬馬劍斬佞臣頭江淹詩曠哉字

宙惠雲羅更四陳列子曰地不滿東南百川水潦歸焉登艫望遠水忽見滄浪

桀高士何處來虛舟渺安繫貌本淳古文章多佳

麗延引故鄉人風義未淪替顧侯達語默權子識通

蔽曾是無心雲但為此留滯雙萍易飄轉獨鶴思凌

厲明晨去瀟湘共謁蒼梧帝齊賢曰屈原漁父云莞爾而笑鼓枻而去歌曰

滄浪之水清兮可以濯我纓皇甫謐有高士傳繫辭曰或出或處或默或語通蔽通塞也陶潛詞雲無心而出岫史太史公留滯周南士贊曰莊子云汎若不繫之舟虛而遨遊者也謝靈運詩虛舟有超越老子過故鄉而下車木華海賦或乃萍流而浮轉抱朴子曰凌青霄厲紫漢陶潛詩凌厲越萬里

答杜秀才五松見贈五松山南陵銅坑西五六里今宣城

人曰我是也陵陽山在涇縣西南百里乃竇子明釣得白龍放之之處嵇康詩日送飛鴻手揮五絃後漢書桓典拜侍御史常乘驄馬京師畏憚曰行行且止避驄馬御史過秦論振長策而馭宇內士贊曰鄒陽書曰精誠變天地時秦解繡衣脫身若飛蓬鸞鳳翻羽翼咏

粟坐樊籠海鶴一笑之思歸向遼東黃山過石柱巘

崿上攢叢因巢翠玉樹忽見浮丘公又引王子喬吹

笙舞松風朗詠紫霞篇請開藥珠宮步綱繞碧落倚

樹招青童何日可攜手遺形人無窮齊賢曰漢侍御史有繡衣直指

毛詩首如飛蓬又無啄我粟遼東華表柱有鶴曰有鳥有鳥丁令威去家千年今始歸黃山隸宣州黃帝

與浮丘公遊黃山駐天都峯今有浮丘公仙壇巘嶠高峻貌揚雄賦云倩玉樹之青蔥王子喬吹笙事見

前十洲記曰玉晨大道君治藥珠貝闕步綱禹步也王贊曰謝靈運詩連障疊巘嶠紫霞篇即黃庭內景經也經曰上清紫霞虛皇前太上大道玉宸君間居藥珠作七言散花五形變萬神是為黃庭曰內篇詠之萬徧升三天秘要經云仙宮中有參陽之殿藥珠之闕翠嬰之房道君在中而說經綱罡氣也即禹步交乾履斗之法道書老君于東極碧落之天浮黎之國書冥文于青空之林成紫字之文復授青童大君靈書紫文修行二十四事詩云攜手同歸賈誼鵬賦釋智遺形矣超然自喪班固幽通賦朝貞觀而夕化兮猶誼已而遺形莊子廣成子曰余將去汝入無窮之門以遊無極之野

訓崔十五見招

爾有鳥跡書相招琴溪飲手跡尺素中如天落雲錦讀罷向空笑疑君在我前長吟字不滅懷袖且三年

曰董尚書貴幸公宜降意憶曰董龍是何雞狗而令國士與之言乎榮慙恨勸生誅憶臨刑榮曰公復敢數董龍作雞狗乎憶瞋目叱之龍榮小字東漢書人咸問禰衡曰盍從陳長文司馬伯達乎對曰吾焉能從屠沽兒耶

君不見李伯海英風豪氣今何在君不見裴尚書土墳三尺蒿棘干作居少年早欲五湖去見此

彌將鍾鼎疎齊賢曰李邕字泰和揚州江都人父善示邕欲有所更善曰試為我補益之邕附事見義善以為不可奪故兩書並行李嶠張廷珪薦之忍拜左

於遺元宗即位為陳州刺史仇人告邕賤貸枉法下獄當死許昌男子孔璋上書曰臣與邕平生不款曲臣知有邕邕不知有臣願代邕死疏奏得減死貶道

化尉流璋嶺南裴尚書未詳范蠡平吳還至五湖辭越三載其輕寶與松屬泛舟而去墨子曰琢之盤孟銘之鍾鼎

第十九卷終

分類補註李太白詩卷之二十

明長洲許自昌元祐甫校

遊宴

遊南陽白水登石激作襄陽

朝涉白水源暫與不俗疎島嶼佳境色江天涵清虛

目送去海雲心閑遊川魚長歌盡落日乘月歸田廬

齊賢曰隨州西北二百里曰棗陽縣有春陵故城在縣東漢元帝時春陵侯以其國地卑濕因割蔡陽之白水上唐二鄉為春陵侯邑左思詩長揖歸田廬士贊曰朝涉字祖出秦誓漢書張良傳曰上目送之蘇武詩長歌正激烈中心愴以摧

遊南陽清冷泉

惜彼落日暮愛此寒泉清西輝逐流水蕩漾遊子情

空歌望雲月曲盡長松聲

齊賢曰南都賦耕父揚光于清冷之淵薛綜注清冷水名在南陽西鄂山上士贊曰江淹詩蕩漾不可期道家步虛詞有碧落空歌

尋魯城北范居士失道落蒼耳中見范置酒摘

蒼耳作

鴈度秋色遠日靜無雲時客心不自得浩漫將何之

忽憶范野人間園養幽姿茫然起逸興但恐行來遲

城壕失往路馬首迷荒陂不借翠雲裘遂為蒼耳欺

入門且一笑把臂君為誰

齊賢曰左傳唯余馬首是瞻蒼耳即卷耳詩云采采

卷耳注蒼耳也今所謂羊負菜廣絕交論曰自昔把臂之英士贊曰劉向新序宋玉事楚襄王而不見察意氣不得形于顏色楚詞欲高飛而遠集方君罔謂汝何之莊子曰茫乎何之忽乎何適世說衛洗馬曰見此茫然不覺百端交集宋玉賦主人之女為承目之華上翠雲之裘古樂府入門各自媚誰肯相為言漢薛宣傳曰一笑相樂

酒客愛秋蔬山盤薦霜梨他筵不下筋

此席忘朝飢酸棗垂北郭寒瓜蔓東籬還傾四五酌

自詠猛虎詞近作十日歡遠為千載期風流自簸蕩

謔浪偏相宜酣來上馬去却笑高陽池

齊賢曰何曾曰食萬錢猶云無下筋處古猛虎行曰飢不從猛虎食暮不從野雀栖史記秦昭王遺平原君書曰願與君為十日之

飲毛詩謔浪笑傲山簡鎮襄陽遊高陽池事見前士贊曰三國吳胡綜曰千載一會之期

東魯門泛舟二首

日落沙明天倒開波搖石動水縈迴輕舟泛月尋溪

轉疑是山陰雪後來齊賢曰王子猷雪夜訪戴事見前士贊曰謝眺詩日落長沙渚

郭璞江賦嫩如地裂豁天開鮑照詩萬壑勢縈迴

其二

水作青龍盤石堤桃花夾岍魯門西若殺月下乘舟

去何啻風流到剡溪士贊曰桃花源記云桃花夾岸及剡溪事見前詩

秋獵孟諸夜歸置酒單父東樓觀妓

傾暉速短炬走海無停川冀餐圓丘草欲以還顏生

此事不可得微生若浮烟齊賢曰抱朴子圓丘多大蛇又生好藥黃帝將登焉

廣成子教之佩雄黃而衆蛇皆去士贊曰陸駿發跨機應嘉賦悲來口之苦短恨頽年之方促

名駒彫弓控鳴弦鷹豪魯草白狐兔多肥鮮邀遮相

馳逐遂出城東田一掃四野空喧呼鞍馬前歸來獻

所獲炮炙宜霜天出舞兩美人飄飄若雲仙留歡不

知疲清曉方來旋齊賢曰毛詩駿發爾私箋云駿疾也枚乘七發曰左鳥駭之彫弓漢

書匈奴控弦三十萬鳥驚詩燔炙芬芳何劭詩飄飄若仙步應場詩公子敬愛客樂飲不知疲且為極歡

情不醉其無歸

遊太山六首

四月上天山石屏御道開六龍過萬壑澗谷隨縈迴

馬跡遶碧峰于今滿青苔飛流洒絕巘水急一作松

聲哀北眺崿嶂竒傾崕向東摧洞門閉石扇地低與

雲雷齊賢曰元宗開元十三年有事泰山其登山也

序曰皇伯登出扶桑日之陽駕六龍以上下神仙傳

八公與劉安登山所踏山上石皆陷成亦至今人馬

跡猶存唐貞觀中長公弼與華陰雲臺觀劉法師往

蓮花峰東隅至一石壁高千餘仞下臨無底之谷一

逕闊數寸法師與公弼側足而立公弼以指叩石壁

遂劃然開一門中有天地日月士贊曰按六龍字

是用周易時乘六龍以御天事鮑照萬壑勢縈迴

馬跡字當是用仙傳周穆王事王好神仙之道常欲

使車轍馬跡遍于天下以做黃帝焉

登高望蓬瀛想象金銀臺

長嘯萬里清風來玉女四五人飄飄下九垓含奕引

素手遺我流霞杯稽首再拜之自愧非仙才曠然小

宇宙棄世何悠哉齊賢曰漢志齊威宣燕昭使人入

海求蓬萊方丈瀛洲此三神山諸

仙人及不死之藥皆在焉其物禽獸盡白而黃金為

宮闕未三如雲及至反居水下郭璞詩吞舟魚

海底高浪駕蓬 仰視天門如從穴中窺天恣在思詩長嘯激清風其

李詩補注

道殆恐非仙才也江淹詩曠哉宇宙惠莊子曰夫欲免為形者莫如棄世棄世則無累毛詩于乎悠哉傳曰悠遠貌

其二

清曉騎白鹿直上天門山山際逢羽人方瞳好容顏
把蘿欲就語却掩青雲關遺我鳥跡書飄然落巖間
其字乃上古讀之了不閑感此三嘆息從師方未還


齊賢曰廣異記沈羲得道黃老遣薄延乘白鹿車迎羲楚辭仍羽人于丹丘兮留不死之藥鄉拾遺記老聃其瞳方仙書云眼方者壽千歲陶弘景晚年一眼有時而方比山移文云肩岫幌掩雲關黃帝之史沮誦蒼頡眺彼鳥跡始作書契漢書謂之科斗書尚書序上古之書謂之尚書王贊曰葛洪神仙傳漢武帝

問居殿上忽有一人乘雲車駕白鹿從天而下來集殿前帝驚問為誰曰我山中衛叔卿也陶潛詩常有好奇顏又歌竟長嘆息

其三

平明登日觀舉手開雲關精神四飛揚如出天地間
黃河從西來窈窕入遠山憑崖攬八極目盡長空閑
偶然值青童綠髮雙雲鬢笑我晚學仙蹉跎凋朱顏
躊躇忽不見浩蕩難追攀

齊賢曰史留侯世家平明日觀雞一鳴時日始出長三丈許列子至人揮斤八極楚詞驥垂兩耳中坂蹉跎王康琚詩凝霜凋朱顏左思詩躊躇足力煉莊子精神四達並無流所不極上際于天下蟠于地楚詞心飛揚兮浩蕩青童大君



見十九卷陶隱居真誥云青童大君曰欲植滅度根
當拔生死氣沉吟墮九泉坐惜形骸棄毛詩愛而不
見搔首蚶蚶楚辭
怨靈修之浩蕩

其四

清齋三千日裂素寫道經吟誦有所得衆神衛我形
雲行信長風颯若羽翼生攀嵯上日觀伏檻窺東溟
海色動遠山天雞已先鳴銀臺出倒景白浪翻長鯨
安得不死藥高飛向蓬瀛齊賢曰鄭玄禮記註素生
身體生羽翼宋玉招魂坐堂伏檻臨曲池天台山賦
或倒景于重溟史記三神山在渤海中諸仙人及不
死之藥皆在焉士贇曰集仙錄紫虛元君魏華存夫
人清齋于陽洛之山隱元之臺西王母降于臺中傳

玉清隱書以卷以授華存曹植詩飄飄隨長風海色
即出之光也玄中記桃都山有大桃樹其枝相去三
千里上有天雞日初照此木天雞即
鳴天下雞皆隨鳴漢書羽翼已成

其五

日觀東北傾兩嵯夾雙石海水落眼前天光遙空碧
千峰爭攢聚萬壑絕凌歷緬彼鶴上仙去無雲中跡
長松入雲漢遠望不盈尺山花異人間五月雪中白
終當遇安期於此鍊玉液齊賢曰日觀及安期生事
見前郭璞詩方士鍊玉液
鮑照詩萬壑勢縈回詩云倬彼雲漢昭回于
天陸機詩云遺響入雲漢楚詞遠望兮阡眠

其六

李詩甫注

朝飲王母池。暝投天門關。獨抱綠綺琴。夜行青山間。
山明月露白。夜靜松風歇。仙人遊碧峰。處處笙歌發。
寂靜娛清暉。玉真連翠微。想像鸞鳳舞。飄飄龍虎衣。
捫天摘匏瓜。恍惚不憶歸。舉手弄清淺。誤攀織女機。
明晨坐相失。但見五雲飛。齊賢曰。列子穆王賓于西。見前樂書相如蔡琰之綠綺琴名也。謝靈運詩。清暉能娛人。翠微見前。注北史崔浩傳。太史奏熒惑在匏瓜星中。一夜忽然亡矣。集林曰。昔有人尋河源。見婦人浣紗。問之曰。此天漢也。乃與一石婦問嚴君平云。此織女支機石。今在成都嚴真觀。君平故宅。士贇曰。謝靈運詩。想象崑山姿。黃庭內景。玉經曰。九色錦衣。綠華裾。佩金帶玉龍。虎文楚詞。條忽而捫天老。子曰。恍恍惚惚。其中有物。古詩。河漢清且淺。

秋夜與劉碭山泛宴喜亭池

明宰試舟楫。張燈宴華池。文招梁苑客。歌動郢中兒。
月色望不盡。空天交相宜。令人欲泛海。只待長風吹。

齊賢曰。唐志。宋州睢陽郡碭山縣陸機詩。移根華池。邊漢梁孝王築東苑。方三百餘里。廣睢陽城七十里。大治宮室。招延四方豪傑。自山東游士。莫不至。客有歌于郢中事。見前謝安與孫綽等汎海事。見前風土記。南中六月有東南長風。俗云黃雀長風。時海魚變為黃雀。因名。

攜妓登梁王棲霞山孟氏桃園中

碧草已滿地。柳與梅爭春。謝公自有東山妓。金屏笑
坐如花人。今日非昨日。明日還復來。白髮對綠酒。強

歌心已摧君不見梁王池上月昔照梁王樽酒中梁

王已去明月在黃鸝愁醉啼春風分明感激眼前事

莫惜醉臥桃園東齊賢曰棲霞山在單父縣江文通別賦春草碧色漢梁孝王苑中有

雁池幽詩有鳴倉庚注黃鸝也劉越石詩鄧生何感激王贊曰宋玉神女賦燁乎如花温潘岳詩念此如昨日陶潛詩綠酒開芳顏歐陽建詩痛酷摧心肝

與從姪杭州刺史良遊天竺寺

掛席凌蓬丘觀濤憇樟樓三山動逸興五馬同遨遊

天竺森在眼松風颯驚秋覽雲測變化弄水窮清幽

疊嶂隔遥海當軒寫歸流轉成傲雲月佳趣滿吳洲

齊賢曰謝靈運詩掛席拾海月蓬丘蓬萊也漢志三

神山在渤海中漢儀天子六馬諸侯五馬錢唐諸寺

天竺最盛山有二門南北相望而上下兩天竺寺自

西湖入天竺寺路夫道皆古松其地名曰九里松靈

隱天竺同在一處昔由松門而進圖經杭州靈山之

陰北澗之陽即靈隱寺靈山之南南澗之陽即天竺

寺二澗流水號錢源泉遠寺峰南北至峰前合為一

澗士贊曰沈約詩氣與三山壯謝靈運詩薜蘿若在

眼淮南子曰盈縮卷舒與時變化任昉詩疊嶂易成響

同友人舟行

趙臣傷江楓謝客拾海月懷沙去瀟湘挂席泛溟渤

蹇予訪前跡獨往造窮髮古人不可攀去若浮雲沒

齊賢曰宋玉招魂云湛湛江水兮上有楓日極千里兮傷春心注曰水浸瀾楓木使之茂盛傷已不蒙君

惠而身放棄不如楓木得所也謝靈運詩挂席汎海月屈原作懷沙賦事見前溟渤二海名離騷云蹇吾法前修方非世俗之所服注文選蹇作蹇難也訓難易之難謝靈運詩况凌于窮髮之士贊曰江淹詩資神任獨往莊子曰窮髮之北有溟海者天池也司馬彪曰窮髮者北極之下無毛之地劉琨詩時哉不我與去乎願言弄倒景從此鍊真骨華頂窺絕溟蓬壺

望超忽不知青春度但怪綠芳歇空持釣鼈心從此

謝魏闕齊賢曰楚詞芳以歇而不比莊子中山公子年身在江海之上心居魏闕之下士贊曰倒景絕溟釣鼈三事並見前王簡栖頭陀寺碑云東望平臯千里超忽

下終南山過斛斯山人宿置酒

暮從碧山下山月隨人歸却顧所來徑蒼蒼橫翠微

相攜及田家童稚開荆扉綠竹入幽徑青蘿拂行衣

歡言得所憩美酒聊共揮長歌吟松風曲盡河星稀

我醉君復樂陶然共忘機齊賢曰詩曰終南何有毛萇曰終南周之名山在長

安之南爾雅曰山未及上曰翠微楊暉傳田家作苦琴操有風入松曲曹孟德詩月明星稀王贊曰江淹

詩太古晦蒼蒼左思蜀都賦氣氛氲以翠微范彦龍田家去樵採陸機毛詩草木疏曰松蘿蔓松而生崔

豹古今注曰長歌言壽命長短定分不妄求也蘓武詩長歌正激烈昭明太子撰陶淵明傳曰貴賤造之

者有酒輒設淵明若先醉更語客我醉欲眠卿可去其真率如此

朝下過盧郎中敘舊遊

君登金華省我入銀臺門幸遇聖明主俱承雲雨恩

復此休浣時閑為疇昔言却話山海事宛然林壑存

明湖思曉月疊嶂憶清猿何由返初服田野醉芳樽

齊賢曰唐有銀臺門通進司漢書石慶為內史每五日洗沐歸謁視檀弓疇昔之夜注疇發聲昔猶前也謝靈運詩將窮山海跡楚詞進不入以離尤退將後修吾初服士贊曰漢書叙傳成制時鄭寬中張禹朝夕說尚書論語于金華殿中顏師古曰金華殿在未央後范彥龍詩遭逢聖明斥遙望鳳皇池漢張純傳恩德雲行惠澤雨施張載詩疇昔懷微志謝靈運詩林壑歛暝光晉光逸傳劉畢芳樽友之

侍從遊宿溫泉宮作

羽林十二將羅列應星文霜仗懸秋月霓旌卷夜雲
嚴更千戶肅清樂九天聞日出瞻佳氣葱匕繞聖君

齊賢曰牛氏星經羽林府四十五星疊壁陳十二星在營室南主羽林衛天子之軍漢表羽林掌送從次期門武帝太初元年置建章營騎後更名羽林騎唐因隋制有十二衛儀衛志凡朝會之仗二衛番上分為五仗天子將出前二日大樂令設宮縣之樂于庭書漏之上五刻駕長前發七刻擊一鼓為嚴前五刻擊二鼓為再嚴前一刻三鼓為三嚴諸衛各督其隊以次入陳周禮折羽為旌天間九天之祭安放安屬漢書氣佳哉鬱匕葱匕士贊曰上林賦拖霓旌靡雲旒西都賦周以嚴更之署詩云日出有曜

邯鄲南亭觀妓

歌鼓一作妓燕趙兒魏姝弄鳴絲粉色艷日彩舞袖一作衫拂花枝把酒頌一作顧美人請歌邯鄲詞清箏何綠
繞度曲綠雲垂平原君安在科斗生百池座客三千

人于今知有誰我輩不作樂但為後代悲

齊賢曰公孫瓚傳注

童謡云燕南垂趙北際中間不合大如礪惟有此中

可避世贊以易小當之築京固午則燕之南乃趙之

界唐志相州鄴郡本魏郡毛詩彼姝者子箋云妹美

好之子韓子曰長袖善舞樂府有邯鄲才人嫁為厮

養卒婦詞樂書唐惟有清樂箏十二絃彈之為鹿骨

瓜長寸餘代指他皆十三絃今教坊無十二絃者善

度曲事見前史平原君趙勝喜賓客蓋至者數千人

阮籍詩梁王安在哉世說桓大司馬問劉真長曰第

一 流復是誰劉曰正是我輩耳士贊曰江淹別賦琴

瑟張兮簫鼓陳燕趙歌兮傷美人又曰下壁而沉彩

鮑照詩餘人安在哉尚書序注曰科斗蟲名蝦蟆子

史秦圍邯鄲平原君得死士三千人陶潛詩得坎當

作樂斗酒聚比鄰古詩為樂當及時何

能待來茲愚者愛惜費但為後世嘆

春日遊羅敷潭

齊賢曰古今註羅敷事見前卷

行歌入谷口路盡無人躋攀岬度絕壑弄水尋迴溪

雲從石上起客到花間迷淹留未盡興日落羣峰西

齊賢曰左傳注躋升也謝靈運詩攀岬照石鏡又對

嶺臨迴溪招隱士攀援桂枝兮聊淹留士贊曰莊子

云行歌而去之七賢

曰依絕區兮臨迴溪

春陪商州裴使君遊石娥溪

時欲東遊遂有此贈

裴公有僊標拔俗數千丈澹蕩滄洲雲飄颻紫霞想

剖竹商洛間政成心已閑蕭條出世表冥寂閉玄關

齊賢曰世說庾子嵩日和嶠森、如千丈松楊雄激

靈賦世有黃公起于滄洲怡神養性與道浮游陸機

詩輕舉凌紫霞漢書初典郡守為竹剖符郭璞詩中

有冥寂上顏延年詩劉伶善閉關士贊曰孫盛晉陽

秋曰呂安志量開廣有拔俗風氣孔德璋北山移文
耿介拔俗之標鮑照詩春風淡蕩俠思多趙景真與
嵇茂齊書飄飄遠遊之士託身無人之鄉黃庭內景
玉經曰上清紫霞虛皇前汪云紫霞之宮一名紫瓊
宮王簡栖頭陀寺碑曰我來屬芳節解榻時相悅塞
玄關幽鍵感而遂通

惟對雲峰揚袂指松雪暫出東城邊遂遊西巖前橫

天聳翠壁噴壑鳴紅泉尋幽殊未歇愛此春光發溪

傍饒名花石上有好月齊賢曰陳蕃為徐穉特設一榻去則懸之賈宗為刺史既

入界令人寨其車帷裳類延年詩山明望松雪謝靈運山居賦訊丹砂于紅泉又詩石磴瀉紅泉沈休文詩春光發隴首士贊曰左傳憂未歇也命駕歸去來露華生翠苔淹留

惜將晚復聽清猿哀清猿斷人腸遊子思故鄉明發

首東路此懽焉可忘齊賢曰晉東平呂安服嵇康高致每相思輒千里命駕陶潛

為彭澤令去官賦歸去來楚辭攀桂枝兮聊淹留魏文帝詩綿綿思故鄉詩云明發不寐韓信傳北首燕路注曰音謂趣向也首式究切士贊曰孔子歌曰巾車命駕將適唐都荆州記巴東三峽歌云猿啼三聲斷人腸

陪從祖濟南太守泛鵲山湖三首齊州

初謂鵲山近寧知湖水遙此行殊訪戴自可緩歸橈

齊賢曰唐齊州濟南郡治歷城縣子猷訪戴事見前

其二

湖濶數千里湖光搖碧山湖西正有月獨送李膺還

齊賢曰郭泰遊洛陽見河南尹李膺膺大奇之後歸鄉里衣冠諸儒送至河上林宗唯英李膺同舟而濟眾賓望之以為神仙太白以方李守

其三

水入北湖去舟從南浦回遙看鵲山轉却似送人來

齊賢曰南浦在鵲湖之南

春自陪楊江寧及諸官宴北湖感古作金陵

昔聞顏光祿攀龍宴京一作重湖樓船入天鏡帳殿

開雲衢君王歌大風如樂豐沛都延年獻佳作邈與

詩人俱齊賢曰丹陽郡圖經樂遊苑晉時藥圃元嘉中築堤壅水名為北湖顏延年有應詔觀北

湖田收詩楊子曰攀龍鱗附鳳翼史記船上建樓曰樓船漢高祖過沛酒酣上擊筑自歌曰大風起兮雲飛揚安得猛士兮守四方王贊曰三國名臣序曰整年善承意張協詩名與天壤俱我來不及此獨立

鐘山孤楊宰穆清風一作芳聲騰海隅英僚滿四座

粲若瓊林敷鷁首弄倒景蛾眉綴明珠一作新絃採

梨園古舞嬌吳歛曲度繞雲一作漢聽者皆歡娛

曰北山移文鍾山之英即今建康蔣山也詩穆如清風書丕冒海隅出日左傳同官為僚世說王戎云太尉神姿高徹如瑤林瓊樹相如賦浮文鷁法曰鷁水鳥盡于舟首以厭水神倒景見前詩云螭首蛾眉唐有梨園弟子楚辭吳歛蔡謳奏大呂度曲及繞云見前王贊曰淮南子卓然獨立塊然幽處陶潛詩四座

列羣英曹植洛神賦綴明珠以耀軀唐禮樂志初隋有法曲其聲清新而近雅玄宗酷愛法曲選坐部伎弟子三百人教于梨園謂之梨園弟雞棲何嘈嘈泂

一作江月沸笙竽古之帝宮苑今乃人樵蕪感此勸

觴願君覆瓢壺榮盛一作盛時當作樂無令後賢吁齊賢

令仲夏調笙竽淮南子孟夏吹笙竽金陵六朝之政都漢書樵蘇後爨晉灼曰樵取新蘇取草王贊曰鮑照詩嘈嘈晨鼓鳴埤倉曰嘈嘈衆聲也陶潛詩得歡當作樂此未句意蓋自國風山有樞中來也

宴鄭參卿山池

爾恐碧草晚我畏朱顏移愁看楊花飛置酒正相宜

歌聲送落日舞影迴清池今夕不盡杯留歡更邀詩

王贊曰王康琚疑霜周朱頽陸機詩置酒高堂

遊謝氏山亭

淪老卧江海再歡天地清病閑久寂寞歲物徒芬榮

借君西池遊聊以散我情掃雪松下去捫蘿石道行

謝公池塘上春草颯已生花枝拂人來山鳥向我鳴

田家有美酒落日與之傾醉罷弄歸月遙欣稚子迎

齊賢曰鮑明遠詩君平獨寂寞身世兩相棄謝靈運在永嘉西堂思詩竟日未得忽夢見惠連即得池塘生春草次以為美歸去來詞稚子候門士贊曰淮南王莊子要畧曰江海之士山谷之人輕天下細萬物而獨往

把酒問月

故人賈享
令予問之

青夫有月來幾時我今停杯一問之人攀明月不可

得月行却與人相隨皎如飛鏡臨丹闕綠烟滅盡清

輝發但見宵從海上來寧知曉向雲間沒白兔擣藥

秋復春嫦娥孤棲與誰鄰令人不見古時月今月曾

共經照古人古人今人若流水其看明月皆如此唯願

當歌對酒時月光長照金樽裏

齊賢曰淮南子羿得
不死之藥于西王母

其妻嫦娥竊之奔于月魏武帝短歌行對酒高歌人
生幾何士贇曰謝靈運詩清輝能娛人傳玄擬天問

日月中何有白兔擣藥江淹詩
金樽坐含霜又烟滅淮海見

同族姪評事黯遊昌禪師山池二首

遠公愛康樂為我開禪關蕭然松石下何異清涼山

花將色不染水與心俱閒一坐度小劫觀空天地間

齊賢曰廬山在江州南二十里二林又在山之南五
里許兩寺相隣晉道遠所居水石深怪古迹無

窮東林三門內有小渠名曰虎溪又有白蓮花池謝
靈運雷次宗等皆入蓮社靈運襲封康樂公康乾封

二年宣律師在長安城南淨業寺修道忽有一大人
來致敬自言姓王名璠因問曰自昔相傳文殊在清

涼山領五百仙人說法結中明文曰文殊久住娑婆
世界如何偏在此方答曰文殊是諸佛之元帥隨緣

利見但知仰信多在清涼山五臺之中今屬代州西
五臺縣清涼府又問今五臺山東南三十里見有大

孚靈鷲寺有花園可二頃許四時發茂色類不同人
移花栽別處皆不生惟在園內方得久榮或云漢明

所立或云魏孝文栽植如何答曰但是二帝所作傳
燈錄有水觀佛謂之劫道謂之塵儒謂之世世說註
支道林集妙觀章云夫色之不性自有色色不自有
雖有色而空故曰色即為空色復與空士贊曰老子
說常清淨經曰觀
空亦空空無定空

其二

客來花雨際秋水落金池片石寒青錦疎楊挂綠絲

高僧拂玉柄童子獻雙梨惜去愛佳景烟蘿欲暝時

齊賢曰金陵雨花臺梁武時有僧講經于此天雨寶
花此臺在長干山之頭後漢驃國王居有二池以金
為堤舟楫皆飾金寶世說王衍執玉柄塵尾與手同
色王贊曰廬山記晉惠遠于廬山集一時名士高僧
會于飛
若臺

金陵鳳皇臺置酒

置酒延落景金陵鳳皇臺長波寫萬古心與雲俱開

借問往昔時鳳皇為誰來鳳皇去已久正當今日迴

明君越羲軒天老坐三台豪士無所用彈絃醉金罍

東風吹出花安可不盡杯六帝沒幽草深宮冥綠苔

置酒勿復道歌鐘但相催

齊賢曰鳳皇臺在金陵宋
元嘉中王嶺見異鳥集于
山時謂鳳皇遂起臺于山羲軒伏羲軒轅也列子云
黃帝召天老力牧太山稽注云三人黃帝之相晉帝
上台中台下台在天曰三台在人曰三公呂氏春秋
曰老聃孔子墨翟關尹子列子陳駢楊朱孫臏王寥
倪良此十人者皆天下之豪士六帝吳晉宋齊梁陳
也左傳鄭人賂晉侯歌鍾二肆士贊曰史五常紀注

鄭玄云按黃帝例天置列諸公衆官以風后配上台天老配中台五聖配下台謂之三公也莊子越人無所用之詩云我姑酌彼金罍古詩棄捐勿復道鮑照詩七盤起長袖庭下列歌鍾

秋浦清溪雪夜對酒客有唱鷓鴣者秋浦

披君一作我貂襜褕對君白玉壺雪花酒上滅頓覺夜

寒無客有桂陽至能吟山鷓鴣清風動翾竹越鳥起

相呼持此足為樂何煩笙與竽齊賢曰張衡詩美人

裾謂之襜褕鮑照詩清如玉壺冰唐柳州桂陽鷓鴣

嶺南徧多臆前有白圓點背上間紫赤毛多對啼自呼選古詩越鳥巢南枝笙竽事見前王贊曰劉玄休詩玉宇來清風古詩為樂當及時左思詩北里吹笙

等

與周剛清溪玉鏡潭宜別潭在秋浦桃胡陂下余新名此潭

康樂上官去永嘉遊石門江亭有孤嶼千載跡猶存

我來游秋浦三尺桃陂源千峰照積雪萬壑盡啼猿

興與謝公合文因周子論齊賢曰謝康樂有登石門最高頂詩又遊名山志曰

石門澗六處石門溯水上入兩山兩邊石壁右邊石巖下臨澗水秋浦見前王贊曰鮑照詩千巖盛阻積

萬壑勢掃厓去落葉席月開清樽溪當大樓南溪水

正南奔迴作玉鏡潭澄明此心魂此中得佳境可以

絕囂喧清夜方歸來酣歌出平原別後經此地為余

謝蘭蓀齊賢曰大樓山名晉書漸入佳境尚書酣歌于室楚詞蓀撓芳蘭旌注蓀香草也王贊曰

曹植詩明月澄清景左傳樂祈曰心之精爽是謂魂
鬼江淹詩何用苦心覓楚詞秋蘭兮靡蕪蘇何以兮
愁若皆以况君子

遊秋浦白筇陂二首

何處夜行好月明白筇陂山光積雪猿影挂寒枝
但恐佳景晚小令歸棹移人來有清興及此有相思

齊賢曰筇名旱功但二切士贊曰陸機詩積雪被長巒末句有字依孟子音又去聲發破

其二

白筇夜長嘯爽然溪谷寒魚龍動陂水處處生波瀾
天借一明月飛來碧雲端故鄉不可見腸斷正西看

齊賢曰晉書夏統在洛水以足叩船引聲轉喉集氣長瀟士贊曰謝靈運詩洞庭空波瀾江淹詩日暮碧雲端楚山見

宴陶家亭子 潯陽

曲巷幽人宅高門太士家池開照膽鏡林吐破頰花
綠水藏春日青軒秘晚霞若聞絃管妙金谷不能誇

齊賢曰履卦幽人貞吉照膽言池水之清照人如見肝膽晉石崇有別館在河陽之金谷一名梓澤士贊曰西京雜記高祖初入咸陽宮有方鏡廣四尺高五尺九寸表裏皆明人來照之影則倒見以手捫心而來則見腸胃五臟歷然無礙人有疾病在內掩心而照之則知病之所在又女子有邪心則膽張心動秦始皇嘗以照宮人膽張心動後之高祖悉封閉以待項羽羽併將以東後不知所在漢書張禹傳後堂理

絲竹
管絃

在水軍宴韋司馬樓船觀妓

搖曳帆在空清流

一作川

順歸風詩

因鼓吹發酒爲劍

歌雄對舞青樓妓雙鬟白玉童行雲且莫去留醉楚

王宮

齊賢曰謝玄暉有鼓吹曲蔡邕曰鼓吹歌軍樂也謂之短簫繞歌黃帝岐伯所作史記馮謹彈

缺而歌曹子建美女篇曰青樓臨大路仙傳拾遺曰漢初有四五小兒路上羣戲一兒曰着青裙入天門揖金母拜木公時人莫知張子房知之往拜之曰此東王官之玉童也士贇曰鮑照詩懸兵長風振搖曳高帆舉白玉童言其童之顏如白玉也

流夜郎至江夏陪長史叔及薛明府宴興德寺

南閣

緝殿橫江上青山落鏡中岍迴沙不盡日映水成空

蓮

一作

天樂流香閣蓬舟颺晚風恭陪竹林宴留醉與

陶公

齊賢曰說文緝深青也有憾切王羲之云遊山陰道上如鏡中行齊景公造蓮舟令宮人綵女

撐之以闢名競渡亦名花競王戎與阮籍爲竹林之遊陶潛性嗜酒家貧不能常得親舊知其如此或置酒招之造飲輒盡期必醉而退曾不吝情

之沔州城南郎官湖

乾元歲秋八月由遷於夜郎遇故人尚書郎張謂

出使夏口沔州牧杜公漢陽宰王公觴于江城之

李詩補注

卷三

七

南湖樂天下之再平也方夜水月如練清光可掇
張公殊有勝槩四望超然乃顧由曰此湖古來賢
豪遊者非一而枉踐佳景寂寥無聞夫子可為我
標之嘉名以傳不朽由因舉酒酌水號之曰郎官
湖亦猶鄭圃之有僕射陂也席上文士輔翼岑靜
以為知言乃命賦詩紀事刻石湖側將與大別山
共相磨滅焉

張公多逸興共泛沔城隅當時秋月好不減武昌都
四座醉清光為歡古來無郎官愛此水因號郎官湖

風流若未減名與此山俱齊賢曰漢陽本沔州武德

川二縣置武昌在鄂州五百三十里孫權古都羊祜
鎮襄陽樂山水每風景必造峴山置酒嘗慨然嘆息
謂中即知湛等曰自有宇宙便有此山由來賢達聖
士登此如我與卿等者多矣皆湮滅無聞使人悲傷
湛曰公令聞令望必與此山俱傳若湛輩乃當如公
言耳士贊曰江淹賦秋月如珪陸機詩四座咸同志

陪侍郎叔遊洞庭醉後三首

今日竹林宴我家賢侍郎三杯容小阮醉後發清狂

齊賢曰嵇康與山濤阮籍兄子咸王戎向秀劉伶為
竹林之遊世謂竹林七賢咸字仲容雖處世不交人
事惟共親知絃歌酣宴而已籍子渾有父風少慕通
達不飾小節籍謂曰仲容已豫吾此流汝不得復爾
漢書次公醒而狂士贊曰漢書武帝五子傳清狂不
惠蘇林曰凡狂者陰陽脈盡濁今此人不狂似狂者

本詩補註
故言清狂也清
狂如今日癡也

其二

船上齊橈樂湖心泛舟歸白鷗閑不去爭拂酒筵飛

齊賢曰楚詞蓀橈兮蘭旌注橈小楫也方言曰楫謂之橈或謂之棹鮑明遠詩翻浪揚白鷗注鷗水鳥王贊曰白鷗閑不去是暗用列子海上之人有好涸鳥者從涸鳥遊涸鳥之至者百住而不止事

其三

君山好平鋪湘水流巴陵無限酒醉殺洞庭秋

齊賢曰君山在洞庭東距巴陵四十里登岳陽樓望之橫陳其前君山之後乃太湖渺茫無際直抵沅澧鼎三州王贊曰木華海賦曰于是乎禹也乃鏹臨岸之阜陸夾陂潢而相浚群山既略萬穴俱流此篇首

兩句意出于此鏹與劉義通杜子美亦嘗用
曰意欲鏹疊嶂今韻引此詩于劉字之下

夜泛洞庭尋裴侍御清酌

日晚湘水綠孤舟無端倪明湖漲秋月獨泛巴陵西

遇越裴逸人巖居陵丹梯抱琴出深竹為我彈鷓鴣

曲盡酒亦傾北牕醉如泥人生且行樂何必組與珪

齊賢曰湘水巴陵事見前謝玄暉詩即此凌丹梯注丹梯山也吳都賦鳥則鷓鴣鷓鴣曲名古琵琶絃用鷓鴣筋淘潛云高卧北牕之下醉如泥事見前楊暉云人生行樂耳左思詩臨組不肯緜對珪不肯分士贊曰謝靈運詩溟漲無端倪

陪族叔刑部侍郎擘及中書賈舍人至遊洞庭

五首

洞庭西望楚江分水盡南天不見雲日落長沙秋色

遠不知何處弔湘君

齊賢曰岷江從西來至岳陽樓前與洞庭之水合而東行潭州

長沙郡在洞庭上流三百餘里河圖玉版曰堯之二女為舜妃死葬于此冢在縣北一百六十里青草山史記秦博士對始皇帝云湘君堯之二女舜妃也離騷九歌有湘君士贊曰左傳曰引領西望謝朓詩日落長沙渚層陰萬里生列子曰西極之南隅有國焉不知境界之所接此時賈至貶岳州司馬與白均是逐臣邂逅而為洞庭之遊作是詩也亦屈原賸顧宗國繫心懷王之意乎時帝在西京故曰西望也楚江分者有秦楚之隔也水盡南天不見雲者猶晉明帝所謂舉目見日不見長安之義謂南天隔遠西望吾君不可得而見也日落長沙秋色遠不知何處弔湘君者蓋舜之葬也二妃不得從焉即湘君之事而重

感明皇王后楊妃之事故曰不知何處也寄興深遠無非愛君憂國之意而全不着迹其得國風之體歟晦菴所謂聖于詩者此之謂矣

其二

南湖秋水夜無烟耐可乘流直上天且就洞庭賒月

色將船買酒白雲邊

齊賢曰莊子秋水時至北山移文于青雲而直上

其三

洛陽才子謫湘川元禮同舟月下仙記得長安還欲

笑不知何處是西天

齊賢曰漢書賈誼以為漢興王

色制度定官名與禮樂乃悉草具其事儀法天子議以生任公卿之位絳灌馮敬之屬盡害之曰洛陽之

人年少初學專欲擅權紛亂諸事天子後亦疎之不
用其議以誼為長沙王太傅後漢郭泰歸鄉李膺送
之同舟而濟衣冠望之若神仙桓子新論人言長安
樂則出門向西而笑士贊曰潘岳西征賦終童山東
之英妙賈生洛陽之才子東漢書傳李膺字元禮時
學中語曰天下模楷李元禮按唐書本傳賈至字幼
鄰玄宗幸屬拜起居舍人知制誥歷中書舍人至德
後坐小法貶岳州司馬太白故以賈生事比之也

其四

洞庭湖西秋月輝，瀟湘江北早鴻飛。醉客滿船歌白

苧，不知霜露入秋衣。

齊賢曰：白苧歌云：皎皎白緒，節節為雙。當塗有白苧亭，宋武帝

與羣臣會于此，為白苧之歌。士贊曰：陶潛詩：秋月揚明輝，顏延年詩：解鞍犯朝露。說苑：孺子操彈于後園，露沾其衣。

其五

帝子瀟湘去不還，空餘秋草洞庭間。淡掃明湖開玉

鏡，丹青盡出是君山。

齊賢曰：帝子堯女舜之妃也。青草湖在金沙洲上，通為一湖。自

金沙堆下即洞庭也。君山居洞庭東，對岳陽。自瀟湘來望之如修眉，見于鏡中。士贊曰：楚辭：帝子降兮北渚，目眇眇兮愁予。嫋嫋兮秋風，洞庭波兮木葉下。荆軻易小歌曰：壯士一去兮不復還。

楚江黃龍磯，南宴楊執戟，治樓荆楚。

五月分五洲，碧山對青樓。故人楊執戟，春當楚江流。

一見醉漂月，三杯歌棹謳。桂枝攀不盡，他日更相求。

齊賢曰：曹子建詩：青樓臨大路，謝靈運詩：執戟亦已疲，漂如漢書諸毋漂之義。西都賦：擢女謳歌吹震楚。

詞招隱上攀援桂枝兮聊淹留士贊曰執戟事見二卷馬融廣成頌曰發揮歌縱水謳

銅官山醉後絕句宣城

我愛銅官樂千年未擬還要須迴舞袖拂盡五松山

齊賢曰唐宣州南陵縣武德四年隸池州州廢屬宣州後折置義安縣又廢義安為銅官治利國山有銅有鐵韓子曰長袖善舞十贊曰江淹賦暫遊萬里少別千年

與南陵常贊府遊五松山山在南陵銅井西五里有古精舍

安石泛溟渤獨嘯長風還逸韻動海上高情出入間

靈異可並跡澹然與世閑齊賢云世說謝安石與孫

渤二海名士贊曰成公綏嘯賦集長風乎萬里淮南子曰澹然無欲而民自撲我來五松下

路

置酒窮疏攀徵古絕遺老因名五松山五松何清幽

勝境美沃州蕭颯鳴洞壑終年風雨秋響入百泉去

聽如三峽流剪竹掃天花且從傲吏遊龍堂若可憇

吾欲歸精修齊賢曰高僧傳支遁投跡剡山于沃州

贊曰前漢書功成表錄遺老之策楚詞風颯颯兮木蕭蕭又魚鱗屋兮龍堂紫貝闕兮朱宮

宣城青溪一云入清溪山

青溪勝桐廬水木有佳色山貌且高古石容天傾側

綵鳥昔未名白猿初相識不見同懷人對之空嘆息

齊賢曰桐廬縣新安東陽二水合于此入東流為浙江陶淵明詩睠菊有佳色顏延之詩振策睠東路傾

側不
及羣

與謝良輔遊涇川陵巖寺

乘君素舸泛涇西宛似雲門對若溪且從康樂尋山

水何必東遊入會稽齊賢曰唐宣州涇縣以涇溪而名若耶溪雲門在越州會稽縣

南齊何胤嘗遊謝康樂尋山陟嶺必造幽峻晉宋間人多以往會稽為入東士贊曰南史謝靈運襲封康

樂公出為永嘉太守郡有名山水靈運素所愛好遂四志遊越尋山陟嶺必造幽峻所至輒為詩詠以致其意後移籍會稽修營舊業傍山帶江盡幽居之美右終焉之志

遊永西簡鄭明府

天宮水西寺雲錦照東郭清湍鳴迴瀆綠水繞飛閣

涼風日瀟灑幽客時憇泊五月思貂裘謂言秋霜落

石蘿引古蔓岍筍開新籜吟詠空復情相思爾佳作

鄭公詩人秀逸韻宏寥廓何當一來遊愜我雪山諾

齊賢曰海賦雲錦散文于沙汭之際延陵季子出遊路有遺金時當五月見一翁披裘負薪謂翁取拾金翁曰五月披裘負薪豈拾遺金也哉雪賦云雪山峙于西域謝靈運詩始果遠遊諾士贊曰謝靈運詩對嶺臨迴溪孔惟珪北山移文瀟洒出塵之想史蘇秦傳黑貂之裘弊此極涼之形容耳謝朓詩嬋娟空復情籍詩仲容稚器實稟生人秀

九日登山

淵明歸去來不與世相逐為無杯中物遂偶本州牧

李詩南生

三

因招白衣人笑酌黃花菊

齊賢曰陶潛賦歸去來事見前晉書癡漢忍斷杯中

物耶刺史王弘欲識潛往廬山令其故人龐通之齋酒具于半道栗里要之潛有脚疾使一門生二兒舉藍輿及至欣然使共飲酌俄頃弘至亦無忤也晉陽秋曰陶潛九日無酒出宅邊菊叢中坐久之望見白衣人來乃刺史王弘送酒即便就酌取醉而後歸王贊曰楚詞聖人與世推移陶淵明詩天運苟如此且進杯我來不得意虛過重陽時題輿何俊發遂結城中物

南期築土按響山俯臨遠水湄胡人叫玉笛越女彈

霜絲自作英王甯斯樂不可窺赤鯉湧琴高白龜道

馮夷靈僊如彷彿莫醉遙相知

齊賢曰後漢周景為豫州刺史辟陳蕃為

別駕不就景題別駕輿曰陳仲舉坐響山苑水皆在宣州涼州記咸寧中盜發張駿塚得白玉笛霜絲白

絲也列仙傳琴高超人以鼓琴為未康王舍人行洵彭之術遊冀州涿郡間二百餘年後辭入涿水中取龍子與弟子期曰候我于水傍祠屋果乘赤鯉來出祠中留月餘復入水去九域志宣州琴溪即琴高控鯉之地江賦馮夷倚浪以傲睨山海經從極之川馮夷常都焉馮夷人面而乘龍士贊曰漢田蚡傳墨上不得意孫綽天台賦靈仙之所窟宅楚詞時彷彿以遙見古來登高人今復幾人

在滄洲違宿諾明日猶可待連山似驚波合沓出溟

海揚袂揮四座醅酌安所知齊歌送清揚起舞亂參

差賓墮落葉散帽逐秋風吹別後登此臺願言長相

思齊賢曰續齊諧記桓景隨費長房遊數年長房忽謂曰九月九日汝家當有大災可速去家人作絳

囊盛茱萸繫臂登高山飲菊酒此禍可消論語二路無宿諾海賦波如連山謝眺詩合沓與雲齊晉出

簡鎮襄陽歌曰日夕倒載歸醕醕無所知孟嘉為桓
温叅軍九日九月遊龍山嘉醉有風吹落帽而不知
王贊曰張載詩顧謂四座賓南史四玉傳曰悲落葉
落葉何時還宿昔共根本無復一相關毛詩清揚婉
考注眉目之間李陵詩各言長相思

九日

今日雲景好水綠秋山明携壺酌流霞塞菊泛寒榮
地遠松石古風揚絃管清窺觴照歡顏獨笑還自傾
落帽醉山月空歌懷友生齊賢曰離騷云朝搴此之木蘭注攀取也音蹇說文
攪飯取也士贊曰甘泉賦喻青雲之流霞陶潛詩一觴聊獨進杯盡壺自傾詩云雖有兄弟不如友生
詩叩柅新秋月臨池別友生

九日龍山飲當塗

九日龍山飲黃花笑逐臣醉看風落帽舞愛月留人

齊賢曰九域志太平州治當塗有龍山即桓温九月九日登此置酒風吹孟嘉帽落處唐志當塗太平二縣皆隸宣州陸機詩逐臣尚何有士贊曰魏文帝與鍾繇書曰歲往月來忽復九月九月為陽數而日月並應俗以其名宜于長久故以燕享高會月令季秋之月菊有黃華傳毅七激曰聞君逐臣

九月十日即事

昨日登高罷今朝更舉觴菊花何太苦遭此兩重陽

陪族叔當塗宰遊化城寺升公清風亭

化城若化出金榜天宮開疑是海上雲飛空結樓臺

升公湖上一作秀粲然有辯才濟人不利已立俗無

嫌猜予見水中月青蓮出塵埃閑居清風亭左右清

風來當暑陰廣殿太陽為徘徊齊賢曰列子曰周穆

人來謁王同遊王執化人之祛騰而上者中天廼及

化人之宮構以金銀絡以珠玉出雲雨之上上王實以

為清都紫微鈞天廣樂帝之所居晉志海旁蜃氣象

樓臺廣野氣成宮闕升公化城寺僧也士贊曰維摩

詰經大迦葉言維摩詰有辨才智慧鮑照詩不受外

猜嫌維摩詰經菩薩云何觀玉衆生維摩詰言菩薩

觀衆生如智者見水中月寶積偈日日淨修廣如青

蓮史記屈原蟬蛻汗濁之中浮游塵埃之外溥玄休

詩玉宇來清風曹植表如蒸藿之傾茗酌待幽客珍

太陽雖不為迴光而響之者誠也

盤薦彫梅飛文何灑落萬象為之摧季父擁鳴琴德

聲布雲雷遊道林室亦舉陶潛杯清樂動諸天

松自吟哀留歡若可盡劫石乃成灰齊賢曰文選序

項羽季父項梁當塗幸李陽冰乃太白之叔為季父

宓子賤為單父令鳴琴不下堂而單父治世說文遁

字道林居會稽南史陶潛性嗜酒諸天如淨居大梵


率天梵天之類漢武鑿昆明池見灰上以問東方朔

朔曰試問西域胡至後漢明帝時外國道人入洛陽

也士贊曰左思魏都賦萬殊之象不同曹植詩不能

歌德聲易曰雲雷屯鮑照詩彭韓及廉藺疇昔已

灰雖遊道林室亦舉陶潛杯是



寺南生

卷五

八

